

Կրթարար Արիստակես

9  
—  
ԱԲ-82

25

Խաղաղասիրական  
գիրք

պատկանում է

թ. 1913



2004



Հ Բ Ա Տ Ա Ր Ա Կ Ո Ւ Թ Ի Ի Ն «ԱՐՐՐ» Ա Մ Ս Ա Գ Ր Ի

ԱՐԹԻԻՐ ՄԻՒԼԼԵՐ

ԽԱՂԱՂԱՍԻՐԱԿԱՆ  
ՊԱՏԱՆԵԿԱԿԱՆ ԳԻՐԲ


(Pacifistisches Jugendbuch)

ԽՅՐՀՐԳՆՈՒ ԺՆՈՂՆԵՐԻ ԵՒ ԳՆՍԻՆՐԱԿՆԵՐԻ

*Բէրթա Ֆօն Զուտնէրի առաջարկով*

(Արժանացել է Բէրնի միջազգային խաղաղութեան բիրօյի «mention honorable» մրցանակին)

Գերմաներէն բնագրից թարգմանեց Ի. Յ.



9  
Մ-82

ԹԻՖԼԻՍ

Էլէկտրատար սպարան «Էպօլա» Մուգլյսկի նրբափող. Մ Տ.  
1913

012



Արմ.  
3-2290a

3-2290a

ՀՐԱՏԱՐԱԿՈՒԹԻՒՆ «Ա. Բ. Օ. Բ.» ԱՄՍԱԳՐԻ № 12

9  
Մ-82

ԱՐԹԻՒՐ ՄԻՈՒԼԼԵՐ

մի

# ԽԱՂԱՂԱՍԻՐԱԿԱՆ ՊԱՏԱՆԵԿԱԿԱՆ ԳԻՐԲ

(ԽՈՐՀՐԴԱՏՈՒ ԾՆՈՂՆԵՐԻ ԵՒ ԴԱՍՏԻԱՐԱԿՆԵՐԻ)

Թարգմ. գերմաներէնից  
ԻՍԱՀԱԿ ՅԱՐՈՒԹԻՒՆԵԱՆ



ՄԻՆԵ. № 20850

ԹԻՖԼԻՍ

Տպարան «Էպոխա» Մուգէյսկի պեր. № 8  
1912

Handwritten signature or mark at the bottom right corner.



Ա Ռ Ա Ջ Ա Բ Ա Ն

Վերջին տարիների ընթացքում մեծ ծաւալ է ստացել խաղաղասիրական գրականութիւնը: Վիպագիրներն ու գիտնականները, ազգերի իրաւագէտներն ու քաղաքագէտները, բանաստեղծներն ու պատանեկութեան դաստիարակները զբաղուել են խաղաղասիրական հարցով, և դրանցից իւրաքանչիւրը իր տեսակէտով ուսումնասիրել խնդիրը: Խնդիրն էլ բազմակողմանի բովանդակութիւն ունի և շօշափում է շատ շրջաններ—համարձակ կարելի էր ասել՝ քաղաքակրթական կեանքի բոլոր շրջանները—այդ պատճառով էլ շատ բնական է, որ այդ խնդրի ծագումից յետոյ՝ այժմ լուսաբանվում է ամեն կողմից:

Զնայելով այդ հանգամանքին, այնու ամենայնիւ խաղաղասիրական շարժման ընդհանուր ծանօթութիւնը դեռ ևս շատ չնչին է, որ նոյնպէս բնական է, որովհետև այդ շարժումը դեռ գտնվում է իր սկզբնական շրջանում և այդ խնդրի մասին զբոսաւ գրքերը դեռ ևս լա՛յն շրջաններում չեն տարածուել: Թէև արդէն յարաբերական մտքով հարցը շատ է ուսումնասիրուել, սակայն դրական մտքով այդ շատ քիչ է, և այս նորարաց ասպարիզում դեռ ևս շատ բան կայ մշակելու:

Դեռ ևս գոյութիւն չունեն ընդհանրապէս այնպիսի դպրոցական գրքեր, որոնցով կարելի լինէր հասարակական դպրոցներում ուսուցանել այդ առարկան մանուկներին ու պատանիներին: Այն ծնողները, որոնք իրանց խաղաղասիրական շարժման համախոհ են զգում և սիրով կը կամենային իրանց զաւակներին ևս զաղափար տալ այդ խնդրի մասին, չեն գտնում այնպիսի «ուղեցոյցներ», որ իրանց օժանդակ հանդիսանային: Այս հարցի փիլիսոփայական, քաղաքական ու քաղաքաստեասական կողմերը, որոնք լիապէս բացատրուած են գոյութիւն ունեցող աշխատութիւնների մէջ, ուսուցման նպատակի համար յարմար չեն. կարիք է զգացվում այս շարժման տարրական հիմունքներն արծարծող աշխատութիւնների: Այդպիսի աշխատութիւնը պէտք է լինի կարելոյն չափ գիւրզմբունելի, մանկական և հետաքրքրական, ոչ չոր ու ցամաք և սօփեստական:

Այս պահանջներին բարեբախտաբար համապատասխանում է, իմ կարծիքով, այս փոքրիկ գիրքը, որ գասագիրք չէ. և յարմար էլ մեծմիջ ոայ որ չէ, այժմեան հանգամանքներում

*ուցու. աս.*



29481-67 9-



Յորք խաղաղասիրութեան գաղափարը դեռ ևս համաշխարհային ընդունելութիւն չէ գտել, ժողովրդական լուսաւորութեան մի- նիստութեան կողմից ընդհանուր գործածութեան առաջար- կուի բոլոր դպրոցներում:

Այս գիրքը մի ուղեցոյց է ընտանիքների համար, մի մաս- նաւորօժտանդակ միջոց՝ դաստիարակների համար: Սրանք այդտեղ կը գտնեն զբոսայգիներ ուսուցման համար. միևնոյն ժամանակ այս գրքի հատուածները դիտմամբ այնպէս դիւրամբունելի և պարզ ոճով են կազմուած, որ իրանք երեխաներն էլ ուրախութեամբ և զուարճութեամբ կը կարդան: Միևնոյն ժամանակ նրանց հա- մար մի նոր հօրիզոն կը բացուի. նրանք կը սովորեն հասկա- նալ գալիք ժամանակը, որ իրանց գործունէութեաւ ասպարէ- զը պէտք է լինի: Ապագայում նրանք իրանք կը կարդան խա- ղաղասիրական գիտական աշխատութիւնները:

Աւստրիական խաղաղասիրական ընկերութիւնը հրատա- րակելով իր վարչութեան եռամսեայ անդամներից մէկի այս աշ- խատութիւնը՝ յոյս է տածում, որ սերմանում է ապագայի համար և ներկայումս էլ ծառայութիւն է մատուցանում այն բոլորին, որոնց համար այս ուղեցոյցով հեշտանում է՝ իրանց զաւակնե- րին կամ աշակերտներին խաղաղասիրութեան դժուարին շրջա- նին ծանօթացնելու խնդիրը:

Բեքա Ֆոն-Ջոստեր

## Ն Ե Ր Ա Մ Ո Ի Թ Ի Ի Ն

Ոչ հայրենասիրական արուեստ կայ և ոչ էլ հայրենասիրական գիտութիւն: Երկուսն էլ, ինչպէս և բոլոր բարձրա- գոյն բարիքները, պատկանում են ամ- բողջ աշխարհին:

Պէտք է:

Ով շատ է տալիս, իւրաքանչիւրին էլ մի բան կը տայ:

Պէտք է:

Սաղաղասիրութեան կարելի է հասնել տարբեր ճանապարհ- ներով: Հաւատացող քրիստոնեան մատնանիշ է անում Աստուա- ծաշնչի աստուածային պատուիրանները: Գիղազէտը քստմնելով երես է դարձնում մարտադաշտի գարշաքից: Ֆինանսագէտը կազմում է պատերազմի և զինուած խաղաղութեան բացասա- կան հաշուեկշիւը: Իրաւաբանը ապացուցանում է, որ իրաւունքի խնդիրներն երբէք արդար լուծումն չեն ստանայ հարիւր հազարաւոր մարդկանց սպանութեամբ: Վերջինիս թիկունք է հանդիսանում պատմագիրը, որ ցոյց է տալիս մեզ գատարա- նական կազմակերպութեան շարունակ աճող զարգացումը: Սօ- ցիալ-բարենորոգիչը իր ծրագիրները կազմելիս՝ սայթաքում է ազգայնութեան խոչընդոտի առաջ: Գոյութեան կռուի օրէնքը անհնարին դժուարութիւններ է պատճառում բնախոյզին: Բա- ղաբագէտը ժողովրդի համար իրաւունք է պահանջում՝ կեանքի և մահուան կարևոր խնդիրը վճռելու: Մայրիբը չեն կամե- նում, որ արու զաւակներ ծնեն՝ թնդանօթի կերակուր դառնա- լու համար:

Սաղաղասիրների բանակը կազմվում է այս բոլոր շրջաննե- րից: Եթէ դրանցից մէկը գրում է խաղաղասիրութեան մասին, նա իր սրտին աւելի մօտ բնաբան է ընտրում և միւս տեսա- կէտները աւելի կամ պակաս չափով անտես անում: Սակայն մենք կամենում ենք խաղաղասիրութեան մասին գաղափար տալ պատանեկոյրքեանը և այդ պատճառով իրաւունք չունենք պա- տանեկութեանն ասելու. «Ահա այս շաւղով ընթացէք, այս է



ամսնից յարմարը»: Այլ մեր պարտականութիւնն է՝ նրա ուշադրութիւնը դարձնել բոլոր ճանապարհների վրայ և նրա կամքին թողնել՝ այդ շաւիղներից մէկի ընտրութիւնը:

Ինչպէս որ տարբեր են դէպի խաղաղասիրութիւնը տանող ճանապարհները, նոյնպէս տարբեր են նաև նրա գործնական իրականացման ծրագիրները: Մէկը կամենում է տեղն ու տեղը բոլոր զինուորներին արձակել, միւսն առաջարկում է կրկին միջին կազմակերպել, երրորդը կամենում է մի եւրոպական կայսր, չորրորդը՝ միայն եւրոպական պետութիւնների դաշնակցութիւն: Հինգերորդը երազում է զօրքերը կերպարանափոխել բանուորների բանակի, վիցերորդը կարծում է, որ մի պարտադիր իրաւունտիր ատեսանով ամեն բան կարգի կընկնի, եօթներորդը օգնութիւն է սպասում ղեկավարուող օգանակից և կարծում է, որ պատերազմը պատերազմով պէտք է ոչնչանայ. ութերորդը իրան կողմնակից է յայտարարում «laisser faire, laisser aller»-ին:

Այդտեղ ևս մենք իրաւունք չունենք՝ պատանեկութեանը մի ամենափրկիչ միջոց առաջարկելու, այլ մեր պարտականութիւնն ենք համարում՝ բոլոր առաջարկուած միջոցների արժէքը բացատրելու, սակայն և այնպէս ընտրութիւնը իւրաքանչիւրի ճաշակին թողնելու:

Քանի որ այժմ պարզեցինք, թէ ինչ ենք կամենում տալ պատանեկութեանը, հարց տանք, թէ ինչ է ուզում մեզնից պատանեկութիւնը: Նա կամենում է իմանալ մեզնից ճշմարտութիւնը. մենք չպէտք է ամեն զեղեցիկն ու բարին մեր ազգին վերագրենք և տգեղն՝ ուրիշ ազգերին, այլ պէտք է լոյսն ու ըստուերն արդարութեամբ բաժանենք:

Նա պահանջում է մեզնից լուսարանութիւն և ուզում է իմանալ, թէ արդեօք իրաւացի է պատմութեան ուսուցիչը, որ 8—9 մասին հաւաստիացնում է, որ Աստուած է առաջնորդեմ մեր զօրքերին պատերազմելու, որ մենք Աստուծուն պարտական ենք շնորհակալութիւն անելու՝ հաղաբաւոր մարդկանց խողովան համար. կամ թէ իրաւացի է կրօնուսույցը, որ 9—10 ժամին «մի սպանաներ» պատուիրանն ընդունում է իբրև հիմնական սկզբունք ամեն բարոյագիտութեան և պատմում, թէ ինչպէս անիծեց Աստուած եղբայրասպանին: Պատանեկութիւնը տրամաբանական իմացականութիւն ունի. ինչպէս նա էլ չի ըմբռնում, թէ ինչպէս կարող է յանցանքը բազմանալով՝ կերպարանափոխուել և դառնալ արժանաւորութիւն: Նա պարզապէս հաշուում է. «Եթէ մի մարդ սպանելը ոճիր է, նշանակում է, որ 1000 մարդ սպանելը հազար անգամ գործուած ոճիր է»: Եթէ կամենում ենք ազգեցութիւն ունենալ պատանեկութեան վրայ,

պէտք է հաշուի առնենք այս տրամաբանական իմացականութիւնը:

Այնուհետև պատանեկութիւնը պահանջում է մեզնից կեանք և ոչ թէ վերացականութիւն: Հարց տանք մեզ մի անգամ, թէ մենք՝ չափահասներս ինչ ունենք այժմ դպրոցական տարիների ընթացքում մեր ձեռք բերած հիմնական գիտութիւնից: Այդ գիտութիւնը շատ քսակներ կը լցնի թէ՛ կը տեղաւորուի մեր բաճկոնի գրպանում: Ո՛ւր են անյայտացել մեր շատ լաւ սովորածներն ու գիտցածները՝ հնագոյն դարերի բոլոր ճակատամարտերի մասին. մեր գիտցած երկու հազար տարեթուերից քանի՞սը գիտենք այսօր: Ո՛րքան լաւ բաներ էինք կարողանում պատմել՝ քերականութեան արուեստալից կազմութեան մասին. ի՞նչ գիտենք մենք այժմ այդ բոլորից: Մեր յիշողութեան մէջ մնացել է միայն այն հետաքրքրական գիրքը, ու՛ր մենք ծածուկ կարդում էինք մատեմատիկայի դասին, և այն ազատ խօսքը, որ պատահամբ դուրս էր թռչում ուսուցչի բերանից և չկար դասադրքի մէջ: Դասադրքի պարունակութիւնը վաղուց արդէն մոռացել ենք, սակայն այդ ազատ խօսքը մնացել է մինչև այսօր մեր յիշողութեան մէջ և նպաստել մեզ՝ կեանքի մասին մեր ունեցած հայեացքը հիմնաւորելու:

Այսպիսի վերաբերմունք պէտք է ունենայ, մեր կարծիքով՝ ուսուցիչը խաղաղասիրութեան նկատմամբ: Յայտնի է, որ արդելուած պտուղը քաղցր է և ամենաքաղցրը՝ պատանեկութեան ժամանակ: Խաղաղասիրութեան գաղափարը չպէտք է սխտեմատիկաբար աւանդել պատանիներին, այլ պէտք է հրամցնել նըրանց դիպուածաբար՝ կապակցելով կեանքի պատահարներին, դասադրքի որոշ յօդուածին: Մի ուրիշ անգամ պէտք է տալ այլ հատուած, ըստ երևոյթին իբրև ակամայ, պատահաբար. երբէք մեր տուածը չպէտք է լինի վերացական, այլ միշտ կեանքի պատկերը: Պատանեկութիւնն այդ կերպ տրուածը ուրախութեամբ կընդունի և իր ամբողջ կեանքի ընթացքում չի մոռանայ երախտաւոր ուսուցչի յիշատակը:

ԱՐԹԻՒՐ ՄԻԻԼԼԵՐ



# ԽԱՂԱՂԱՍԻՐԸ ԿԱՆ ՊԵՏԱՆԵԿԱԿԱՆ ԳԻՐԳ

(Խորհրդատու ծնողների եւ դաստիարակների)

ՄԱՍՆ I

## ԽԱՂԱՂԱՍԻՐՈՒԹԵԱՆ ՍԿԶԲՈՒՆԲՆԵՐԸ

Ա. Պատերազմի պատուհասը

(Օրինակներ)

### 1. ՀԵՆՐԻԿՈՍ IV ԸՐԲԱՏ (III մասը)

Կարգացել էք արդէն Շէքսպիրի այս ողբերգութիւնը։ Ուշադրութիւն էք դարձրել նոյնպէս այդ պիէսայի գործող անձանց տարօրինակ ցանկի վրայ։ Այդ ցանկի մէջ գրուած է. «Որդի, որ սպանել է իր հօրը. հայր, որ սպանել է իր որդուն»։

Որդին ասում է.

«Ո՛հ, Աստուած, այս իմ հօր կերպարանքն է, որին չճանաչելով սպանեցի խոնուածքի մէջ։ Ո՛հ, չար ժամանակ, որ այսպիսի գործեր է առաջ բերում, Լօնդօնից ոյժով զինուորագրեց ինձ արքան. հայրս, կոմս Վար-







քանց խիստ դատապարտելի Առ հասարակ եթէ մենք քարոյական կողմը բոլորովին թողնենք մի կողմ, ինչպէս վայրենիները, նոյնպէս և քաղցած նաւաստիները ճիշտ գիտեն՝ թէ ինչո՞ւ են սպանում: Նմանապէս և մարդասպան աւազակը որոշ նպատակի է ձգտում. սակամենում է ձեռք բերել իր զոհի ունեցած փողը, և թէև քարոյական օրէնքի հակառակ է գործում, սակայն և այնպէս գործում է իր խելքի համաձայն: Նոյնպէս և կօրսիկացիների արեան վրէժխնդրութիւնը, որի մասին հաւանականօրէն արդէն լսած կը լինէք, ազնիւ գործողութիւն չէ, սակայն հասկանալի է: Կօրսիկացիները ըմբռնումով՝ ով մարդ է սպանում, ինքն էլ պէտք է սպանուի:

Մեզնում հարկաւ աւելի մարդասիրական ըմբռնումներ կան. շատ պետութիւնների մէջ մահուան պատիժն ընդհանրապէս ոչնչացած է: Այդ պետութիւնների համար սուրբ է այն սկզբունքը, որ ոչ մի մարդ իրաւունք չունի միւսին սպանելու: «Մի սպանաներ» պատուիրանը պահպանվում է նաև մարդասպանների նկատմամբ: Սակայն նաև այն պետութիւնների մէջ, որտեղ դեռ ևս գոյութիւն ունի մահուան պատիժը, միայն հազուադիւրս դէպքերում են այդպիսի պատժի իրագործման դիմում: Մարդկային կեանքն ուրեմն սուրբ է մեզ համար:

Մի՞շտ: Ո՛չ: Միայն այն ժամանակ, երբ խելքներս գլուխներիս է, այսինքն խաղաղութեան միջոցին: Չէնց որ փչում է պատերազմական շեփորը, յանկարծ փոխվում են մեր ըմբռնումները, և սպանում ենք զուարճութեամբ. ով շատ է սպանում, ամենից շատ պատիւներ է արժանանում և նրա համար ենք արձան կանգնեցնում:

Այժմ մտածեցէք. մարդակերը գիտէ, թէ ինչո՞ւ է սպանում, քաղցած նաւաստին նոյնպէս. աւազակը գիտէ, դահիճը նոյնպէս. բայց մենք, որ ուրախութեամբ պատերազմի դաշտն ենք գնում, չգիտենք, թէ ինչո՞ւ համար ենք սպանում և ինչո՞ւ համար սպանվում: Մի՞թէ այն մարդիկը, որոնց պէտք է սպանենք, մի բան արել

են մեր դէմ: Ո՛չ, մենք չենք էլ ճանաչում նրանց: Մենք ոչ նրանց միտն ենք ուզում ուտել, ոչ էլ նրանց փողը յափշտակել. երբէք էլ դահճի պաշտօն չենք յանձն առնի: Ապա ինչո՞ւ համար ենք սպանում: Կարող է պատահել, որ նրանք մեր ազգականները կամ բարեկամները լինեն. բայց այդ ոչ մի նշանակութիւն չունի. նրանք պէտք է սպանուեն: Նրանք գիտութեան մի մի լուսատուներ են, մեծ արուեստագէտներ. մեզ ինչ, ինչ մեր գործն է այդ. մենք հանում ենք նրանց աչքերը, ջարդում օտքերը: Նրանք տանը թողել են լացող կին, երեխաներ, որոնց քնքշաբար սիրում են. ոչ մի ուշադրութիւն չենք դարձնում այդ բանի վրայ. սպանում ենք նրանց և նրանք էլ մեզ են սպանում:

Մինչև երբ: Մինչև որ շեփորները նորից խաղաղութիւն հնչեն. այդ ժամանակ մենք կրկին նախկին խելացի մարդիկն ենք, համբուրում ենք միմեանց և սզում, երբ իմանում ենք, թէ մի ուրիշ երկրում գիտութեան մեծ մարդկանցից մէկը վախճանուել է: Մենք տրամում ենք՝ ուրիշ երկրում պատահած երկաթուղու դժբախտ պատահարն իմանալով. ողբում ենք այն օդաչուի բախտը, որ մի հեռաւոր երկրում օդանաւով թռչելիս՝ ընկնում մեռնում է: Երբ մի բանի տարի առաջ Պարիզում բարեգործական նպատակով կազմուած վաճառքի տեղն այրուեց և համարեան երկու հարիւր մարդկային կեանք զոհ գնաց հրդեհին, ամբողջ աշխարհից ցաւակցական հեռագիրների տարափ թափուեց: Վիէննայի Ռինգ թատրօնի նրդե՛ր, Զիկազօյի մի դպրոցի այրուելը, որոնց միջոցին այնքան մարդկային կեանքեր ոչնչացան, ամբողջ քաղաքակիրթ աշխարհում սոսկում առաջ բերին: Այսպէս ենք խաղաղութեան ժամանակ:

Սակայն պատերազմի միջոցին այդպէս չենք: Ի՞նչ նշանակութիւն ունի այդ ժամանակ երկու հարիւր կամ նոյն իսկ երկու հազար մարդու մահը: Կեօնիզդրեցի ճակատամարտում աւստրիացիք մի օրում կորցրին 45,000 մարդ, որից 13,000-ը անմիջապէս սպանուեցին, իսկ մնացածները վիրաւորուեցին: Մեր հրազէնների



կատարելագործութեան շնորհիւ՝ ապագայ մի պատերազմում այդ թիւը կարող ենք կէս միլիօնի հասցնել: Եւ ինչպէս կուրախանանք այդ բանի վրայ: Թէ ինչո՞ւ ենք սպանում, չենք կարող ասել, այդպէս են հրամայել մեզ: Բայց ինչո՞ւ ենք ուրախանում, որ կարող ենք սպանել, ինչո՞ւ ենք ուրախ երգեր հնչեցնում՝ երբ պատերազմ ենք գնում. ինչո՞ւ ենք սպանութեան օրը հանդիսաւոր տօնում. այդ արդէն ամենեւին չզիտենք: Որովհետեւ եթէ իմանայինք և այնու ամենայնիւ այդպէս անէինք, մենք աւելի անբարոյական կը լինէինք, քան մարդակերները: Այդպիսով մենք աւելի անխելք ենք:

### 3. ԿԵՅԻՆՆ ՈՒ ԱՐԷԼԸ

Երբ կայէնը սպանեց իր Աբէլ եղբօրը, Աստուած ասաց նրան. «Ո՛ւր է քո եղբայր Աբէլը. ի՛նչ արիր. եղբօրդ արիւնը երկրից դէպի ինձ է աղաղակում»:

Կայէնն ինչո՞ւ սպանեց իր եղբօրը: Նախանձից: Եղբայրասպանութեան համար Աստուած անիծեց կայէնին: Յետոյ Աստուած տուեց «մի սպանաներ» ընդհանուր պատուիրանը: Այդ չէ՛ նշանակում, թէ չպէտք է սպանես եղբօրդ, հօրդ, ազգականիդ. այլ այդ պատուիրանը վերաբերում է բոլոր մարդկանց: Եւ մենք կատարում ենք այդ աստուածային պատուիրանը և պատժում ամեն մի մարդասպանի, ուշադրութիւն չգարձնելով այն հանգամանքի վրայ՝ թէ արդեօք սպանութեան դրդապատճառը նախանձն է թէ՞ նախանձախնդրութիւնը, ընչաբաղդութիւնը թէ՞ վրէժխնդրութիւնը. նոյնպէս և ի նկատի չենք առնում, թէ արդեօք սպանուածը լաւ մարդ է եղել թէ՞ վատ: Եթէ մէկը մարդ է սպանում, նոյն իսկ իր պատիժը կրելուց յետոյ ևս յարգելի չէ լինում. ամենքը խոյս են տալիս նրանից ազամայ, որովհետեւ նա իր ամբողջ կեանքի ընթացքում կայէն մարդասպանի դրոշմն է կրում:

Մենք ուրեմն այն կարծիքի ենք, որ մարդասպանութիւնն անբարոյականութիւն է, ոճիր է: Բայց այդ

միայն այն դէպքում, երբ սպանութիւնը սահմանափակվում է անհատներով: Բազմաթիւ մարդկանց սպանութիւնը, ընդհակառակը, պայծառ լուսով է երևում մեզ, երբ տեղի է ունենում «պատերազմի» պատրուակով: Այդ դէպքում սպանութիւն չենք անուանում այդ գործողութիւնը, այլ հերոսութիւն, հեծելազօրքի հարուած, հմտալի յարձակումն և այն բոլոր գեղեցիկ անուաներով, որոնցով ուզում ենք սպանութիւնը քօղարկել:

Սպանութիւնը մի թէ լաւանում է, երբ բազմութեան վերաբերմամբ է կատարվում: Ո՛չ, Եւ եթէ սպանուած մի մարդու արիւնը դէպի երկինք է աղաղակում, աւելի բարձրաձայն է աղաղակում հարիւր-հազարաւոր ընկածներին և Աստուծու անէծքն է խնդրում յանցաւոր մարդասպանների համար:

Սակայն մեզ համար մի արդարացումն կայ: Կայէնը գիտակցում էր իր գործած այլանդակ ոճիրը և երկիւղ էր կրում Աստուծու ձայնից: Սակայն մենք աղօթում ենք ամենաբարի Աստուծուն, որ կուրախ լաւ վերջ ունենայ, որ նա օգնէ մեզ՝ կարելոյն չափ շատ մարդ սպանելու, որոնք մեզ նրան Աստուծու ստեղծածներն են: Եւ միւս բանակում ևս նոյն Աստուծուն են խնդրում միևնոյն օրհնութիւնը:

Ամենաբարի Աստուած, սիրիր նրանց, ներիր մեզ, որովհետեւ մենք չզիտենք, թէ ի՛նչ ենք անում:

### 4. ԹՈՒՉՈՒՆՆԵՐ ՀՈՎԱՆՆՈՐԱԼԸ

Նորերս մի գրութիւն ստացայ կենդանիներին հովանաւորող ընկերութիւնից, որ ինձ շատ ուրախացրեց: Այդ գրութեամբ զիմում էին կանանց, որ նրանք այլ ևս իրանց գլխարկների վրայ փետուրներ չկրեն, որովհետեւ փետուր ձեռք բերելու համար մարդիկ ահազին քանակութեամբ թռչուններ են կոտորում: Այդ զիմումին ամենեղ էլ համաձայն կը լինէք: Ոչ-վասակար թռչուններ ոչնչացնելը համարեան բոլոր քաղաքակիրթ պետութիւններում արգելուած է արդէն, մանաւանդ խստիւ



պատժվում է թռչունների բները քանդողը. երիտասարդու-  
ղութեան հետ թռչունների ձագերն ևս վայելում են  
մեր առանձին հովանաւորութիւնը:

Եւ իրաւացի է այդ: Չէ որ երիտասարդութեան  
վրայ են մեր բոլոր յոյսերը. երիտասարդութիւնը պէտք  
է ստեղծէ մեզ համար երկրային դրախտը: Երևի թըռ-  
չուն ծնողներն էլ նոյնն են մտածում: Գոնէ մենք կար-  
ծում ենք, որ նրանք էլ մեզ պէս են զգում, և այդ պատ-  
ճառով ստեղծում ենք օրէնքներ՝ թէ ծեր թռչունների  
և թէ նրանց ձագերի պաշտպանութեան համար:

Եւ ինչո՞ւ ոչնչացնենք խեղճ թռչուններին: Մենք  
հօ հաճութեամբ չենք սպանութիւն գործում: Սիրելի  
թռչուններն ուրախացնում են մեզ իրանց երգով, լաւ  
աշխատում են և ոչնչացնում քիսաակար միջատներին,  
մենք գոհ պէտք է լինենք և մատների արանքով նայենք,  
եթէ նրանք երբեմն-երբեմն մեր պարտէզների կեռասն են  
ուտում:

Իսկապէս մենք մեր քաղաքակրթութեամբ շատ չենք  
առաջադիմել. թռչունների հետ վարվում ենք այնպէս,  
ինչպէս մարդկանց հետ: Ներողութիւն, ոչ թէ այնպէս,  
այլ շատ և շատ աւելի լաւ: Մենք թռչուններին չենք  
հարցնում, թէ ո՞ր երկրից են մեզ մօտ գալիս, թէ նրանք  
ֆրանսիացի են թէ անգլիացի, իտալացի են թէ աֆ-  
րիկացի: Եւ որովհետև նրանք թռչուններ են, մենք  
սիրում ենք նրանց և հովանաւորում:

Իսկ ինչպէս ենք վարվում այն մարդկանց հետ, ո-  
րոնք օտար երկրից մեզ մօտ են գալիս՝ մեզ հետ աշ-  
խատելու և մեզ հետ ապրելու: Դրանց գալը մեզ նոյն-  
չափ է ուրախացնում, որչափ թռչուններինը: Այդ ես  
չգիտեմ, թող ձեզնից իւրաքանչիւրը դատէ այդ մասին.  
սակայն մի բան ճիշտ է. այդ ուրախութիւնը մեծ չի  
կարող լինել, որովհետև մենք ամեն միջոց գործ ենք  
գնում՝ մեր երկրում գանուող օտարների կեանքը գառ-  
նացնելու: Մենք համարեալ թէ յայտարարում ենք նը-  
րանց՝ օրէնքի պաշտպանութիւնից զրկուած. այդ նշա-  
նակում է, որ նրանք այն ազատութիւնը չունեն, ինչ

որ ունեն թռչունները մեզ մօտ: Երբ օտարերկրացին  
ուզում է մեր սահմանն անցնել, մենք նախ խուզարկում  
ենք նրան և ապա դրամ վերցնում նրանից՝ մեր երկիրը  
մտնելու համար: Եթէ նա իրեր է բերում հետը, դրանց  
համար պէտք է մաքս վճարէ. օտար իրեր չենք ուզում:  
Իսկապէս օտար իրերի կարիք ենք ունենում և մաքսի  
պատճառով թանկ դնով առնում, սակայն յամենայն դէպս  
մաքսը մի լաւ կարգադրութիւն է, որպէս զի օտարները  
չկարողանան մեզ համար աւելի լաւ և աւելի էժան  
սպրանք բերել:

Եթէ օտարը ոչինչ չէ բերում մեզ համար, աւելի  
վատ նրա համար. գուցէ նա մի պաշտօն կամ տեղ է  
ուզում ունենալ. այդ դէպքում նա շատ կը սխալուի.  
պաշտօնները միայն մեր քաղաքացիների համար են,  
նոյնպէս և որոշ արհեստները: Եթէ նա ոչ թէ փող է  
ուզում թողնել մեզ մօտ, այլ մեզ մօտ է ուզում դրամ  
ձեռք բերել ամենաազնիւ ճանապարհով, մենք իսկոյն  
ծուռ աչքով ենք նայում նրան, և վնայ նրան, եթէ մեր  
տհաճութիւնն է յարուցանում. այդ դէպքում մեր սահ-  
մաններից դուրս ենք վճարում նրան՝ իբրև տաղուկալի  
օտարականի:

Այժմ կասէք, թէ, այժ, բայց օտարին էլ չենք սպա-  
նում, ինչպէս և թռչունը չենք սպանում: Այդ ճիշտ է.  
սովորաբար մենք լաւ ենք վայրենիներից, որոնք իրանց  
հիւրերին ուտում են նախաճաշին: Սակայն ինչ կասէիք,  
եթէ հրաման լինէր, թէ այս տարի վերանում է թըռ-  
չուններ հովանաւորելու օրէնքը և ով աւելի շատ ար-  
տոյտ, սոխակ, ծիծեռնակ և այլն ոչնչացնէ, նա քաջ  
կը լինի. կամ ով աւելի շատ թռչունների բներ քանդէ,  
նա հերոս կը լինի: Այն ժամանակ մենք կաղաղակենք.  
«կեցցէ, բոլոր թռչունները ոչնչացուած են»: Այդ խե-  
լագարութիւն կը լինի, կասէք դուք: Սակայն մենք այդ-  
պէս ենք անում ոչ թէ թռչուններին, այլ մարդկանց:  
չէնց որ հնչում է կախարդական գրատետրագմօ բառը,  
մոռանում ենք մեր բոլոր լաւ գիտախարակութիւնը,  
չենք հանգստանում, դառնում ենք մարդապաններ:

23481-63





մինչև որ ուրիշ երկրի հարիւր-հազարաւոր մարդիկ մե-  
ռած գետին չեն փռվում: Ինչո՞ւ. որովհետև նրանք ու-  
րիշ ազգի զաւակներ են:

Այս բոլորն աչքիս երևում է ինչպէս մի մանկական  
խաղ: Մեր ամբողջ կեանքի ընթացքում մեզ սովորեց-  
նում են՝ «մի սպանաներ»: և յանկարծ, երբ պատերազմ  
ենք խաղում, այդ բոլորը կորցնում է իր նշանակութիւնը  
և ամենքը զուարճութեամբ սպանում են: Յետոյ կրկին  
խաղաղութիւն է հրամայվում, խաղը վերջանում է, և  
այնուհետև ով որ մարդ սպանի, լինի դա մեր հայրե-  
նակիցը թէ օտարերկրացի՝ միևնոյն է, խստիւ կը  
պատժուի:

Դո՞ւր է գալի ձեզ պատերազմ կոչուած խաղը. գուար-  
ճալի չէ: Խաղչէքը չնչին է, ամենաշատը մարդ կորց-  
նում է իր կեանքը: Սպանութիւնը պատերազմում յան-  
ցանք չէ, այլ արժանիք: Եւ սպանում ենք միայն երի-  
տասարդներին, որոնց վրայ են դրել ծնողներն իրանց  
բոլոր յոյսերը և որոնք մեզ համար պէտք է ստեղծեն  
երկրային դրախտը:

Սակայն, ինչ էք կարծում, շուտով սկսենք այդ  
զուարճալի խաղը: Ի՞նչ, չէ՞ք ուզում խաղին մասնակցել:  
Դուք կամենում էք, որ մարդիկ միևնոյն հովանաւորու-  
թիւնը վայելեն, ինչ որ օրէնքով վայելում են թուշու-  
ները: Այդ դէպքում ասացէք այդ բարձրաձայն և յաճախ,  
գուցէ մի անգամ ստեղծուեն այնպիսի օրէնքներ, որոն-  
ցով կարգելուի ազգերի սպանութիւնը:

### 5. ՍՈՒՍԵՐԱՄԱՐՏՆԵՐԸ

Մի ժամանակ Հռոմում սուսերամարտների կռի-  
ւները ամենասիրելի թատերախաղերն էին: Տրայանոս  
կայսեր ժամանակ 123 օր շարունակ սուսերամարտների  
կռիւներ էին սարքվում, որոնց մասնակցում էին 10,000  
սուսերամարտ: Սուսերամարտները մեծ մասամբ սորուկ-  
ներ էին լինում կամ պատերազմական գերիներ, որոնք  
միմեանց հետ—իրանց կամքով կամ հակառակ իրանց

կամքի—պէտք է կեանքի և մահուան կռիւ մղէին: Ես  
ակամայ միշտ դրանց մասին եմ մտածում, երբ զինուոր-  
ներ եմ տեսնում: Զինուորներն էլ պէտք է նոյնպէս  
ուզեն. չուզեն միմեանց հետ կռուեն, երբ «պատերազմի»  
ազդանշանն է տրվում: Այդ միջոցին սպանութիւնն ար-  
գելող սչ մի կրօնական համոզմունք չի օգնի նրանց.  
Նրանք պէտք է կռուեն, ինչպէս սուսերամարտները:  
Անտարակոյս մի տարբերութիւն կայ սուսերամարտների  
և զինուորների միջև. սուսերամարտները կռուում էին  
միմեանց հետ մէկ մէկ, իսկ զինուորները կռուում են  
խմբովին: Սուսերամարտների կռուի ժամանակ ահագին  
ժողովուրդ էր հանդիսատես լինում, իսկ զինուորների  
կռուի միջոցին հանդիսատես չկայ: Եւ շատ ավաստ, որ  
այդպէս է: Ես կը ցանկանայի, որ պատերազմի պատճառ  
եղողներին, լինեն դրանք մինիստրներ, քաղաքագէտ-  
ներ թէ զօրապետներ, ստիպէին տեղի ունեցած ճակա-  
տամարտից յետոյ մի գիշեր անցկացնել պատերազմի  
դաշտում՝ սարսափելի կերպով այլանդակուած դիակների  
մէջ և մահացու վէրք ստացած խեղճերի անքոցների  
տակ: Հարցրէք մի անգամ պատերազմում եղողին կամ  
կարդացէք, թէ ինչ են ասել հուշակաւոր զօրապետները  
պատերազմի արհաւիրքների մասին. կարդացէք նոր  
ժամանակների հրագէտների ներգործութեան վերաբեր-  
մամբ զրուածքները և այն ժամանակ մի պատկեր կը  
ստանաք, թէ ինչ է ներկայացնում պատերազմի դաշտը:  
Պարոնայք մինիստրները պատերազմ նիւթելիս զեռ մի  
լաւ կը մտածէին, եթէ իրանք ստիպուած լինէին ներ-  
կայ լինել:

Մի տարբերութիւն էլ կայ զինուորների և սուսե-  
րամարտների միջև. երբ սուսերամարտները բարձրաց-  
նում էին մի մտքը, այդ նշան էր, որ նրանք գթութիւն  
էին խնդրում, և հանդիսատեսները իրաւունք ունէին  
նրանց թողութիւն շնորհել: Սակայն ինչ կը շահուեն  
մեր զինուորները, եթէ մտք բարձրացնեն: Զէ՞ որ պա-  
տերազմի միջոցին հանդիսատեսներ չկան, որ նրանց  
թողութիւն տան: Սակայն գուցէ և կան. մի՞թէ հանդի-



սատեսներ չեն նրանք, որոնք նախաճաշի միջոցին լրագրում կարդում են, որ երէկ տեղի ունեցած ճակատամարտում 20,000 մարդ են ընկել: Լրագիր կարդացողներ, եղէք նոյնպէս ողորմած, ինչպէս ժողովուրդն էր Հոսովում, և եթէ աշխարհիս երեսին մի որևէ տեղ պատերազմ ծագի, դիմեցէք ձեր պետութիւններին, որպէս զի նրանք վերջ դնեն սպանութիւններին: Հասալի դաշնադրութիւնն այդ իրաւունքը տալիս է ձեզ. ցանկալի է, որ այդ իրաւունքը դառնայ և ձեր պարտականութիւնը: Այդ նպատակին հասնելը ձեր ձգտումը պէտք է լինի ապագայում:

6. Բ Ո Ր Ե Ն Ի Ն

Պատմեցէք ինձ մի բան բորենու մասին: Բորենին շան և կատուի միջին տեղն է բռնում. նա գիշերային, վտանգաւոր և վերին աստիճանի անյագ գիշակեր է, ապրում է գլխաւորապէս գէշ ուտելով և երեսանց թաղուած դիակները դուրս է փորում և լափում: Բորենիները լինում են Հարաւային Ասիայում և Հիւսիսային Աֆրիկայում: Եւրօպայում էլ կան, կենդանաբանական այգիներում, կասէք դուք: Այն, բայց էլի՛ ռրտեղ: Երբէք չէք լսել պատերազմի դաշտի բորենու մասին. չէ: Եթէ այդպէս է, պատմե՛մ ձեզ, թէ ինչ է գրում դրա մասին մի գերմանացի գինուորական բժշկապետ:

Երբ մենք Գրուէլօտի ճակատամարտից յետոյ՝ առաւօտը ձիով գնացինք պատերազմի դաշտը, պատահեցինք մի խումբ գինուորների, որոնք ծառի ճիւղից գլխիվայր կախուած մի պառաւ կնոջ փայտերով և ձեռքներն ընկած ամեն բանով անգլթօրէն հարուածում էին: Այդ պառաւը պատերազմի դաշտի զգուելի բորենիներից մէկն էր, որ իր ստակալի արարքի միջոցին յանկարծակի բռնուել էր, սաստիկ դիմադրութիւնից յետոյ: Լուսադէմին դրան տեսել էր պատերազմի դաշտում մի ձիաւոր սպայ՝ թիկնապահ՝ գնդի ծանր վերաւորուած մի սպայի ոսկեկար օձիքը կտրելից. պառաւն ուզեցել էր կողոպտել վերաւորուածին: Վերաւորը բոլորովին լուռ

և անշարժ էր մնացել, որովհետև իր աչքով տեսել էր, որ այդ պառաւը մի փոքր առաջ իր կողքին ընկած, բայց դեռ կենդան ընկերոջ աչքերը հանել էր սառնասրտութեամբ և թանկագին մատանի անցկացրած մատը կտրել՝ առանց վարանելու: Երբ ձիաւորը վերաւորուած սպայի օգնութեան կանչին մօտ է արշաւում, չարալե պառաւը ատրճանակի մի քանի հարուածներ է ուղղում նրան, բայց բարեբախտաբար անգնաս. ձիաւոր սպային աջողվում է իր սրի ոյժով վերջապէս ընկճել վայրենի կենդանու նման կծոտող և չանգրտող մարդասպան պառաւին, կապել և մի քանի, օգնութեան շտապող, գինուորների ձեռքով քարշ տալ դէպի պահակը, որտեղ դառնացած գինուորները նրան ենթարկում են Լինչի օրէնքին, ինչպէս յիշեցի վերը:

Տեսնում էք, խեղճ վերաւորները ոչ միայն ենթակայ են քաղցի, ծարաւի և ցրտի, այլ նոյն իսկ բորենիներից ապահով չեն: Եւ կան մարդիկ, որ խօսում են թարմ, ուրախ պատերազմի մասին:

7. ՈՂՈՐՄԵԾ՝ ՍԵՄԵՐՅԻՆ

Յիշում էք Գրիստոսի պատմածը ողորմած սամարացու մասին: Նա ձէթ և գինի էր ածում դժբախտացածների վէրքերի վրայ և կապում: Այդ մի առանձին բան չէ թուում ձեզ հաւանօրէն. շատ անգամ էք նոյնը տեսնում դուք փողոցում, երբ մէկը կառքի տակ է ընկնում կամ որևէ դժբախտութեան հանդիպում. այդպիսի դէպքերում ոստիկանը շուտով վազում-մօտենում է տելեֆօնին և կարճ ժամանակից յետոյ արագ գալիս է շուտափոյթ օգնութեան կառքը, որի վրայ կարմիր լսաչ է նկարուած: Կառքից իջնում են բժիշկներ և օգնութեան հասնում դժբախտացածին: Յետոյ նրան նոյն կառքով տանում են հիւանդանոց, որտեղ «կարմիր Խաչի» նշանով գլխութեան քոյրերը խնամում են նրան: Այդ բանն այսօր ինքն ըստ ինքեան հասկանալի է թուում ձեզ: Բայց ես կարող եմ ձեզ ասել, որ երկար ժամանակ չէ, ինչ որ փրկութեան այդ միջոցը գործադրվում է



պատերազմի «Կարմիր Սաչի» օրինակով: Նոյնպէս երկար ժամանակ չէ, որ պատերազմում գործում է «Կարմիր Սաչը»: Առաջ չկային ողորմած սամարացիներ՝ խեղճ վիրաւորուած զինուորների համար, որոնք թշուառ կերպով մեռնում էին պատերազմի դաշտում, մինչև որ երևան եկաւ մի վշտակցութեամբ լցուած, հեռատես և անդադրում գործունէութեան ոյժով օժտուած մարդ, Հէնրի Դիւնան անունով: Դիւնանը ողորմած սամարացու գործունէութիւնն սկսեց 1859 թուին, Սօլֆերինայի ճակատամարտի օրը: Նա կազմակերպեց օգնող խմբեր՝ վիրաւորուածներին խնամելու նպատակով և ինքն էլ հարիւրաւոր խեղճ զինուորներին մահից առաջ զովացրեց իր զինուորական ջրամանի քմակելիքով: Զինուորները նրան անուանում էին «սպիտակ վերարկուով հրեշտակ»: 1862 թուին նա հրատարակեց մի զբօնյկ «Un souvenir de Solferino» վերտառութեամբ, որի մէջ պատմում է պատերազմի դաշտում իր տեսած սարսափները: Ի միջի այլոց նա ասում է. «Ոչ-բոլոր վիրաւորուածներին էին ժողովում պատերազմի դաշտից, որտեղ նրանք երէկ ամբողջ օրը արևի կիզիչ ճառագայթների տակ էին մնացել՝ չնայելով նրանց վէրքերին ու յոսանքներին, որ ոչ ոք չէր մեղմացնում, և անտանելի ծարաւին, որ այնքան տանջալի է վիրաւորուածների համար: Յանցանքը ոչ ոքի վրայ չէ ընկնում. բոլորին միասին օլնելը բացարձակ կերպով անկարելի էր»: Խաղաղութեան դաշն կապելուց յետոյ Դիւնանը վճռեց հանդէս գալ իբրև ձեռնարկող՝ մասնաւոր օգնութեան մի աւելի ընդարձակ և կանօնաւոր կազմակերպութեան: Նրան աջողուեց իր դադափարի համար հետաքրքրել գանազան միապետներին, և 1864 թ. գլուխ եկաւ այն նշանաւոր որոշումը, որ յայտնի է «Փրնեվի դաշնադրութիւն» անունով:

Այս որոշման հիման վրայ, որ կազմում էր «Կարմիր Սաչի» հիմնաքարը, ամեն ազգի հիւանդ ու վիրաւոր պատերազմողները, թէ բարեկամ և թէ թշնամի,

հաւասարապէս վայելում են «Կարմիր Սաչի» հովանաւորութիւնն ու օգնութիւնը:

Եւ Դիւնանն էր առաջինը, թէև խորին ծերութեան հասակում, երբ ամբողջ աշխարհն արդէն բոլորովին մուսացել էր նրան, որ արժանացաւ Նօբէլի մրցանակին:

Դիւնանը մեծ գործ կատարեց: Փրնեվի դաշնադրութիւնը պատերազմի սոսկալի գործում մտցրեց վշտակցութեան սկզբունքը: Կարող է սրանից աւելի ազնիւ ձգտումն լինել: «Ո՛չ», կասէք դուք: «Այո՛», կասեմ ես: Խոցուած վէրքերը բուժելու հոգացողութիւնից աւելի լաւ է՝ ընդհանրապէս վէրքեր պատճառելու առաջն առնելու ձգտումը: Եւ այդ ձգտումին են ծառայում խաղաղասիրական ընկերութիւնները, որոնք շուտով նոյնպիսի գործի կազմակերպութիւն կը ստեղծեն, ինչպիսին որ է «Կարմիր Սաչին»:

8. ԽՈՉՏԱՆԳՈՒՄՆ

Խոչտանգման վերացումն իսկապէս մեծ գործ էր: Մեր ամբաստանուածներին այլ ևս չեն ստիպում խոստովանել իրանց յանցանքը հրաշէկ ունելիքներով, բթամատների պտուտակներով, սպանական կօշիկներով և դրանց նման գեղեցիկ բաներով: Ո՛չ, մենք դրանց հետ մարդավարի ենք վարվում. և եթէ նրանք իրանց յանցանքը չեն խոստովանում, մեր մտքովն անգամ չէ անցնում՝ քաղցով կամ ծարաւով ստիպելու նրանց: Այո՛, նոյն իսկ մահուան դատապարտուած մարդասպաններին կերակուր և խմելիք ենք տալիս՝ մինչև նրանց վերջին ժամը: Այո՛, իրաւունք ունենք պարծենալու մարդուն արժանաւայելի դիրքով:

Միայն պատերազմումն է, որ այդ արժանաւայելութիւնը մի տու ժամանակ զրոյաններս ենք գնում: Այդտեղ էլ շատ ենք խօսում մարդասիրաբար պատերազմ վարելու մասին, սրովհեակ խոստանում ենք չգործածել պայթող գնդակները: Սակայն ի՞նչ է եղել բոլոր պատերազմների ամենասովորական տակախկան: Թշնամուն պա-



շարեղէն հատցնելն արգելել: Ի՞նչ պէտք է անեն խեղճ զինուորները, երբ ուտելու ոչինչ չունենան: Այդ մեր գործը չէ, որովհետև մենք նրանց թշնամիներն ենք և այնքան մարդասէր ենք, որ պայթող գնդակներով չենք սպանում նրանց:

Մի ամրոց պաշարելուց յետոյ՝ ի՞նչ է լինում մեր առաջին գործը: Կտրում ենք պաշարուածներէ կերակուրն ու խմելիքը, որպէս զի այդպիսով նրանք ստիպուած լինեն անձնատուր լինելու: Ամրոցում ապրում են ոչ միայն զինուորներ, այլ և ուրիշ մարդիկ, որոնք երբէք զէնք չեն ունեցել իրանց ձեռքին—կանայք, երեխաներ: Թող դրանք սովամահ լինեն: Պարիզի պաշարման ժամանակ մարդիկ մկներ են կերել՝ իբրև համադամ կերակուր. այնքան պաշարեղէնի պակասութիւն են ունեցել:

Գիտէ՞ք դուք, թէ սրբան ջանք և ծախք է պահանջվում մի քաղաքի բնակչութեանը առողջարար խմելու ջուր մատակարարելու համար: Գիտէ՞ք ի՞նչպէս են հրպարտանում պատերազմի ռազմագէտները, երբ նրանց աջողվում է քաղաքի ջուրը կտրել: Քաղցով և ծարաւով են ստիպում, որ քաղաքը անձնատուր լինի:

Ի՞նչ որ չենք զլանում վերջին եղեռնագործին—կերակուր և խմելիք—խլում ենք անմեղ կանանցից ու երեխաներից: Ահա այսպիսի միջոցներով է գործում պատերազմը: Յամենայն դէպս այդ չէ կոչվում խոշտանգումն, այլ ռազմագիտութիւն:

Այնպէս չէ՞, քաղաքակրթութեամբ շատ ենք առաջադիմել: Իե՞ռ շատ բան կարելի էր պատմել, սակայն դուցէ մի օրինակն էլ բաւական լինի՝ ձեզ մի շատ կարևոր բան սովորեցնելու համար—«մտածել»:

### 9. ԶԻՆԱՅ ԿԵՏՄԻ ՀՐԴՈՒՆԻՔԻ ՊԵՏՄԵՆՆԵՐԸ

Լրագիրներում տպուեց մեծ տպաւորութիւն առաջացնող մի լուր, ծովային ծառայութեան մէջ գտնուող մի գերմանացի պաշտօնեայ ձեռք էր բերել մի մետաք-

սի կտոր, որի վրայ ասեղնագործուած էին չինականըշանագրեր: Այս նշանագրերի հետազոտութիւնը ցոյց տուեց, որ մետաքսի կտորը չինաց կայսրի հարսանիքի պայմանագիրն էր:

Մետաքսի կտորն ի՞նչպէս էր այդ պաշտօնեայի ձեռքն ընկել: Պաշտօնեան մետաքսը գնել էր մի զինուորից, որ 1900 թ. եղել էր Չինաստանում և մասնակցել էր բօքսերների ապստամբութեան ճնշմանը: Ի՞նչպէս էր պայմանագիրն ընկել զինուորի ձեռքը. նոյն ճանապարհով, ինչպէս որ Պեկինի աստղաբաշխական կայարանի գործիքները Գերմանիա էին բերուել: Չինուորներին չէր կարելի պարսաւել, որ ի յիշատակ Չինաստանի հետները մի մի բան էին բերել: Այսպիսի յիշատակներ վերցնելը առաջուայ ժամանակներում ևս սովորական էր, բայց այդ բանը մի նշանակալից անուն ունէր՝ «ասպատակութիւն»:

Մեր ժամանակներում թշնամու մասնաւոր սեպհականութիւնը անձեռնմխելի է համարվում: Սակայն եթէ զինուորները չէին կողոպտում, ի՞նչպէս ձեռք բերին նրանք այնքան բազմաթիւ թանգարժէք իրեր և մինչև անգամ կայսրի հարսանիքի պայմանագիրը: Այժմ պարզ տեսնում էք, թէ պատերազմն ի՞նչպիսի բարոյական դաստիարակութիւն է տալիս: Չինուորների մտքովն անգամ չէր անցնի իրանց հայրենիքում օտարի իրերը սեպհականելու, սակայն օտար երկրում նրանք բոլոր բարոյական օրէնքներից իրանց ազատ են համարել. նրանց օֆիցէրներն էլ, ինչպէս երևում է, այդ շտեմներուն են դրել՝ թէ ոչ զինուորները պէտք է պատժուած լինէին: Գողութիւնը պատերազմումն էլ գողութիւն է մընում: Կրկնակի բարոյագիտութիւն չպէտք է լինի: Ի՞նչ կասէինք, եթէ գողութեան համար մեզ բանտ տանող ոտտիկանը օգուտ քաղելով մեր բանտարկութիւնից՝ աւրանար մեր ունեցածին: Չէ՞ որ եւրօպական գեսպանութիւնները պաշտպանելու նպատակով Չինաստան ուղարկուած զինուորները նոյնպէս և պահապան-ոտտիկաններ էին: Չինաստանում գործած քաջութիւնների համար



նրանք գովասանքի արժանի են, սակայն յիշատակներ  
բերելը մի կողմը պէտք է թողնէին: Ի՞նչ կարծիք պէտք  
է կազմեն չինացիները մեր, քաղաքակրթութիւն սեր-  
մանողներէս, մասին: Ես չեմ կարծում, որ նրանք մը-  
տածեն, թէ կայսրն իր հարսանիքի պայմանագիրն ըն-  
ծայել է զինուորներին. ընդհակառակը նրանք միմեանց  
կասեն, հարկաւ չինարէն լեզուով, որպէս զի մենք չը  
հասկանանք. «Մենք վայրենիներս նրանցից աւելի լաւ  
մարդիկ ենք»:

10. ԾՈՎԵՂՐԵՅՑ ԿԱՆՈՒՆԹԻՐ

Գիտէք ինչ է նշանակում ծովեղրեայ կալուածք:  
Միջին դարերում իրաւունք կար, որ ծովեղրեայ բնա-  
կիչները ծովափին կանգնած նաւն իր ամբողջ բովան-  
դակութեամբ իրանց աւարը համարէին: Շատ մարդա-  
սիրական վարմունք էր այդ, այնպէս չէ՞. փոխանակ  
զժբախաներին օգնութիւն հասցնելու, նրանց կողոպտում  
էին և դիմադրութեան դէպքում՝ կոտորում:

Փանք Աստուծոյ, որ այդ ծովեղրեայ իրաւունքի և  
ծովահէնների ժամանակներն անցել են: Դուք գիտէք  
արդէն, թէ ովքեր են ծովահէն կոչվում. ծովահէնը չէր  
պատում, որ նաւը ծովափ հասնէր, այլ աւելի ապահով  
լինելու համար՝ ափ հասնելուց առաջ էր գրաւում և  
կողոպտում նաւը:

Մի՞թէ այսօր ևս նոյնը տեղի չէ ունենում. «նաւ  
գրաւելու» մասին լսել եմ ոչ շատ ժամանակ առաջ.  
Ճիշտ, բուրբերի և եսպոնական պատերազմի միջոցին յա-  
ճախ էր խօսվում այդ մասին:

Իմացած եղէք. պատերազմի ժամանակ ծովի վրայ  
եղած մասնաւոր սեպհականութիւնը օրէնքի պաշտպա-  
նութիւնը չէ վայելում: Պատերազմող պետութիւնները  
ոչ թէ միայն ումբակոծում են թշնամու պատերազմա-  
կան նաւերը, այլ և որսում են ուրիշ ազգի պատկա-  
նող առևտրական նաւերը: Այո, նոյն իսկ չէզոք ազգե-  
րի նաւերը կարելի է գրաւել, եթէ կասկածվում են, թէ

դրանք թշնամի ազգին պատերազմական մաքսանենգ  
իրեր են հասցնում: Պատերազմական մաքսանենգ իրեր  
ասելով հասկացվում է ոչ միայն զէնք, այլ նաև ածուխ,  
ուտելիղէն, մի խօսքով այն ամենը, ինչ որ հարկաւոր  
է ազգի ապրուստի համար: Թշնամի ազգի նաւահան-  
գիստն եկող ամեն մի ապրանքակիր նաւ կարելի է ի-  
րաւունքով գրաւել, այսինքն նաւի բեռը իւրացնել և  
նաւն էլ սեպհական նաւատորմին միացնել: Պատերազ-  
մի իրաւունքն է այս: Պարզ է ձեզ համար այն տար-  
բերութիւնը, որ գոյութիւն ունի պատերազմի ժամա-  
նակ մի նաւ գրաւելու և խաղաղ ժամանակ ծովահէնու-  
թեան միջև. այո: Ինձ համար պարզ չէ:

11. ԿԱՐԿՏՈՒԹՅՈՒՆ

Ի՞նչ կասէիք, եթէ սաստիկ կարկուտ գար և քա-  
ղաքի բոլոր լուսամուտների ապակիները փշրէր: Այդ  
հետաքրքրական կը լինէր, կասէ մէկը. գուարճալի կը լինէր,  
կասէ մի ուրիշը. ապակի գցողները ուրախ կը լինէին, որ  
մի անգամ գոնէ լաւ փող կաշխատէին, կասէ մի երրորդը:  
Իրաւունք ունէք, ապակի գցողները բանը լաւ կը լինէր,  
բայց հարց է, թէ դուք էլ գոհ կը մնայի՞ր:

Մի՞թէ իսկապէս կարծում էք, որ ապակի գցողները  
մի օրում կարող կը լինէին ամբողջ քաղաքի լուսամուտ-  
ների ապակիները գցել: Ամենսին. նախ այդքան ապակի  
գցողներ չէին լինի և երկրորդ՝ ապակու այդքան մեծա-  
քանակ պաշար չէր լինի, որ ամբողջ քաղաքի լուսամուտ-  
ների համար բաւարար լինէր: Եւ եթէ դուք ցուրտ օ-  
րերին առանց փակ լուսամուտների մնայիք, այլ ևս կար-  
կտահարութիւնը գուարճալի և հետաքրքրական չէիք հա-  
մարի, այլ, ինչպէս ձեզ ճանաչում եմ, ողբալով կը հայնո-  
յէիք:

Ապա ձեր հայրը, մի՞թէ նա էլ կուրախանար, որ ա-  
պակի գցողների գործը կը շատանար. երևի դուք էլ մի  
անգամ տանը անզգուշութիւնից լուսամուտի մի ապակի  
կը լինէք կոտրած, ուրեմն կը զիտենաք, թէ ի՞նչպէս կու-



ը սխանայ այդ բանի վրայ ձեր հայրը: Իսկ կարկտահարութեան դէպքում նա պէտք է ամբողջ տան բոլոր ապակիները գցել տայ. այդ փողով ձեզնից ամեն մէկը մի նոր զգեստ կամ սիրուն զրքեր կարող էր ունենալ. գուցէ և կարողանայիք մինչև անգամ մի հիանալի ճանապարհորդութիւն անել արձակուրդին: Այդ բոլորը ոչինչ, բայց դուք կուրախանայիք, եթէ ապակի գցողները լաւ փող աշխատէին: Ինձ թւում է, որ ձեր ուրախութիւնն անկեղծ չէր լինի: Գուցէ ուրիշ մարդիկ էլ շատ ազնիւ չեն վարվում, երբ ասում են. «Այսպիսի կարկտահարութիւնը շատ օգտակար է. միայն ապակի գցողը չէ, որ գործ է ունենում. կարկուտը ուրիշ վնասներ էլ է հասցնում տներին և այդ պատճառով գործ են ունենում նաև հիւսնը, որմնադիրը, նախըբարը և այլն»: Այո, նրանք ազնուամիտ են, սակայն իրանց ասածները չեն կշռադատում: Դուք երևի կարծում էք, թէ այդպիսի յիմար մարդիկ չկան. սակայն տարաբախտաբար դրանց թիւը շատ է, և նրանք ձեր կարծածից աւելի յիմար են:

Մի բայէ երևակայեցէք, որ մի այդպիսի կարկուտ գայ՝ ոչ միայն մեր քաղաքում, այլ մեր ամբողջ երկրում: Բոլոր ցանքսերը կը փչանան, քաղաքներն ու գիւղերը կարկտի հետ փայլատակող կայծակից կը հրդեհուեն և բազմաթիւ մարդիկ կոչնչանան: Այդպիսի դէպքում վերոյիշեալ մարդիկը կասէին. «Այժմ հրաշալի է, շատ լաւ է ամենքի համար, այժմ նոր արժէքներ կը ստեղծուեն»: Ի՞նչ կասէք: Այդ մարդկանցը պէտք է գժատուն ուղարկել: Բայց չէ՞ որ դրանք մարդկանց բարիք են ցանկաւում. քաղաքները կը վերանորոգուեն, բոլոր արհեստաւորները գործ կը ձարեն, բոլորը դրամ կը վաստակեն և մարդկանց ձեռքը փող կընկնի:

Ուրիշ բան է, եթէ այդ ճիշտ լինէր: Ո՞րտեղից է դրամը. ո՞վ ունի փող՝ իսկոյն շէնքեր կառուցանելու: Յիմար մարդիկ հարկաւ այդ չգիտեն և յիմար բան են խօսում, երբ ասում են, թէ այդպիսի կարկտահարութիւնը նպաստում է արդիւնաբերութեանը: Սակայն այս

դուք էլ դիտէք և նրանց դատավճիռը կը յարմարեցնուք ոչ թէ կարկտահարութեան, այլ պատերազմին: Նրանք ասում են, որ պատերազմը վերին աստիճանի օգտակար է մարդկութեան համար: Ասացէք խնդրեմ, երբ մի տուն աւերվում է, ի՞նչ տարբերութիւն կայ, եթէ այդ տունը այրվում է կայծակի հարուածից կամ թէ զինուորների ձեռքով է հրդեհվում: Երկու դէպքումն էլ վնասը միևնոյնն է. կայծակն է ինձ հարուածել, թէ դնդակն է սպանել—միևնոյնն է. երկու դէպքումն էլ ես կորած եմ քնտանիքիս համար, եթէ փոքրիկ կարկտահարութիւնը վնասակար է, մեծն աւելի ևս: Եթէ հազար տուն է այրվում, վնասը հազար անգամ աւելի մեծ է, քան երբ մի տուն է այրվում: Այնպէս չէ՞: Երբ մարդ հաշուել գիտէ, պարզ է այս նրա համար: Եթէ մարդիկ ձեզ մի անգամ էլ պատմեն պատերազմի տուած բարիքների մասին, հաշուեցէք նրանց հետ. մի այրուած տունը այսքան վնաս է պատճառում, իսկ այրուած գիւղը այսքան անգամ այդքան. գուցէ այդ օգնէ:

### 12. ՀՆՄԻՈՒՐԳ

Յայտնի է ձեզ, որ Համբուրգը Նիւ-Եօրկից յետոյ աշխարհիս ամենամեծ նաւահանգիստն է դարձել: Աշխարհիս երեսին չկայ մի երկիր, որ իր ապրանքը Համբուրգ շարտահանէ: Եւ փոխադարձաբար Համբուրգի նաւերը գնում են Անգլիա, Շոտլանդիա, Նորվիգիա, Հօլանդիա, Ֆրանսիա, Սպանիա, Իտալիա, Հիւսիսային Ամերիկա, Հարաւային Ամերիկա, Աֆրիկա, Ասիա և Աւստրալիա:

Տարին 1700-ից աւելի նաւեր են Համբուրգի նաւահանգիստը մտնում և դեռ գրանից էլ աւելի էլքա գետի վրայով դէպի ցած են նաւում: Այդ բոլոր նաւերը բերում և տանում են ապրանք, ճանապարհորդներ. անթիւ գաղթականներ են տանում դէպի մի նոր հայրենիք: Համբուրգ ներմուծուած ապրանքի գինը անցրեալին: Համբուրգ ներմուծուած ապրանքի գինը անցրեալին է 4000 միլիօն մարկից, իսկ արտահանուածինը՝ 3500 միլիօն մարկից: Հաշուեցէք, թէ օրական սրբան կանի:



Օրական գալիս գնում են մօտ 100 նաւ և բերում են 10 միլիօնի ալրանք: Դրանց մէջ զլխաւոր տեղն են բռնում՝ սուրճը, շաքարը, սպիրտը, ներկերը, գինին, երկաթը, հացահատիկները, իւղը, կաշին և այլն, մէկ խօսքով այն բոլորը, ինչ որ աւօրեայ կեսնըում ամենից կարևորն է գործածութեան համար:

Այժմ մի բայէ երևակայեցէք, որ մի մեծ փոթորիկ է բարձրացել, նաւերն էլ չեն կարողանում Համբուրգի նաւահանգիստը մտնել և դրանցից շատերն էլ խորտակվում են ծովի վրայ: Այդ բանը ահագին վաստներ կը պատճառէր. օրական 10 միլիօն և խորտակուած թանգաւին նաւերի գինը: Եւ եթէ այդպիսի փոթորիկը մի երկու օր տևէ, վաստներն անչափ կը լինեն, որովհետև այն բոլոր տեղերում, որոնք Համբուրգից են ապրանք ստանում, պաշարը կը պակասի և նախաճաշին գործածած մեր սուրճի գինը, օրինակ, շատ կը թանգանայ: Միւս կողմից էլ մարդիկ դրամ չէին ունենայ վճարելու, որովհետև նրանք չեն ստանայ այն դրամը, որ պէտք է ստանային ալրանքը վաճառելով. իսկ այդ ապրանքը նաւերի հետ միասին ոչնչացել է: Գործարանները հում նիւթ չեն ստանայ՝ մշակելու՝ և կանգ կառնեն, բանուորները աշխատանք չունենալով ոչինչ չեն կարող վճարել առևտրականներին, սրանք էլ իրանց հերթին ոչինչ չեն կարող վճարել մեծ վաճառականներին և այդպիսով Համբուրգում տեղի ունեցած երկարատև սաստիկ փոթորիկը թշուառութիւն և կարիք կառաջացնի ամբողջ Եւրօպայում:

Հարկաւ կառարկէք, թէ սաստիկ փոթորիկն այդքան երկար չի կարող տևել, այլ շատ-շատ մի քանի օր և նաւերը կուշանան. բայց այդ չէ նշանակում, թէ բոլոր նաւերը կը խորտակուեն: Սակայն այդպէս չէ. կան փոթորիկներ, որ տևում են ամիսներ, նոյն իսկ ամբողջ տարիներ, և այդ միջոցին համարեան բոլոր նաւերն էլ խորտակվում են:

Եթէ Գերմանիայի և Անգլիայի—այս օրինակն ենք վերցնում, որովհետև լրագիրներում յաճախ կարդում ենք

այդ ենթադրութեան մասին—միջև պատերազմ ծագէր և անգլիացիները գերմանական առևտրական նաւերը որսային, հէնց այդպիսի փոթորիկ կը լինէր: Երևակայեցէք, որ Համբուրգի նաւահանգիստը ամիսներ շարունակ թշնամուց պաշարուած մնայ և ոչ մի նաւ չկարողանայ ել ու մուտ ունենալ. հետևանքն ինչ կը լինի: Ես կարող եմ վստահ ասել, որ աշխարհը գլխի վայր կը լինի, Եւրօպայի բոլոր պետութիւնների մէջ գործարանները կանգ կառնեն, բանուորները պարապ կը մնան և ուտելու բան չեն ունենայ:

Համբուրգցիները պատմում են, որ 1806—1814 թ. պատերազմներում, երբ մարշալ Դաւուտը քաղաքը զրաւել էր, Համբուրգը 240 միլիօնի վաստ կրեց. այսպիսի մի վաստ կը պատճառէր այժմ պատերազմի միայն մի օրը:

Համբուրգը Գերմանիայի, նոյն իսկ Եւրօպայի համար մօտաւորապէս նոյն դերն է կատարում, ինչ որ բերանը՝ մարդու մարմնի համար: Ի՞նչ օգուտ կարող է տալ մարդուն ամենաառողջ ստամոքսը, եթէ բերանի միջով անուոյ չանցնի. նա սովամահ կը լինի: Այդ պատճառով բերանը պէտք է պաշտպանենք հիւանդութիւնից, իսկ Համբուրգը պատերազմից:

### 13. ԽՆՆՅՈՂԱԿԱՆ ԳՐԵՄԵՐԿ

Ձեր ծնողները շարունակ իրաւամբ ասում են ձեզ. «Սովորեցէք խնայող լինել»: Ասացէք, խնդրեմ. ինչ է լինում ձեր խնայած դրամը կամ առհասարակ մարդկանց խնայողութիւնը. արդեօք խօրը նկուղի՞ մէջ են գետնի տակ պահվում, ինչպէս լինում էր անցած-գնացած ժամանակներում: Դուք չի՞ծաղում էք և ասում. «Այդպէս անող մարդիկը յիմար են եղել. աւելի ապահով է փողերը յանձնել խնայողական դրամարկղին, որտեղ նրանք աւելի լաւ են պահվում՝ երկաթեայ զրահապատ արկղներում»:

Աւելի ապահով. սակայն ինչից. մեզնից, գողու-



թիւնքից, յափշտակութիւնքից: Ճիշտ է, բայց էլ ինչից: Դուք ասում էք, որ էլ ուրիշ ոչինչ երկիւղ չկայ: Ո՛վ գիտէ: Ասացէք, խնդրեմ. դրամը խնայողական դրամարկղին են յանձնում միայն ապահովութեան համար: Ո՛չ, տոկոս ստանալու համար: Դուք շատ լաւ գիտէք, որ ձեր խնայած դրամը տոկոսներով մօտաւորապէս 15—20 տարուայ ընթացքում կրկնապատկվում է: Բայց ինչպէս է կարողանում դրամարկղը ձեզ տոկոսներ վճարել. ի՞նչ է անում նա ձեր դրամը: Փոխ է տալիս այն մարդկանց, որոնք դրամի կարիք ունեն: Այդ մարդիկը տոկոսներ պէտք է վճարեն դրամարկղին և վերցրած դրամի ապահովութեան համար գրաւական տան գետին կամ կաշուածք: Դրամարկղը եղած դրամներով գնում է նաև ապահով արժեթղթեր, այսինքն պետական արժեթղթեր, որոնք նոյնպէս տոկոս են բերում:

Ձեզ համար պարզ պէտք է լինի, որ դրամարկղն եթէ ուզում է իր գոյութիւնը պահպանել, ձեզ վճարած տոկոսներն աւելի պակաս պէտք է լինեն, քան իր ստացած տոկոսը: Օրինակ՝ եթէ դրամարկղը արժեթղթերից ստանում է  $4\frac{1}{2}\%$ , ամենաշատը ձեզ կարող է վճարել  $3\frac{3}{4}\%$  տոկոս: Առ ժամանակ այդպէս շատ լաւ կը լինի. բայց ի՞նչ կը լինի դրամի պակասութեան միջոցին, երբ մարդիկ իրանց դրամները հանեն խնայողական դրամարկղից:

Այդ ժամանակ խնայողական դրամարկղը, դրամ ըստանալու համար, իբրև գրաւիչ միջոց՝ աւելի շատ տոկոս պէտք է վճարէ:

Նա պէտք է, օրինակի համար, ձեր խնայած գումարների համար  $4\frac{1}{2}\%$  տոկոս տայ: Բնականաբար խնայողական դրամարկղն էլ իրանից պարտք վերցնողից պէտք է աւելի տոկոս ստանայ, հաւանականօրէն 5 տոկոս, ապա թէ ոչ՝ նա չէր կարող իր գոյութիւնը պահպանել, որովհետև պետական արժեթղթերը դարձեալ միայն 4 տոկոս են բերում. եթէ այդպէս չանի, դրամարկղը  $4\frac{1}{2}\%$  տոկոս տալով՝ ինքը կորուստ կունենայ:

Այժմ մտածեցէք, թէ ի՞նչ կը լինի, եթէ աւելի վատ

ժամանակներ դան, օրինակ եթէ պատերազմ լինի: Պատերազմ վարելու համար դրամ է հարկաւոր. պետութիւնը պէտք է նոր փոխառութիւններ անէ և դրամի պակասութեան պատճառով կրկնակի տոկոս վճարէ, այսինքն  $8\frac{1}{2}\%$ , որպէս զի դրամ տուող գտնէ: Բայց ի՞նչ է նշանակում այս: Միայն 4 տոկոս բերող փոխառութիւնը 8 տոկոսաբեր փոխառութեան միայն կէս արժէքը կունենայ և այդ պատճառով պետական 4 տոկոսաբեր արժեթղթերը ունեցողները իրանց կարողութեան կէսը կը կորցնեն. նոյնչափ կորուստ կունենան բնականաբար նաև խնայողական դրամարկղները: Բայց պատերազմի ժամանակ ամեն մարդ դրամի պէտք ունի և խնայողական դրամարկղից յետ է վերցնում իր խնայողութիւնը: Բայց խնայողական դրամարկղը այդպէս շուտով չի կարող դրամ ձարել, որովհետև իր պարտապաններն էլ այդպիսի թանգութեան ժամանակ հաւանականաբար չեն կարող իրանց վերցրած դրամը վերադարձնել: Եւ եթէ խնայողական դրամարկղը նոյն իսկ գրաւական վերցրած գետիններն ու տները ծախէ, մեծ կորուստներ կունենայ. դեռ մի կողմը թողնենք այն հանգամանքը, որ դրամարկղը շատ դէպքերում ծախելու իրաւունք էլ չունի, որովհետև երկարատև տարիների պայմանագրերով կապուած է: Ապա ի՞նչ պէտք է անէ խնայողական դրամարկղը. իր պարտապաններից չի կարողանում ստանալ. եթէ արժեթղթերը վաճառէ, տուած գնի կէսը կը ստանայ, իսկ դուք բոլորդ էլ ուզում էք ձեր դրամները յետ ստանալ: Խնայողական դրամարկղը ստիպուած կը լինի կոտոր ընկնել, և դուք ձեր խնայողութիւնները կը կորցնէք:

Ուրեմն իրաւունք ունեն նրանք, որոնք իրանց դրամը նկուղներում գետնի տակ են պահում: Ո՛չ. սակայն անարդարացի են նրանք, որոնք պատերազմի պէս մի մեծ աղէտ են առաջ բերում, և նրանք, որոնք ոչինչ չեն ձեռնարկում, որպէս զի այլ ևս պատերազմներ տեղի չունենան:



### 14. ԳՆՈՒՆՆԵՐԻ ՎԵՐԺՈՒՅԻՆ

Արդէն անցել էր պատերազմ յայտարարելու օրը: Քաղաքի բոլոր հրապարակներում կանգնած էին ճանապարհ ընկնելու պատրաստ զօրքերը, որոնք հէնց նոյն օրը պէտք է ուղևորուէին պատերազմի դաշտը: Քաղաքացիները սրտանց և յուզուած հրաժեշտ էին տալիս զինուորներին: Շատ մայրեր հագիւ էին բաժանվում իրանց սիրելի զաւակներից, շատ նորահարսներ աղի արցունք էին թափում և զօրքի մէջ գտնուող շատ պահեստի զինուորներ էլ ատամները կրճատացնում էին, որպէս զի իրանց կանանց ու զաւակներին հրաժեշտ տալիս՝ բարձր չաղաղակեն:

Սակայն զինուորներից շատ քչերն էին միայն տըխուր մտածմունքներով տարուած, միւսներն ուրախ տրամադրութիւն ունէին: Չէ՞ որ գնում էին իրանց ուխերիմ թշնամու դէմ քաջութեամբ կռուելու: Հայրենիքի համար պատերազմելու միտքը հպարտութիւն էր ներշնչում նրանց: Եւ վերադարձին, գուցէ հէնց նոյն հրապարակի վրայ, ծաղիկների տարափով կը ծածկեն իրանց, կը հրճուեն, կը պատուեն, իբրև հպարտ յաղթողների, և իրանցից իւրաքանչիւրի կուրծքն էլ ծածկուած կը լինի պատուի շքանշանով:

Զինուորների ուրախ տրամադրութիւնը ազդեց և քաղաքացիների վրայ, պատերազմը փոփոխութիւն մըացրեց նրանց մշտական նոյնատեսակ կեանքի մէջ: Համերաշխութեան կապը, որ մինչև այժմ նկատելի չէր նրանց մէջ, համակեց բոլոր քաղաքացիներին, նրանց սրտերի զարկն աւելի արագացրեց և տոգորեց «յաղթութիւն հայրենիքի համար» մտքով:

Գրետէ վերները նոյնպէս մասնակից էր ընդհանուր ուրախութեանը. նա միայն ափսոսում էր, որ ինքը տըղամարդ չէր և չէր կարող պատերազմին մասնակցել: Նա նախանձում էր զինուորներին: Մինչդեռ վերջինները մէկը միւսի ետևից դափնեայ պսակներ պէտք է

ստանային, ինքը առաջուայ պէս կրկին դաշնամուրի դասեր տալով պէտք է հայթայթէր իր և իր պառաւմօր ապրուստը: Գրետէ վերներն աւելի լաւ օրեր էր տեսել. նրա հայրը մի բանկի կառավարիչ էր եղել, սակայն այդ բանկը սնանկանալով՝ հայրը մնացել էր անպաշտօն: Նա այնքան վշտացել էր այդ դէպքից, որ սրտի պայթիւն ստանալով՝ մահացել էր: Կինն ու աղջիկը մնացել են անխնամ: Թէպէտ Գրետէն աղքատ էր, սակայն մի այնպիսի հարստութիւն ունէր, որ երբէք չէր կարող կորցնել. նա շատ լաւ և բազմակողմանի կրթութիւն էր ստացել: Այդպիսի կրթութեան և բարեկամական կապերի շնորհիւ նա կարողացել էր դաշնամուրի դասեր տալով՝ հոգալ իր ընտանիքի ապրուստը:

Այսօր Գրետէն երբ տուն վերադարձաւ, սեղանի վրայ մի նամակ գտաւ՝ իր աշակերտուհիներից մէկի ծնողներից ուղարկուած: Նա կարծեց, թէ գրած կը լինեն, որ մի դաս պարսպելու չգնայ, ինչպէս որ յաճախ լինում էր. սակայն որչափ զարմացաւ, երբ կարդաց հետևեալը. «Մեծարգոյ օրիորդ, թէև շատ ցաւում եմ, սակայն պէտք է յայտնեմ ձեզ, որ առ ժամանակ այլ ևս չչարունակէք որդուս հետ պարապմունքը: Ձեզ համար հասկանալի կը լինի, որ այսպիսի մի ժամանակ, երբ ամենակարևոր բաների համար ևս գրամ գտնել չի լինում, զուարճութեան համար ծախքեր անելը պէտք է կրճատուի: Յարգանքներով և այլն և այլն»: Գրետէին հարկաւ չգմայլեցրեց այդ նամակի ընթերցումը: Վերջին օրերի ընթացքում, պատերազմ յայտարարելու ճնշման ազդեցութեամբ, ապրուստի համար կարևոր իրերի գները կրկնապատկուել էին, և նա աւելացած ծախքերը ծածկուելու համար՝ յոյսը դրել էր արտաքոյ կարգի դասեր գտելու վրայ: Նրա համար դաշնամուր նուագելը զըլարճութիւն չէր, այլ վաստակ:

Նրա զարմանքն աւելի շատացաւ, երբ յաջորդ օրերը մէկը միւսի ետևից իր միւս աշակերտներից էլ նոյնանման պատճառաբանութեամբ մերժումներ ստացաւ: Նրա բոլոր անհատական աշխատանքը՝ մերժում-



ները դադարացնելու համար՝ դուր անցան. Ամեն մի ընտանիքում մի ուրիշ բան կար. մի ընտանիքի գաւակը պատերազմ էր գնում և տանը եղած դրամը նրա համար էր պատրաստվում: Մի ուրիշ ընտանիք բօրսայում մեծ կորուստներ էր ունեցել. պատերազմ յայտարարելու օրը բոլոր արժեթղթերի գինն ընկել էր: Շատ գործարաններ դադարեցրել էին աշխատանքը՝ բանուորների պակասութեան պատճառով, որովհետև բանուորները զինուորագրութեան էին կանչուել: Առևտուրը նոյնպէս պակասել էր. մի սնանկութեան հետևում էր միւսը: Մարդկանց չէր կարելի պարսաւել, որ դաշնամուր սովորելու դասերի համար այլ ևս դրամ չունէին:

Գրետէն չահաբեկուեց ճակատագրի այս հարուածից. նա ինքն իրան ասաց. «Եթէ դաշնամուրի դասեր չկան, լեզուի ուսուցման դասեր կը գտնեմ»: Նա շատ անգամ յայտարարութիւն տպեց լրագիրներում այդ մասին, սակայն առանց հետևանքի. ոչ ոք չեկաւ լեզուի դաս առնելու: Պատերազմի ժամանակ ոչ ոք պահանջ չէր ըզգում լեզուներ սովորելու: Երաժշտութեան և լեզուի ուսուցիչները անազին բանակը հացի կարօտ մնաց:

Սակայն Գրետէն հաստատամիտ աղջիկ էր. իր հօր կենդանութեան ժամանակ նա զուարճութեան համար փոքրիկ պատկերներ էր նկարում ջրաներկերով և մասնազետները գովասանքին արժանանում. այդ նկարների համար պատկերավաճառներից մէկը բաւականին խոշոր գումար էր առաջարկել: Գրետէն պատից ցած բերեց այժմ այդ նկարները և տարաւ պատկերավաճառին: Վերջինս զարմանքով նայեց նրան և ասաց. «Նկարներն իսկապէս շատ գեղեցիկ են, սակայն միթէ դուք ճիշտ այնքան պարզամիտ էք, որ կարծում էք, թէ որևէ մէկն այժմ ինձնից պատկեր կը գնի. պարոնայք նկարիչներն այժմ անգործ են»:

Գրետէն իսկապէս բազմակողմանի կրթութիւն ունէր. նա գիտէր նաև սքանչելի ձեռագործ պատրաստել. սակայն ինչ որ ասացին նրան արուեստի իրերի վաճառատանը, նոյնը կրկնեցին նաև ձեռագործի վաճառա-

նոցում. նրան մատնացոյց արին հարիւրաւոր հացի կարօտ մնացած ձեռագործով զբաղուողներին:

Գրետէն մինչև այդ ժամանակ գլխի չէր ընկել, որ ուրիշներն էլ միևնոյն բախտին են հանդիպել: Զեռագործի վաճառանոցից տուն վերադառնալիս Գէորգեան հրապարակում նա տեսաւ մի մեծ ամբօխ և մօտիկ կանգնածներից մէկին հարցրեց, թէ ինչո՞ւ են հաւաքուել այդ մարդիկը: Պատասխան ստացաւ, թէ «անգործ բանուորներ են»: Այդ բանը հետաքրքրեց Գրետէին, և սա մօտեցաւ ամբօխին. մի մարդ ճառ էր խօսում. սակայն Գրետէն շատ բան չհասկացաւ. ըստ երևոյթին խօսողը մի դերձակ էր: Նրա ճառի նշանաբանն էր՝ «մենք հաց ենք ուզում, աշխատանք ենք ուզում»: Եւ ճիշտ որ, ո՞վ էր այժմ նոր զգեստ գնում: Նրանից յետոյ ամբիոն բարձրացաւ մի որմնադիր, սուպ մի տաղձագործ: Բոլորն էլ միևնոյն բանն էին ասում. արհեստները աշխատանք չեն տալիս և ով բազմ չունէր գորքի համար աշխատելու, մնացել էր հացի կարօտ: Միևնոյն ժամանակ ամեն բան թանգանում էր. ուրախ տրամադրութիւնը վաղուց արդէն անյայտացել էր, և ամենքն անիծում էին պատերազմը:

Պատերազմի դաշտից էլ ամեն օր Յովբի լուրեր էին գալիս. յաղթութեան հետքն անգամ չկար: Վճռական ճակատամարտ տեղի չէր ունենում, և պատերազմը շարունակ ձգձգվում էր: Ամեն տեղ կարելի էր հանդիպել նիհարած ղէմքով մարդկանց, որոնց աչքերից կարելի էր տեսնել քաղցի նշանները: Տարածուեց տիֆի և խօլերայի սարսափելի համաճարակը. մահացութիւնն զգալի կերպով աճեց: Գրետէի մայրը նոյնպէս վարակուեց տիֆով և վախճանուեց:

Գրետէն միայնակ մնաց աշխարհիս երեսին: Պատերազմին դեռ վերջ չէր լինում: Ժողովրդին կեղեքում և կողոպտում էին. ոչ ոք չկար դիմադրող: Կատարեալ անիշխանութիւն էր տիրում: Քաղաքացիները չափազանց դառնացած էին: Այլ ևս ինչ նշանակու թիւն ունէր նրանց համար արտաքին թշնամին, երբ ներքինը նրանց



ունեցած չունեցածն էր կողոպտում: Այդ դրութեան հետևանքն եղաւ՝ ցայժմ եղած յեղափոխութիւններից ամենամեծը: Կառավարութիւնն ընկճուեց և յայտարարուեց հասարակապետութիւն. զօրքերը շտապով յետ կանչուեցին պատերազմից և խաղաղութեան դաշն կնքուեց թշնամու հետ, որ նոյնպիսի դրութեան մէջ էր գտնվում:

Պատերազմը վերջացաւ, սակայն նրա հետևանքները ծանրապէս ճնշեցին երկիրը: Դաշնամուրի դասերի համար այժմ ևս ոչ ոք դրամ չունէր և ձեռագործն ոչ ոքի պէտք չէր: Որմնադիրներն համար աշխատանք շատ կը լինէր, բայց ո՛վ դրամ ունէր շէնքեր կառուցանելու համար: Հացթուխները սիրով հաց կը թխէին, որովհետև հացը շատ ցանկալի էր ամենքին, սակայն ալիւր չկար: Պատերազմի միջոցին արտերն անմշակ էին մնացել կամ զօրքերի շնորհիւ անապատացել: Ո՛վ կարող է գաղթել՝ գաղթում էր: Հայրենիքից հեռացողներն հոսանքի մէջ էր և Գրետէ վերները, որ իր վերջին ունեցածն էլ ծախել էր, որպէս զի կարողանայ այդ դրամով ճանապարհ ընկնել: Բարբախտաբար նա գերձակութիւն էլ էր սովորել և դրանով ուզում էր հեռաւոր երկրում իր բազդը փորձել, և եթէ այդ էլ չօգնէր, յոյսը դրել էր խոհարարուհու պաշտօնի վրայ, որովհետև լաւ կերակուր պատրաստել գիտէր: Եւ իսկապէս այդ արհեստի շնորհիւ կարողացաւ տեղ գտնել: Իսկ ուրիշները, որոնք այդ էլ չգիտէին, հեռու երկրումն էլ աշխատանք չգտան:

15. ՄԻ ԲԱԺԱԿ ԶՈՒՐ

Այս վերնագիրն է կրում Սկրիբի մի յայտնի կատակերգութիւնը: Այլ ևս ճիշտ չգիտեմ այդ պիէսի բովանդակութիւնը. միայն այնքանը յիշում եմ, որ մի բաժակ ջրի պատճառով ամենամեծ քաղաքագիտական շփոթութիւններ են ծագում: Այդ պիէսը իրաւամբ կրում է նաև հետևեալ երկրորդ վերնագիրը՝ «Ազգեցու-

թիւններ և պատճառներ»: Ես միշտ այդ պիէսն եմ յիշում, երբ ընդհանուր պատմութեան մէջ անցեալ դարի պատերազմներն եմ կարդում: Ի՛նչ չնչին պատճառներով են պատերազմներ մղուել և որպիսի բոլորովին այլ հետևանքներ են հասունացրել այդ պատերազմները, բան կարելի էր սպասել՝ ի նկատի ունենալով այդ պատճառները:

1863 թ. Աուգստենբուրգի տան և Հօլշտայն-Գլիւկսբուրգ շառաւիղի միջև վէճ ծագեց Շրեզվիգ-Հօլշտայնի ժառանգական յաջորդութեան պատճառով: Այդ էր վէճի պատճառը. Ես դանց եմ առնում մաքառման առանձին աստիճանները և մասնացոյց անում միայն վերջնական հետևանքը. աւստրիացիների և պրուսացիների միահամուռ արշաւանքից յետոյ՝ 1865 թ. Գաշտայնի դաշնագրութեամբ Հօլշտայնն ընկաւ Աւստրիայի, իսկ Շրեզվիգը Պրուսիայի ձեռքը: Միթէ այդ էր Աուգստենբուրգի հերցօգի դիտաւորութիւնը:

Շրեզվիգ-Հօլշտայնի պատճառով 1866 թ. պատերազմ ծագեց Աւստրիայի և Պրուսիայի միջև: Պրուսիան բացի Շրեզվիգ-Հօլշտայնից գրաւեց նաև Հաննօվէրը, Հեսսէն-Կասէլը, Փրանկֆուրտը Մայնի վրայ և ուզում էր ունենալ Աւստրիական Շրեզիան և Հիւսիսային Բօհեմիան. Աւստրիան տուեց ոչ միայն Շրեզվիգ-Հօլշտայնը, այլ և ստիպուած եղաւ Վենետիկը զիջել:

Սպանիայի արքայական գահն առաջարկվում էր Հօհէնցօլէրն-Ջիգմարիւնգէնի պրինց Լէօպօլդին, և այդ առիթով սկսուեց 1870 թ. պատերազմը: Հետևանքը եղաւ Նապօլէօնի գահազուրկ լինելը և Էլզաս-Լօթրինգէնի Ֆրանսիայից Գերմանիային անցնելը:

Մի Ֆրանսիական առած ասում է. «Ախորժակը բացվում է ուտելու հետ»: Պետութիւնների միմեանց դէմ մղած կռիւների վերաբերմամբ էլ նոյնը կարելի է ասել. սակայն միթէ այդպէս պէտք է լինի: Միթէ այս չնչին պատճառներն համար արժէր 1870 թ. կէս միլիօնից աւելի մարդ զոհել: Գուցէ այդ պատրուակները պատերազմի իսկական պատճառները չէին. ապա ու-



րեմն որոնք են այդ պատճառները, որ չեն ուզում խոստովանել: Ես կասեմ ձեզ. այդ պատճառներն են՝ իշխանամուրթիւնը, երկիրներ տիրապետելու անյազ տենչանքը և անձնապատանութիւնը: Հարկաւ սրանք այնպիսի շարժառիթներ չեն, որոնցով կարելի լինէր որևէ իրաւունք ձեռք բերել, սակայն սրանք են պատերազմների իսկական շաժառիթները: Բայց այս շարժառիթները այլ ևս տեղի չեն ունենայ, եթէ ազգերի միջև առաջացած վէճերը դատարանով որոշուեն: Ի՞նչ որոշումներ կը կայացնէր դատարանը վերև առաջ բերուած վէճերի նկատմամբ. դատարանը պարզ ու որոշ կերպով մէկ պետութեանը կասէր՝ «դու արդար ես», իսկ միւսին՝ «դու անարդար ես»: Եթէ մէկն իր իրաւունքն է պապահանջում, զրա համար հարկաւոր չեն մարդկային զոհեր. զոհեր պահանջվում են միայն այն դէպքում, երբ պետութեան պահանջն անիրաւացի է, երբ նա աւելի է պահանջում, քան իրան կը պատկանի: Ով մէկ ուրիշից ուժով խլում է նրա ժամացոյցը, զգեստը, դրամը, նրան ես չեմ անուանի յաղթող, այլ աւազակ: Երանի թէ ազգերն էլ միայն այդպէս մտածէին:

16. Լ Օ Հ Է Ն Գ Բ Ի Ն

Արդէն եղել էք այս օպերայի ներկայացմանը. նոյն իսկ եթէ չէք լսել այս օպերան, ձեզ յայտնի կը լինի հարկաւ Լօհէնգրինի գործողութիւնը. լսեղճ էլզա Փօն Բրաբանտը մնացել է անօգնական և ոչ ոք չէ պաշտպանում նրա անմեղութիւնը, մինչև որ վերջապէս երևում է նաւակի մէջ նստած Լօհէնգրինը. նաւակը քաշում է մի կարապ. նա Աստուծոյ դատաստանից, այսինքն Տելրամունդի հետ ունեցած մենամարտութիւնից, յաղթող է դուրս գալիս և այդպիսով ակներև է կացուցանում էլզայի անմեղութիւնը:

Շատ սիրուն բան է այսպիսի աստուածային դատաստանը՝ թատրօնում: Այդտեղ հրաշալի է տեսարա-

նը, երբ անմեղութիւնը վերջապէս յաղթանակում է. սակայն կեանքի մէջ յաճախ գործն ուրիշ կերպ է վերջանում: Մենամարտութիւնն էլ մի տեսակ Աստուծոյ դատաստան է համարվում. բայց որքան յաճախ է պատահում, որ անպատուածը, որի պատիւը վատթար կերպով վիրաւորել են, յանդուգն անպատուողի ձեռքով սպանվում է, որովհետև նա պատահաբար յաւելի լաւ գէնք բանեցնել է իմանում: Այդ էլ Աստուծոյ դատաստանն է: Մենամարտութեան անմիտ լինելը տեսնելով՝ բոլոր երկիրներումն էլ ընկերակցութիւններ են կազմվում, որոնց նպատակն է այս միջնադարեան չարիքի դէմ կռիւ մղելը. այդ ընկերակցութիւնները կոչվում են հակամենամարտական լիգաներ:

Անցած-գնացած ժամանակների նոյնանման մի մընացորդ էլ կայ, որ աւելի անմիտ է, քան մենամարտութիւնը. դա պատերազմն է: Մենամարտութեան ժամանակ երկու շահագրգռուած կողմեր կան, որ գիտեն, թէ ինչն է համար են կուում և ազատակամ կռիւ են մղում. սակայն պատերազմում երկու կողմից էլ կռւում են անմեղներ, որոնց համար հակառակորդի սպանութիւնը ամենաչնչին նշանակութիւն անգամ չունի:

Ի՞նչ է պատերազմն էլ Աստուծոյ դատավճիռն է. երբ այնքան բազմութիւն պատերազմելու է գնում, արդեօք իրաւացին է յաղթող հանդիսանում: Ո՛չ. ոչ ոք չի կարող պնդել այդ բանը: Ինչպէս որ մենամարտութեան միջոցին գէնք գործածելու աւելի մեծ վարժութիւն ունեցողն ամենամեծ հաւանականութեամբ յաղթող է հանդիսանում, այդպէս էլ պատերազմում սովորաբար յաղթում է այն պետութիւնը, որ աւելի բազմաթիւ զինուորներ և աւելի լաւ գէնքեր ունի: Ուրեմն յաղթող է հանդիսանում ոչ թէ արդարութիւնը, այլ ոյժը: Այդ է պատճառը, որ առաջացել է հետևեալ ասացուածքը. «Ոյժն արդարութիւնից առաջ է գնում»:

Առաջ համարեն ամեն տարի պատահում էր, որ Թիւրքիան անմիջապէս չէր կատարում եւրօպական



մի որևէ պետութեան որևէ պահանջը. դրան հետևում էր նաևատորմիդի ցոյցը, երբեմն ֆրանսիական, երբեմն իտալական կամ անգլիական: Գիտէ՞ք ի՞նչ է նըշանակում նաևատորմիդի ցոյց: Այդ նշանակում է. եթէ դու, Թիւրքիա, իմ պահանջն անմիջապէս չկատարես, կը ումբագործենք այս ու այն նաւահանգիստը, այսքան ու այնքան մարդ կը կոտորենք, կաւերենք ամբողջ քաղաքը: Թիւրքիան սովորաբար շուտով վիշում էր, և նաևատորմիդը վերագառնում հայրենիք: Եթէ Թիւրքիան չզիջէր և իսկապէս նաւահանգիստն աւերուէր, ասացէ՞ք ինչդրեմ, մի՞թէ այդ Աստուծոյ դատաստանը կը լինէր: Ո՛չ, այդ կը լինէր ուժեղի իրաւունքը, ճիշտ այնպէս, ինչպէս որ սովորաբար անում է աւազակը՝ սպառնալով մեզ. «դրամդ կամ կեանքդ»: Սակայն մենք մեզ աւազակ չենք համարում, այլ քաղաքակիրթ մարդիկ, որ իրաւունքի գիտակցութիւն ունենք: Եթէ մեզ այդպիսիներ պէտք է համարենք, ուրիշ ոչինչ չէ մնում անել, քան այդ իրաւունքի գիտակցութիւնը գործադրել: Եւ այդ կարող ենք, եթէ ազգերի վէճերի համար ձգտենք ունենալ նոյն իրաւաբանական օրէնքները, որ վաղուց արդէն ունենք մեր պետութիւնների մէջ:

Մի այդպիսի միջազգային դատարան արդէն գոյութիւն ունի: Այն վայրկեանից, երբ պետութիւնները կը պարտաւորուեն միմեանց հետ ունեցած վէճերը Հաագի միջազգային դատարանին ենթարկել, իրանց գոյութեան իրաւունքը կը կորցնեն նաևատորմիդի ցոյցերը, պաշտօնաւորները, երկիրներ գրաւելը, պատերազմները կամ ինչպիսի անուն էլ որ ունեն նման աստուածային դատավճիռները:

Եթէ մի պետութիւն իրաւացի պահանջ ունի, այդպիսի պահանջին զոհացումն կը տայ միջազգային դատարանը: Իսկ եթէ պահանջն իրաւացի չէ, հարկաւ դատարանի միջոցով այդ պետութիւնը բաւարարութիւն չի ստանայ: Եթէ նա պատերազմ յայտարարէ՝ իր պահանջին այնու ամենայնիւ զոհացումն տալու, այն ժա-

մանակ նա իրաւունք չունի արդարութեան և Աստուծոյ դատաստանի մասին խօսելու. այդ դէպքում նա ոչ այլ ինչ է, եթէ ոչ մի սովորական աւազակ և իբրև այդպիսին արժանի է հրապարակական պարսաւանքի: Սակայն այդ բանից երկիւղ է կրում իւրաքանչիւր պետութիւն: Կայ և պետութիւնների պատիւ, որովհետև պետութիւնները բաղկացած են պատուոյ զգացմունք ունեցող մարդկանցից. այդ պատճառով վտանգ չկայ, ինչպէս որ երկիւղ են կրում շատերը, որ միջազգային դատարանի դատավճիռը չյարգուի: Ուրեմն կարող ենք յոյս ունենալ, որ մօտիկ ապագայում Աստուծոյ դատաստանի փոխարէն գոյութիւն կունենայ միջազգային դատարան:

17. ՆՈՐ ՎԱՃԱՌԱՆՈՅԸ

Երբ X փողոցի վրայ մի նոր, նորաձև վաճառանոց պէտք է բացուէր, արհեստաւորները բողոք բարձրացրին: Նրանք չէին կարող նրա հետ մրցել և անկասկած կը կործանուէին: Բայց այնու ամենայնիւ վաճառանոցը բացուեց. այդտեղ վաճառվում էին զգեստներ, կօշիկներ, սպիտակեղէն և այլ անսակ իրեղէններ:

Այդ վաճառանոցում ծախուող զգեստները վատ չէին, սակայն գնողների մարմնի վրայ չէին ձևուած, այդ պատճառով կարդին զգեստ պատրաստող գերձակները դարձեալ իրանց յաճախորդներն ունէին: Կօշիկները լաւն էին, բայց ոտքի ցաւ ունեցողների համար չէին յարմարեցուած: Այն կօշիկակարները, որոնք նոյնպէս միայն նեղ կօշիկներ էին կարում, չէին կարող բնականաբար մրցել վաճառանոցի հետ, որովհետև վաճառանոցում աւելի էժան էին ծախում այդպիսի կօշիկները: Ընդհակառակը, մրցութեան գիմացան այն կօշիկակարները, որոնք բնօրի և ոտքը չսեղմող կօշիկներ էին կարում: Ուրեմն արհեստները մաքառումն մէջ էին գտնուում վաճառանոցի հետ:

Մեր գործը չէ, թէ այդ մաքառման մէջ ո՞վ յաղթող հանդիսացաւ. մենք միայն իրողութիւնն ենք ընդգրծում, որ մաքառումն կար: Արհեստաւորները կարող



էին նաև այլ կերպ վարուել՝ իրանց նեղը ձգող վաճառանոցի մրցութիւնը վերացնելու համար. եթէ նրանք վաճառանոցը հրդեհի ճարակ դարձնէին, մրցութիւնը կոչնչացնէին, սակայն այդ արարքը արժանի կը լինէր «պատերազմ» կոչուելու: Պատերազմ էր, օրինակ, երբ Անգլիայում մեքենաներ մտցնելիս՝ բանուորները սկըզբում մեքենաները փշացնում էին: Հասկանում էք ա սածնեքիս նպատակը: Մաքառման և պատերազմի միջև տարբերութիւն կայ: Կարելի է և մաքառել առանց որևէ բռնի ոյժի: Մրցութեան մաքառման մէջ յաղթում է, ինչպէս տեսնում էք, միշտ այն կուսակցութիւնը, որ աւելի շնորհալի է. կան մաքառման այլ հազարաւոր ձեւեր, որոնք զէնքով չեն առաջ տարվում:

Այժմ գանք գլխաւոր կէտին. շարունակ ասում են, թէ պատերազմը բնական օրէնք է և չի կարելի աշխարհից վերացնել: Սակայն ճիշտ չէ այդ. պատերազմը խառնում են մաքառման հետ: Պատերազմը մաքառման մի ձևն է միայն և ամենակոպիտ ձևը, որ նոյնպէս կարելի է վերացնել, ինչպէս որ վերացրինք սարկութիւնն ու մարդկանց տանջելը: Մաքառումը հարկաւ չի կարելի աշխարհից վերացնել, ոչ առանձին անհատներինը և ոչ էլ ազգերինը. սակայն կարիք չկայ, որ ազգերի մաքառումը տեղի ունենայ արիւնհեղութեամբ, ինչպէս անհատների մաքառումը զէնքով չէ տեղի ունենում, այլ գլխով:

Մաքառումը կայ և միշտ էլ կը լինի. սակայն յիշեցէք, թէ առաջուայ ժամանակներում ճրջափ արիւնահեղ կրօնական պատերազմներ են մղուել. արդեօք դրանք այսօր կարող էին տեղի ունենալ՝ նոյն պատճառով: Ազգերի միջև միշտ կը լինեն տնտեսական մաքառումներ. մի ազգ կաշխատի միւսից առաջ անցնել, և աւելի շնորհալին յաղթանակը կը տանէ, բայց ոչ՝ աւելի բիրտը: Տեղի կուսենան գիտական մաքառումներ, բայց երբէք գերմանական ու ֆրանսիական աստղաբաշխները, աւստրիական և իտալական քիմիկոսները միմեանց չեն կոտորի իրանց աստղաբաշխական կամ քիմիական գիւ-

տերի համար մենաշնորհ ստեղծելու: Եւ ինչո՞ւ պէտք է քաղաքական մաքառումները նոյնպէս ուրիշ կերպ տեղի չունենան, այլ միայն պատերազմով: Եթէ մեզնից մէկն անպատուում է միւսին, վերջինիս համար բաց են դատարանի դռները՝ հատուցումն ընդունելու համար: Եթէ մի պետութիւն միւսից անպատուած է դուրս իրան կամ զրկուած, նա էլ նոյն եղանակով միւս պետութեան դէմ պէտք է բողոքէ միջազգային դատարանին: Միջազգային կամ միջպետական դատարանն արդէն գոյութիւն ունի, և մենք կարող ենք յոյս ունենալ, որ նրա օգնութեամբ բուռնցքի իրաւունքը ազգերի միջև նոյնպէս կանյայտանայ, ինչպէս որ անյայտացել է անհատների միջև:

18. ԱՅՍԵՐՉԻՍ ԵՐԵՄԻՆ ՅԱՏ-ՅԱՏ ՄԱՐԳԻԿ ԿԸՆ

Ո՛րչափ յաճախ է լսվում այս խօսքը. երբ մէկը գործ չէ գտնում, որովհետև շատ ուրիշ մարդիկ նոյնպէս աշխատանք են որոնում, իր սեպհական կաշուի վրայ է զգում այդ խօսքի ճշմարտութիւնը: Եւ այդ պատճառով շատերն են ասում, թէ ամենից լաւն այն կը լինի, որ մի պատերազմ լինի և մեծ բանակութեամբ մարդիկ ոչնչանան, որպէս զի միւսների համար աւելի շատ տեղ լինի:

Ես չեմ ուզում խօսել այն մասին, թէ արդեօք իսկապէ՞ս շատ-շատ մարդիկ կան. միայն մի բան եմ ուզում ասել ձեզ. եղած մարդկանց կրկնապատիկն էլ որ լինի, ապահովապէս բոլորի համար էլ գործ կը գտնուի: Գրա համար պէտք է մարդկային արժանապատուութեանը վայել բնակարաններ շինուէին՝ բնակարաններ չունեցողներին համար, զգեստներ և կօշիկներ պատրաստուէին՝ այն մարդկանց համար, որոնք հագնելու ոչինչ չունեն, գետերի նոսանքները կանօնաւորուէին, ճահիճները ցամաքեցուէին և մշակուէին և այլն և այլն: Գործ միշտ կը գտնուէր, եթէ զրա համար կարևոր զրամը լինէր: Եւ զրամ կը լինէր, եթէ պատերազմական նաւերի, թնդանօթների և զէնքերի համար աւելի քիչ ծախսուէր:



Սակայն բոլորովին մի կողմը թողնելով այդ հանգամանքը, կան երկիրներ, որտեղ հէնց այժմ էլ բանուսուսները պակասութիւն կայ: Դուք լսում էք գիւղացիների գանգատը, թէ իրանք ծառայողներ չեն գտնում, որովհետեւ բոլորն էլ քաղաք են գնում. կան և այնպիսի երկիրներ, որոնք այնքան նօսր ազգաբնակչութիւն ունեն, որ ազանովաբար երեք անգամ դրանից աւելի մարդիկ կարող են կերակրել: Եւ եթէ շատ-շատ մարդիկ կան, Ֆրանսիացիք ինչո՞ւ են գտնագատվում Ֆրանսիայի ազգաբնակչութեան քչանալու մասին:

Ընդունենք նոյն իսկ, թէ ճիշտ է, որ շատ-շատ մարդիկ կան. մի՞թէ դրա համար պատերազմով պէտք է ոչնչացնենք մարդկանց: Մենք կարող էինք աւելի յարմար միջոցի դիմել. բաւական էր, որ բոլոր հիւանդանոցները բանդէինք, բոլոր հիւանդութիւններին, ինչպէս օրինակ խօլերային, ժանտախտին, ազատ ճանապարհ տայինք, բժիշկներին արգելէինք հիւանդներին բժշկելու, այդ դէպքում մարդկանց ոչնչացնելու նպատակին կը հասնէինք առանց որևէ ծախքի:

Դրա փոխարէն մենք մեծ խնամքով ենք վերաբերվում առողջապահական գիտութեանը, որ աշխատում է ամեն մի վարակիչ հիւանդութիւն հէնց իր սողմի մէջ խեղդելու: Ունենք բժիշկներ, որոնք ամեն ջանք թափում են՝ անբուժելի հիւանդութիւնները բժշկելու:

Ուրեմն ո՞ւր է տրամաբանութիւնը. աւելի լսելացի չէ՞ր լինի, որ հիւանդներին ոչնչացնէինք, քան առողջներին: Մի՞թէ աւելի լաւ չէ՞ր լինի, որ խելագարներին ու ոճրագործներին ասպարիզից վերացնէինք, քան թէ տարիներ շարունակ նրանց կերակրէինք և դրանց պահպանելու համար այն մարդիկը հոգային, որոնք իրանք ոչինչ չեն վատտակում: Եթէ ուրեմն իսկապէս շատ-շատ մարդիկ կան, դրանց ոչնչացնելու համար պատերազմից աւելի ապահով միջոցներ ունենք: Աշխատենք որչափ կարելի է շուտ այդ միջոցներն իրագործել. վաղը պատուիրենք մի ամբողջ վագօն խօլերայի բացելներ և ա-

մեն մէկս կուլ տանք մի լաւ բաժին դրանից, որպէսզի հայրենիքին ցոյց տանք, որ լաւ հայրենասէրներ ենք:

Չէ՞ որ որքան քիչ մարդ լինի, որքան շատ սպանուեն, այնքան օգտակար կը լինի. ով սիրում է իր հայրենիքը՝ պէտք է ուրեմն ինքն առաջինը լինի մեռնողը:

Տեսէք՝ այդ չեն ասում այն մարդիկը, որոնք անմտաբար խօսում են. նրանց կարծիքով՝ մեռնելը վերաբերում է միայն ուրիշներին, իսկ իրանց՝ ո՛չ: Ուրիշները հարկաւ պատկանում են «աշխարհիս երեսի շատ-շատ մարդկանցը», իսկ իրանք փառաւոր բացառութիւններ են:

**ԸՆԴՀԱՆՈՒՐ ԴԻՏՈՂՈՒԹԻՒՆՆԵՐ Ի ՄԱՍԻ ՕՐԻՆԱԿՆԵՐԻ ՆԿԱՏՄԱՄԲ**

Թէև վերջին ժամանակներս խաղաղասիրութիւնը պատերազմի դէմ մարտնչելուց աւելի բարձր նպատակների է ձգտում, այնու ամենայնիւ նրա ամենալաւ ազդեցութեանը ոչ թէ պատերազմի նկարագիրը և այն վնասների պատկերացումը, որոնք առաջանում են պետութիւնների վէճերը պատերազմով վերջացնելու գործողութիւնից: Այդ պատճառով էլ այս աշխատութեան մէջ մեծ տեղ պէտք է բռնէր այդ նկարագիրը:

№ № 1—4 օրինակները պարզում են, որ պատերազմն իսկապէս սպանութիւնների շարան է, որ չի կարող գոյութիւն ունենալ կրկնակի բարոյագիտութիւն պատերազմի և խաղաղութեան համար:

Պատերազմի դաշտը մի այնպիսի գաղափար է, որի մասին ճիշտ մտապատկեր կարող են ունենալ միայն նրանք, որոնք մասնակցել են պատերազմին: Սակայն ինչպէս պէտք է մանուկները այդպիսի մտապատկերներ ունենան, երբ դրանցից ամենամեծ խնամքով թագցնում են պատերազմի արհաւիրքները: № № 5, 6 և 7 օրինակները համապատասխան պարզաբանութիւններն են նախկին պատանիներին, մանաւանդ № 7 օրինակը առիթ է տալիս նրանց ծանօթացնելու խաղաղասիրական ընկերութիւնների գործունէութեանը:



Պատանիների ձեռքը արուող դասագրքերի մէջ պատերազմը շրջապատուած է սրբերի լուսապատկերով. այդտեղ փառաբանվում են բոլոր հերոսական գործողութիւնները, բոլոր առաքինութիւնները, իսկ ոչ մի խօսք չէ լինում պատերազմի առաջացրած մոլութիւնների մասին. եթէ այդպիսի խօսք լինում է, այդ էլ վերաբերում է թշնամուն: № № 8, 9 և 10 օրինակները ցոյց են տալիս հակառակ պատկերը:

Մի ժամանակաշրջանում, երբ պատանիներին իսկապէս վարժեցնում են զբամ վաստակելու, մեծ նշանակութիւն ունի երիտասարդութեան համար կանխօրէն պարզելու պատերազմի նիւթական ազդեցութիւնը: № № 11—14 օրինակները ցոյց են տալիս պատերազմի ունեցած ներգործութիւնը ամեն մի առանձին անհատի կեանքի վրայ:

Պատերազմի պաշտպանների յենակէտն այն է, որ նրանք պատերազմը ներկայացնում են իբրև անխուսափելի, իբրև գոյութեան կռուի օրէնքի և Մալուսի ազգաբնակութեան աճման յայտնի օրէնքի հետեանք: Մալուսի օրէնքով՝ մարդկանց թիւն աճում է երկրաչափական պրօպրէսիայով, մինչդեռ անդի նիւթերի բանակը աւելանում է միայն թուաբանական պրօպրէսիայով: Այս բացարձակ կարծիքը, որ իրական հիմնաւորութիւն չունի—բաւական է յիշել Ֆրանսիայի օրինակը, որի ազգաբնակութիւնը հաստատապէս պակասում է—առեթ է տալիս պատերազմը նոյնացնելու բնութեան մէջ գոյութիւն ունեցող մեծ կռուի հետ: Ոմանք էլ պատերազմը նկատում են իբրև Աստուծուց ուղարկուած և այդ պատճառով՝ անխուսափելի: Կարևոր է ուրեմն բացատրել պատանիներին՝ պատերազմների իսկական պատճառները, մաքառման և պատերազմի միմեանց հետ ունեցած յարաբերութիւնը, աստուածային դատաստանի նշանակութիւնը և շօշափելի կերպով ներկայացնել խաղաղասիրութեան գլխաւոր նպատակներէց մէկը՝ միջպետական դատարանով ազգերի վէճերին վերջ տալը: Այդ նպատակին են ծառայում № 15—18 օրինակները:

ՄԱՍՆ II

### ԽԱՂԱՂԱՍԻՐՈՒԹԵԱՆ ՍԿԶՔՈՒՆՔՆԵՐԸ

Բ. Մեծ հայրենիքը

(Օրինակներ)

#### 1. Փ Ը Ո Ւ Ս Տ

Ծանօթ է ձեզ երկու քաղաքացիների խօսացութիւնը Գէօթէի «Փառաստի» մէջ:

Մէկ քաղաքացին ասում է միւսին.

«Կիրակի և տօն օրերը իմ ամենամեծ գուարճութիւնն է պատերազմի և ճակատամարտի աղմուկի մասին զրուցատրելը, երբ հեռաւոր թիւրքիայում ազգերն իրար կոտորում են: Պատուհանում կանգնած իմ բաժակն եմ դատարկում և գետի հոսանքն ի վայր խայտաճամուկ նաւերն են սահում. յետոյ, երեկոյեան, դառնում եմ տուն գոհ սրտով և օրհնում խաղաղութիւնն ու խաղաղ ժամանակները»:

Միւս քաղաքացին պատասխանում է.

«Այն, պարոն զբացի, ես էլ նոյնն եմ անում. թող նրանք միմեանց գլուխ ջարդեն, թող ամեն բան տակն ու վրայ լինի, միայն թէ ես տանը մնամ պառաւիս մօտ»:

Այնպէս չէ, շատ գուարճալի մտածելակերպ է այդ: Քանի որ պատերազմը զեռ իրանց երկիրը չէ աւերում, ողջունում են նրան քաղաքացիները՝ իբրև առօրեայ խօսակցութեան հաճելի փոփոխութիւն: Բայց մենք բուրովին ուրիշ կերպով ենք տրամադրուած. երբ լրագրում կարդում ենք աշխարհիս որևէ տեղում, օրինակ՝



Ամերիկայում պատահած մի մեծ հրդեհի կամ երկրաշարժի մասին, միմեանց ասում ենք. «Ի՞նչպիսի դժբաղդութիւն, որչափ մարդ է զոհ գնացել»:

Թէ արդեօք բոլորս իսկապէս այդպէս ենք զգում վշտակցութիւնը, թէ շատերս կեղծաւորութիւն ենք անում, չեմ կարող ասել ձեզ: Բայց կան աւելի սարսափելի բաներ, որոնց նկատմամբ մենք ուղղակի ուրախացել ենք. մտաբերեցէք միայն բուրբրի պատերազմը կամ ուսուեապօնական պատերազմը: Ո՞րչափ էինք ուրախանում, երբ բուրբրը կամ եապօնացիք յաղթում էին. այդ միջոցին մենք չէինք մտածում մի ճակատամարտում ընկած 10,000 զինուորների սոսկալի մահուան և խեղճ վիրաւորուածների ցաւերի մասին: Եթէ դուք իսկապէս անկեղծ էք, առ սակաւն պիտի խոստովանէք, որ ձեր սիրտն աւելի է ցաւում, երբ ձեր շնիկի թաթն է ցաւում, քան Մանջուրիայում խեղճ զինուորները մահուան տաղնապի են մատնվում:

Ես դրա համար ձեզ չեմ էլ յանդիմանում. բնական օրէնք է, որ հեռու տեղ կատարուող պատահարները մեր զգացմունքների վրայ նոյն ազդեցութիւնը չեն ունենում, ինչ որ մօտիկ տեղինը: Մեզ ինչ, եթէ լուսնի բնակիչներն իրար կոտորեն. Աֆրիկան և Ասիան թէև լուսնի տակ հեռու չեն, սակայն Թիւրքիայից աւելի հեռու են: Եւ եթէ «Փառաստի» մէջ քաղաքացիները Թիւրքիայում եղած պատերազմին անտարբերութեամբ են վերաբերվում, թող մեր սրտի վրայ էլ շատ խորը չազդէ Աֆրիկայում կամ Ասիայում տեղի ունեցած պատերազմը:

Սակայն կանգ առնենք մի փոքր. իսկապէս այդպէս է: Ո՞րն է աւելի հեռու, Թիւրքիան թէ Ասիան: «Ասիան» կը պատասխանէք. իսկ ես կասեմ՝ «Թիւրքիան». դուք սկսում էք ծիծաղել: Ի՞նչ կայ այդտեղ ծիծաղելու. ես խօսում եմ «Փառաստի» քաղաքացիների Թիւրքիայի և այժմեան Ասիայի մասին: Դուք ասում էք՝ Թիւրքիան միշտ էլ նոյն հաւասար հեռաւորութեան վրայ է եղել. այդ ճիշտ չէ: «Փառաստի» քաղաքացիներ-

ըը իրչափ ժամանակում կը հասնէին Թիւրքիա. առ սակաւն չորս շաբաթուայ ընթացքում. իսկ մենք 36 ժամում այնտեղ կը հասնենք: Ո՞րչափ ժամանակ էր հարկաւոր այն ժամանակ, որ մի լուր Ասիայից մեզ հասնէր. ամենաքիչը երեք ամիս. իսկ այժմ հասնում է երեք ժամում:

Երկաթուղին ու հեռագիրը աշխարհը յեղաշրջեցին, և ինչ որ առաջ հեռու էր, այժմ շատ մօտ է թւում մեզ: Եթէ Ասիայում պատերազմ է լինում, նրա լոյսի շերտերը մինչև մեզ են հասնում: Պատերազմ մղող պետութիւնների մէջ կանգ է առնում արդիւնաբերութիւնը. զանազան ապրանքներ, որ նրանցից ենք ստանում, բնականաբար թանկանում են, և ընդհակառակը այնտեղի մարդիկը քիչ զրամ ունենալով՝ այլևս չեն գնում մեզնից այն ապրանքը, որ մենք էինք նրանց ծախում: Կարող էք տեղեկանալ վաճառականներից, թէ որչափ փաստեր կրեցին նրանք ուսուեապօնական պատերազմից:

Երբ մի ուրիշ երկրում ամեն բան տակն ու վրայ է լինում, մեր հայրենիքում էլ հինը նոյնութեամբ չէ մնում: «Պատերազմ» բառը մեզ համար այլ ևս հետաքրքրական նորութեան նշանակութիւն չունի, այլ երկիւղի: Եւ մի՞թէ մենք «Փառաստի» քաղաքացիների ժամանակից առաջադիմած պէտք է լինենք միայն տեխնիքական գիւտերի նկատմամբ. մի՞թէ պատերազմը ցաւալի բան պէտք է համարենք միայն նրա համար, որովհետև մեր գրպանին է դիպչում: Կամ գուցէ մեր բարութիւնն ու վշտակցութիւնն է աւելացել և լալիս ենք խեղճ զինուորների թշուառութիւնը, որոնք զոհերն են այն մտածելակերպի, որ վաղուց արդէն հնացած պէտք է լինէր: Ինձ թւում է, որ հեռագրաթեղերի հաղորդակցութիւնը առաջ մեր սրտերի հետ պէտք է կապակցուի՝ չէք ուզում այդ բանին օժանդակել:

## 2. ԱԶԳԱՅԻՆ ՏԱՐԱԶ

Շատ յաճախ լսում էք այն գանգատը, թէ նոր ժամանակը նկարչական ըմբռնումն չունի. իբրև օրինակ



բերվում է այն հանգամանքը, որ ազգային տարազները համարեա թէ միայն առանձնացած լեռնահովիտներումն են իրանց ողորմելի գոյութիւնը պահպանում, իսկ քաղաքներում ընդհակառակն ամեն տեղ միայն նորածեղզեաստներ են հագնում: Ես էլ ամսոսում եմ այդ՝ գեղեցկութեան տեսակէտով, բայց ասացէք խնդրեմ, միթէ բոլոր ազգերի և ցեղերի այս աներկբայելի հաւասարութիւնը աւելի խորը նշանակութիւն չունի:

Տարագը ազգի կամ ցեղի միակ յատկանիշը չէ՝ տարազի հետ անյայտանում են նաև հին սովորութիւնները, որ ամեն տեղ տարբեր են և որոնք թէև աչքի համար գրաւիչ են, սակայն իրրև նախապաշարումներ յաճախ դրանց դէմ կռիւ պէտք է մղել: Նորածեղզեաստների ամեն տեղ մուտք գործելու նշանակութիւնն այն է, որ ազգերը միմեանցից օտար չեն ուզում լինել. նրանք զգում են, որ միայն չնչին տարբերութիւններով են միմեանցից բաժանուած: Ընդհանուր հետաքրքրութիւնները սովորաբար նոյնանման զգեստով են արտայայտութիւն ստանում: Նոյնանման զգեստը, համագգեստը, արդէն արտաքուստ ծանուցանում է զգեստկրողին թերև անդամ որոշ ընկերութեան կամ համախմբութեան, ինչպէս օրինակ զինուորական համագգեստը, մարմնամարզների հագուստը, որսորդներինը և բանուորի կապոյտ բլուզը:

Առածն ասում է. «Գլխարկը ձեռքիդ բռնած՝ կարող ես ամբողջ երկիրն անցնել». այս առածը փոփոխելով ասում եմ. «Փրակով և դրամով կարող ես ամբողջ աշխարհն անցնել»: Փրակն ամեն տեղ համարվում է լաւագոյն հասարակութեան հագուստ և այդ ասացոյց է, որ ամեն տեղ էլ նոյն հետաքրքրութիւնները գոյութիւն պէտք է ունենան, որ արտայայտվում է նոյնանման զգեստ կրելով: Փրակը թէ մի ուրիշ հագուստ նոյնն է մնում Լօնդօնում և Կօպէնհագէնում. բերլինցի կինը նոյն դարնանային շրջազգեստն է կրում, նոյն գլխարկը ծածկում, ինչ որ պարիզցի կինը: Բոլորն էլ մի համազգեստ են կրում՝ եւրօպականը կամ աւելի ճիշտ ասած՝ համաշխարհային համազգեստը:

### 3. Հ Օ Ր Ի Չ Յ Ն

Ի՞նչ է հօրիզօնը, Ֆրից, պատասխանիր: Հօրիզօնն այն շրջագիծն է, որ բոլորովին ազատ հարթութեան վրայ, որտեղ ոչ մի բան տեսարանը չէ սահմանափակում, կամ թէ բարձր ծովի վրայ, ցամաքի կամ ծովի մակերևոյթը սահմանագծում է դրա վրայ հանգչող երկնակամարից: Պէտք է տարբերել երևութական հօրիզօնը իսկական հօրիզօնից. առաջինը... Լաւ, լաւ, դասդ գիտես: Տարբերութիւնն այժմ էս կը բացատրեմ ձեզ. դիրքը մի կողմը դրէք. ինչ որ պիտի ասեմ, գրքումը չկայ:

Երևութական հօրիզօնն այն է, ինչ որ Ֆրիցն ասաց: Բացի այդ երևութական հօրիզօնից, որ տեսնում ենք մեր աչքով, կայ և մի ուրիշը, որ մենք չենք տեսնում. դա մեր հոգեկան հօրիզօնն է: Հոգեկան հօրիզօն ասելով հասկանում եմ այն շրջագիծը, որ կարող է մարդ պատկերացնել. այդ շրջագիծը ամփոփում է ոչ միայն ցամաքն ու ծովը, այլ մարդուս ամբողջ կեանքն ու ձգտումը, նրա ուսումնասիրութիւնն ու գործունէութիւնը, նրա լաւ և վատ մտքերը: Շատ մարդկանց հոգեկան կամ իսկական հօրիզօնը և երևութականը նոյնն է. սրբան մարդիկ իրանց գիւղից դուրս չեն գնացել. ինչ որ չէ վերաբերում արտին և անասունին, նրա համար նրանք հետաքրքրութիւն չունեն: Քաղաքներում մարդկան կան այնպիսի մարդիկ, որոնց մտաշրջանը հաւասար է տեսանելի հօրիզօնին. տարաբախտաբար դրանց թիւը շատ է: Յաճախ դրանց է յանձնուած լինում մերձաւորների լաւն ու վատը. թէ ինչո՞ւ դրանց անուանում են զանգակատան քաղաքագէտներ, այժմ հասկանալի կը լինի ձեզ համար:

Այսպիսի զանգակատնային քաղաքականութիւնը սովորական էր դեռ ևս կէս դար առաջ: Ճանապարհորդելը դժուար էր և թանկ. գիտէք որքան ժամանակ պէտք է գործ դնէր գիւղացին՝ պօստով մայրաքաղաք հասնելու



համար. աւելի երկար ժամանակ, քան այժմ Պարիզից Կոստանդնուպօլիս հասնելը: Իսկ դէպի Պարիզ ճանապարհորդելու համար աւելի շատ ժամանակ էր հարկաւոր, քան այժմ աշխարհիս շուրջը պտտելու համար: Բայց շատերի համար ճանապարհորդելը բոլորովին անհնարին էր. հիւանդները, կանայք, երեխաները ճանապարհորդութեան դժուարութիւններն ու նեղութիւնները չէին կարող տանել: Այդպիսի հանգամանքներում հասկանալի է, որ մարդկանց հոգեկան հօրիզօնը չէր կարող ընդարձակուել:

Այսօր հէնց հիւանդներն են ճանապարհորդում, իրանց առողջութիւնը կրկին ձեռք բերելու համար. դրանք գնում են Րիվիէրա կամ Եգիպտոս: Մանուկներին ուղարկում ենք ծովափ, որպէս զի կարմիր թշեր ունենան. Եւ կարմիր թշերով դրանք զաղափար են ստանում իսկական հօրիզօնի մասին. նրանք տեսնում են ուրիշ մարդիկ, ուրիշ զգեստ, լսում են այլ լեզուներ:

Արդեօք ճանապարհորդելը կարևոր է՝ հոգեկան հօրիզօնն ընտելացնելու համար: Ո՛չ, դրա համար արդէն հոգում են այն բազմաթիւ պատկերազարդ և անպատկեր պարբերական թերթերը և գրքերը, որոնք պատմում են ուրիշ երկիրների և ուրիշ մարդկանց մասին: Այդպիսի ընթերցանութեամբ զբաղուող մարդկանց հօրիզօնը բնականաբար ընդարձակվում է և նրանց հետաքրքրութիւնն էլ բազմակողմանի է դառնում:

Իսկ նրանց համար, որոնք չեն ճանապարհորդում և ընթերցանութեան շնորհիւ չեն զարգանում, հարկաւ երևութական հօրիզօնը մնում է իբրև իսկական: Այդպէս էք կարծում, բայց տեսէք՝ մի առած ասում է. «Եթէ լեռը մարգարէի մօտ չէ գալիս, մարգարէն է լեռան մօտ գալիս». իսկ եթէ մարգարէն չէ գալիս, գիտէք ինչ է պատահում. այն ժամանակ իրօք լեռն է մարգարէի մօտ գալիս:

Կարիք չկայ այսօր, որ գիւղացին իր գիւղից հեռանայ, բան կարդայ, բայց և այնպէս նա կարող է աշխարհիս մասին ու աշխարհի դրութեան վերաբերմամբ

ճիշտ մտապատկեր ունենալ. լուսանկարը ցոյց է տալիս նրան օտար երկիրների տեսարանները, կինեմատօգրաֆը բաց է անում նրա առաջ օտար ազգերի կեանքը ամենաճիշտ մանրամասնութեամբ: Մի որևէ պատահար, հրդեհ, հանդիսաւոր գնացք, նաւի ծով իջեցնելը տեսանելի է նրա համար. նա ականատես վկայ է այն բանի, ինչ որ կատարուել է ուրիշ երկրամասում:

Սակայն միայն աչքով չէ մասնակցում նա այդ պատահարներին. ֆօնօգրաֆը նրա ականջին լսելի է դարձնում նշանաւոր երգչի երգածը, այն, նոյն իսկ վայրենի ժողովուրդների խօսած լեզուն կարող է լսել նա առանց իր սենեակից դուրս գալու: Առաջ գիւղացին որքան էլ բարձր աղաղակէր, նրա ձայնը չէր հասնի հօրիզօնի սահմանին, իսկ այսօր նա կարող ցածր ձայնով, տելեֆօնի միջոցով, 10 օրուայ ճանապարհ իրանից հեռու բնակուող մէկի հետ զրուցատրել:

Ժամանակները փոխուել են: Երևութական հօրիզօնը յաճախ աւելի մեծ է, քան իսկականը, որովհետև շատ մարդիկ դեռ ևս չեն կարողանում ըմբռնել հեռաւորութիւնը և այժմ էլ առաջուայ պէս շարունակում են իրանց զանգակատնային քաղաքականութիւնը: Բայց նրանք, որոնք ըմբռնում են այդ, օտար երկրում իրանց այլ ևս օտար չեն զգում: Իսկ որտեղ մարդ իրան օտար չէ զգում, նա իր տանն է. իսկ որտեղ մարդ իր տանն է, այնտեղ է նրա ծննդավայրը, հայրենիքը: Եւ երբ մարդ ամեն տեղ, ամբողջ երկրի վրայ, բարեկամներ ունի, երբ մարդ ամեն տեղ իրան իր տանն է զգում, այն ժամանակ ամբողջ մարդկութիւնը նրա ծննդավայրն է: Այդ բանը կարելի է զգալ առանց անթոռից վեր կենալու:

#### 4. ՄԵԿՈՒԳԸՆԵՐ

Գիտէք, ինչ է մեդուզան. երևակայեցէք ամեն տեսակ գոյներով փայլիլող սապնապղպկներ, որ լողում են ովկիանում. հէնց որ ուզէք դրանց ձեռք տալ, իս-



կոյն կը քայքայուեն, կը լուծուեն և անձև ոչնչութիւն կը դառնան: Սակայն այդ սապնապղպղակները իսկական կենդանիներ են: Նրանց թափանցիկ մարմինը գանգականման է և շնչող թոքի նման սեղմուելով ու լայնանալով շարժվում է ջրի մէջ: Զանգակի լեզուակի տեղը, կամարից դէպի ցած իսկապէս կախուած է նրանց ստամոքսը՝ ուտող բերանով: Մի բանի մեղուզաներ հասնում են աչքի ընկնող մեծութեան, մինչև մի մեարտրամագծով և մօտ 20 կիլօգրամ կշռով. միևնոյն ժամանակ նրանց թափանցիկ, ապակենման մարմինը բաղկացած է միայն 3—6 տոկոս կենդանական գոյացութիւնից, մնացածը ծովաջուր է:

Տարօրինակ կենդանիներ են սրանք, այնպէս չէ: Բայց կան աւելի զարմանալիները. դրանք կոչվում են սիփօնօփորներ. դրանց կարելի է համեմատել լողացող ծաղկատունկերի հետ, որոնց սիրուն թերթիկները, ծաղիկներն ու պտուղները պատրաստուած են գանազանագոյն ապակուց: Դրանց մարմնի այդ բոլոր մասերը վերին սատիճանի զգացուն և շարժուն են: Ամենաթեթիւ հպումից փառահեղ բացուած տունկը կծկուելով դառնում է մի փոքրիկ գունդ: Ծճգրիտ ուսումնասիրութիւնը ցոյց է տուել, որ իւրաքանչիւր սիփօնօփորի բունը բաղկացած է բազմաթիւ մեղուզանման անհատներից, և այդ մեղուզաներից ամեն մէկը յարմարուելով կեանքի որոշ գործունէութեան՝ առանձին ձև է ստացել: Ոմանք գործում են իբրև կրաւորական, օդալի լողապղպղակներ, միւսներն իբրև ներգործական, մկանային լողազանգակներ. երրորդ խումբը, սիփօնները, կերակուր են ընդունում միայն և մարսում. չորրորդ խմբակցութիւնը, պալիօնները էսպէս զգայուն զգայարանների նշանակութիւնն ունեն, երկու ուրիշ խմբեր, արուններ և էգեր, բացառապէս զբաղուած են միայն սերունդ առաջացնելով: Այսպիսով սիփօնօփորի բնի տարբեր անհատները աշխատանքի բաժանման և աշխատանքի գանազանակերպ փոփոխութեան շնորհիւ տարբեր կերպով

են զարգացել և բոլորը միասին գործակցում են ամբողջ բնի միաբան կեանքին:

Ինչպէս որ սիփօնօփորի առանձին առանձին անհատները ամբողջութեան բարիքի համար են աշխատում, այնպէս էլ միաբան գործում են այն սիփօնաւոր բջիջները, որոնցից կառուցվում է մարդու մարմինը՝ մկանները, մորթու, զգայարանները, արիւնը, ուղեղի և այլն ձևով, որպէսզի գլուխ բերեն «մարդ» կոչուած բջիջների պետութեան կեանքը: Եւ մարդիկ միասին կազմում են աւելի բարձր օրգանիզմներ, «պետութիւններ»: Իսկ պետութիւնները միասին ինչ են կազմում. միթէ կարծում էք, թէ զուգորդութեան օրէնքը, որ, ինչպէս տեսնում էք, ամենաստորին կարգի կենդանիների կեանքում արդէն երևան է գալիս, կանգ է առնում պետութիւնների նկատմամբ: Ո՛չ, զուգորդութեան օրէնքը շարունակվում է. Բաւարիան, Սաքսօնիան, Պրուսիան, Վիտտենբերգը և միւս բոլոր պետութիւնները միասին կազմում են գերմանական կայսրութիւնը. գանազան կանտօնները կազմում են շվեյցարական հասարակապետութիւնը: Սրանք էլ օրգանիզմներ են, որտեղ բոլոր մասերը միասին ամբողջութեան բարիքի համար են գործակցում: Գուցէ զուգորդութիւնը դարձեալ շարունակվում է, գուցէ կայ և մի աւելի բարձր օրգանիզմ, որ իր մէջ միացնում է ստորինները: Ամերիկայում գոյութիւն ունի Հիւսիսային Ամերիկայի Միացեալ Պետութիւնը. ինչո՞ւ Եւրօպայի պետութիւնները չեն կարող նոյնպէս միանալով կազմել մի միացեալ պետութիւն: Մենք գիտենք, որ կան երկպետեան դաշնակցութիւն, եռապետական դաշնակցութիւն. ինչո՞ւ չի կարող լինել և տասնապետական դաշնակցութիւն: Եւ ինչո՞ւ պէտք է միայն մի երկրամասի պետութիւնները մի օրգանիզմ կարողանան կազմել. գուցէ գոյութիւն ունի մի աւելի բարձր օրգանիզմ, «մարդկութիւն» կոչուածը, որ ամփոփում է իր մէջ բոլոր երկրամասերը միահամուռ գործունէութեամբ: Այդ օրգանիզմը գոյութիւն ունի իրապէս, և ովքեր բաց աչքեր ունեն, նրանք



տեսնում են այն հազարաւոր նեարդերը, որ անցնում են ամբողջ օրգանիզմի միջով հեռագրաթելերի կերպարանքով. նրանք տեսնում են, թէ ինչպէս աշխարհիս ամենահեռաւոր մասերում մարդիկ շարժարկում են հակոտնեաների համար, նրանց կերակուր և հագուստ հայթայթելու համար. նրանք տեսնում են օրգանիզմի արեան շրջանառութիւնը երկաթուղիների և շոգեխաւերի կերպարանքով:

Սակայն կան հարկաւ մարդիկ, որոնք կոյր են և չեն տեսնում այդ բոլորը. նրանք ուզում են միմեանց վրայ հրացան արձակել և միմեանց կոտորել փոխադարձաբար: Տարաբախտաբար այդպիսիները դեռ ևս մեծամասնութիւն են կազմում և այդ պատճառով «մարդ» օրգանիզմը այնպէս փարթամ չէ բարգաւաճում, ինչպէս որ պէտք էր: Երանի թէ այդ մարդիկը մեղուզաներից բան սովորէին:

### 5. ՆԱՄԱԿԱՆԻՉՆԵՐԻ ԱՆՍՈՒՐ

Փրից, այդ ինչ սիրուն նամականիշների ալբոմ ունես: Նոյն իսկ Կօստա-Րիկայի, Եսպօնիայի և մինչև անգամ Սիամի նամականիշներ ունես. իսկպէս որ հոյակապ բան է: Կարելի բան է, ժողովածուիդ մէջ արդէն 800 նամականիշ ունես. իսկ դ՞ու, Րուզօլֆ, դու մինչև անգամ 1200 հատ ունես: Ձեզանից ուրիշն էլ է նամականիշներ ժողովում: Բոլորը ժողովում են, բացի երեքից. նրանք էլ երևի ուրիշ բանով են հետաքրքրվում:

Այժմ մտածեցէք, երեխաներ, թէ ձեզ նման որքան դպրոցական աշակերտներ կան աշխարհիս երեսին. եթէ դրանց տասներորդ մասը միայն նամականիշներ ժողովէ, միլիօններ դուրս կը գան. յետոյ հաշուեցէք և այն չափահասներին, որոնք նոյնպէս նամականիշներ են ժողովում, և բոլոր նրանց, որոնք նամականիշ չեն ժողովում, այլ բոլոր ծրարները զամբիւղն են զցում, կը տեսնէք թէ որքան շատ միլիօններ կը լինեն:

Սակայն ինչ նշանակութիւն ունեն ժողովուած և չժողովուած նամականիշները, դրանք բոլորը կպցուած են լինում գրուած նամակներին. իսկ նամակներն ինչ նշանակութիւն ունեն: Այդ ապացոյց է, որ նոյն իսկ ամենահեռաւոր երկիրներում մարդիկ կան, որոնք հետաքրքրվում են մեզնով. հակառակ դէպքում նրանք նամակներ չէին գրի մեզ:

Նամակներում ինչ է գրուած լինում. մեր ազգականները, որոնք շատ տարիներ առաջ գնացել են Բրազիլիա կամ մի այլ տեղ են գաղթել, գրում են մեզ, թէ ինչպէս են իրանք, բարեւում են պառաւ մայրիկին, գուցէ և նրա համար դրամ են ուղարկում: Բայց այդպիսի նամակները շատ քիչ են լինում. միւսներում գրուած է լինում. «Ուղարկում ենք ձեզ այսօր այսչափ ցորեն, կամ նաւթ, կամ այսչափ գոյգ կօշիկ, կամ այսչափ կիլօ չամիչ, կամ այսչափ տակառ գինի»: Կան և ուրիշ տեսակ նամակներ. Հ.-ի աստղաբաշխը գրում է Բ.-ի աստղաբաշխին. «Ես այսօր մի նոր աստղ յայտնագործեցի». կամ թէ մի ուրիշ հետազօտող գրում է. «Ինձ աջողուեց ամբողջ Տիբէտի միջով ճանապարհորդել. նշանաւոր գիւտեր եմ արել»: Նամականիշներ կրպցնում են նաև լրագիրներին, որոնք տարածվում են ամբողջ աշխարհում: Ինչ է նշանակում այդ: Այդ նշանակում է, որ մեզ մօտ մարդիկ կան, որոնք շատ հետաքրքրվում են, թէ ինչ է տեղի ունենում Հեռաւոր Արևելքում, Արևմուտքում, Հարաւում և Հիւսիսում. եթէ այդպէս չլինէր, այնտեղի լրագիրները չէին կարգայ. և ընդհակառակը Արևելքում, Արևմուտքում, Հարաւում և Հիւսիսում ուրիշներն էլ ուզում են իմանալ, թէ ինչ է կատարվում մեզ մօտ:

Կարճ. նամակներն ասում են, որ երկրիս բնակիչները մէջ յարաբերութիւններ կան. ոմանք ապրանք են ուղարկում, ոմանք դրամ, ուրիշները մտքեր են փոխանակում, բարեկամութիւններ հաստատում: Տարէ-ցտարի նամակների թիւն աւելանում է. այդ նշանակում է, որ տարբեր պետութիւնների միմեանց հետ ունեցած



յարաբերութիւնները հետզհետէ մտերմանում են:

Մտածեցէք, թէ ինչ կը լինի, եթէ մէկը կոպիտ բռունցքով այդ մտերիմ յարաբերութիւնները խանգարէ: Արդեօք ամենքին էլ վնաս չի՞ հասնի՝ թէ ապրանք և թէ դրամ ուղարկողներին. իսկ եթէ ողջօյնը չհասնի պառաւ մայրիկին, նա լաց չի՞ լինի: Եթէ մէկը ոտքը կոխում է մեր մագալին, տրամադրութիւններս վատանում է, և շատ անգամ աշխատել չենք կարողանում այլ ևս. մեր ամբողջ օրգանիզմը ցաւակցում է: Նոյնն է պատահում և «մարդկութիւն» օրգանիզմին, երբ մէկը նրա ոտքը կոխում է: Այդ պատճառով պէտք է զգուշանանք, որ այդ չպատահի: Բնականաբար «ոտք կոխելը» պատկերաւոր արտայայտութիւն է, սակայն իսկապէս նոյնն է լինում՝ թէ անհատի և թէ պետութեան նկատմամբ: Եթէ մէկը կոխում է անհատի ոտքը, վերջինս սաստիկ հայհոյում է առաջինին ու հետը կուռում: Ճիշտ նոյն կերպ են վարվում և պետութիւնները: Անհատները կռուից սիլ է մլասուողը. երկուսն էլ. երկուսն էլ արիւնջուլայ են լինում ու մլասում իրանց գործին: Պետութիւններն էլ նոյնն են անում. մարդիկ կոտորում են միմեանց փոխադարձաբար ու իրանց մլասում:

Միթէ կարծում էք, որ մեռածներն էլ կարող են նամակներ գրել և ապրանք գնել. այդպիսի պատերազմը միանգամից պակասեցնում է նամակների թիւը. պատերազմը այն կոպիտ բռունցքն է, որի մասին վերը յիշեցի:

Գուցէ բոլորովին չպէտք է կռուել, երբ մարդու ոտք են կոխում: Եթէ ես պատահմամբ մէկի ոտքը կոխում եմ, ասում եմ. «Ներողութիւն, ակամայ եղաւ». իսկ միւսը պատասխանում է. «Ոչինչ, ոտքիս ցաւն անցաւ»: Այդպիսով մեր բարեկամութիւնը չէ մլասվում և կարիք չի լինում մեր գործը թողնելու: Եթէ պետութիւններն էլ սովորեն նոյնպէս «պարօծն» ասել, իրանց օգուտը և ամբողջ մարդկութեան օգուտը կը լինի:

### 6. ՏԵՄՆ ՍԵՆՏԻՄՈՎ ԸՇԽԱՐՀԻՍ ԿԷՍԻ ՇՈՒԲԸ

Այդ անկարելի է, կասէք դուք. շատ լաւ կարելի է. տասն սանտիմով դեռ աւելի հեռու կարելի է գնալ. հարկաւ ոչ ես, այլ ձեր ողջօյնը, որ մի պօստկարտով (բաց նամակ) կուղարկէք ձեր հակոտնեաներին: Այդ բանն այժմ ձեզ ինքն ըստ ինքեան հասկանալի է թւում. բայց հեռու չեն այն ժամանակները, երբ իւրաքանչիւր պետութիւն իր սեպհական գներն ունէր նշանակած՝ նամակ ուղարկելու համար: Դեռ 60 տարի առաջ գոյութիւն ունէին 1500—2000 տարբեր գներ նամակներ ուղարկելու համար, որոնք գործադրութեան համար անթիւ դժուարութիւններ էին յարուցանում: Իմ նպատակը չէ պօստի գործաւնութեան զարգացումը պատմել ձեզ. ուզում եմ ասել միայն, որ համաշխարհային պօստային ընկերութեան հիմնուելուց յետոյ միայն կարելի է լինում էժան ու միատեսակ գնով՝ ամբողջ երկրագնդի հետ նամակագրութիւն ունենալ: Ի՞նչ է ապացուցանում համաշխարհային պօստային ընկերութեան հիմնադրութիւնը. այն, որ պետութիւնները տեսան, թէ իրանք համանման կերպով շահագրգռուած են պօստային հաղորդակցութեան արագ ու էժան կարգադրութեանը: Եւ այս շահագրգռութիւնը առաջ մղեց ստեղծելու միաբան կազմակերպութիւնը:

Այդպիսի կազմակերպութեան հանդիպում ենք նաև այլ շրջաններում: Առաջ իւրաքանչիւր երկիր, իւրաքանչիւր քաղաք ունէր իր սեպհական չափն ու կշիւր. մետրաչափի դաշինքով պետութիւնների մեծագոյն մասի համար չափի և կշռի միութիւնը հաստատուեց: Ուրեմն կրկին միաբան շահագրգռութիւնները առաջ բերին միաբան կարգ ու կանօն: Ինչո՞ւ երկաթուղու երկաթագծերի անջրպետը համարեան բոլոր պետութիւններին մէջ աւասար է. ինչո՞ւ պետութիւնների մեծ մասում երկաթուղու գնացքները որոշ և նոյնանման ժամանակներում են ճանապարհ ընկնում. ինչո՞ւ մի երկրի երկաթուղի-



ների գնացքները յարմարեցվում են դրացի սահմանակից պետութեան երկաթուղու գնացքների ժամանակին: Որովհետև բոլորը շահագրգռուած են գործը միաբան կանօնաւորելու: Այսպիսի միջազգային համաձայնութիւններ կը գտնենք ամեն տեսակ շրջաններում. գոյութիւն ունեն դաշնադրութիւններ՝ ծովային նաւագնացութիւնը կանօնաւորելու, ծովային ազգանշանների, շաքարի գործարանական պատրաստութեան որոշ քանակի, բանուորների պաշտպանութեան, ստրկութիւնը ճնշելու, աղջիկներ վաճառելու, ժանտախտից, խօլերայից պաշտպանուելու, մտաւոր սեպհականութեան պաշտպանութեան, պետութիւնների միջև ծագած վէճերը դատելու համար միջազգային դատարան հիմնելու և այլ բազմաթիւ նպատակներով:

Բայց այս բոլոր պաշտօնական համաձայնութիւնները շատ չնչին են այն մասնաւոր անձանց թուի հանդէպ, որոնք տարբեր երկիրներում ապրելով համաձայնութեան են գալիս միաբան գործելու: Միջազգային կօնգրէսների թիւն այնքան շատացել է, որ անկարելի է թուել. համարենք ամեն օր կարգում ենք մի այդպիսի համաժողովի մասին: Ժողովվում են միասին բոլոր երկիրներից բժիշկներ, լրագրողներ, աստղաբաշխներ և այլն, նոյն իսկ մասնաւոր շրջաններն ունեն միջազգային կօնգրէսներ. կան համաժողովներ ներքին բժշկութեան, լարինգոլօգիայի, մենամարտութիւնը վերացնելու, խաղաղասիրական և այլն: Կան միջազգային ճիարշաւի մրցութիւններ, միջազգային ցուցահանդէսներ: Քաղցկեղի բժշկութիւնը, լեզուների, լուսնի, հնութեան մնացորդների, ծովերի խորութեան և այլն ուսումնասիրութիւնը բոլոր ազգերի գիտնականների միաբան աշխատանքն է կազմում: Գիտութեան, առևտրի, աշխատանքի, արուեստի, բարեկեցութեան խնամքի և այլն, միայն շատ քիչ ճիւղեր կան, որտեղ որոշեալ ճիւղի ներկայացուցիչները զանազան երկիրներում՝ միաբան աշխատելու և ընդհանուր նպատակին աւելի լաւ հասնելու նպատակով՝ միմեանց հետ կապակցուած չլինեն:

Ի՞նչ են ապացուցանում այս բոլոր միաբան աշխատանքները, այս միջազգային համաձայնութիւնները, ինստիտուտներն ու օրէնքները: Այդ ապացուցանում է, որ «հայրենիք» արտայայտութիւնը բոլոր քաղաքացիների համար ընդհանուր պարձած շահագրգռութեան գաղափարի համար արդէն շատ նեղ է: Մեր շահագրգռութիւններն այսօր ամփոփում են ամբողջ մարդկութիւնը. և եթէ առաջ մէկին հայրենասէր էին անուանում, որ էր հայրենիքի բարիքն էր ցանկանում, այսօր այդ անունը տալիս ենք նրան, ով մարդկութեան համար է աշխատում և ձգտում: Մարդկութեան բարիքը պարտկում է իր մէջ նաև հայրենիքի բարիքը:

Ով այս չէ հասկանում և մարդկութեան համար աշխատողներին հայրենասէր չէ համարում, ինքը վատ հայրենասէր է. որովհետև նա յետ է կասեցնում զարգացումը, նա ուզում է իր հայրենիքը զրկել միջազգայնութեան առաւելութիւններից, նա չէ կամենում իր նամակը տասն սանտիմով Աւստրալիա ուղարկել:

### 7. ՍՆՀՄԱՆՆԱԶՈՂՐ

Արդեօք ձեզանից մէկն ու մէկը եղել է այնտեղ, որտեղ դրացի պետութիւնն է սկսվում. ով եղել է, նա այնտեղ տեսած կը լինի մի ձող մեր ազգային գոյներով ներկուած, որի վրայ գրուած է՝ «Ս. Թագաւորութիւն», և հաւանականաբար նրա մօտ էլ մի ուրիշ ձող ուրիշ գոյներով ներկուած, որի վրայ գրուած է «Բ. Թագաւորութիւն» կամ «Ա. կայսրութիւն»: Ի՞նչ են նշանակում այդ փայտի ձողերը. դրանք ցոյց են տալիս երկրի սահմանները. իսկ սահմաններն ի՞նչ են նշանակում. այդ արդէն ամեն մի մանուկ գիտէ: Այն ճանապարհորդները, որոնք ուղղակի գնացքներով շատ յարմար գնում են, օրինակ՝ Պարիզից Բերլին, այդտեղ պէտք է կէս գիշերին, անձրևի և ձիւնի միջոցին գնացքից դուրս գան և ասեն, որ իրանց պայուսակներում մաքս վճարելու ապրանք չունեն: Եթէ նրանք ամենաազնիւ մար-



դիկն էլ լինեն, միևնոյն է, նրանց խօսքին չեն հաւատայ և կը հրամայեն պայուսակները բանալ. կարգին դարսուած իրեղէններդ տակն ու վրայ կանեն, և վնջքեզ՝ եթէ ճանապարհի համար մի փոքրիկ կտոր շօկօլադ ես վերցրել հետդ. ստիպուած կը լինես դրա արժէքի տանապատիկը վճարել իբրև մաքս: Ապա թէ իրաւունք կունենաս նորից մտնելու ուղղակի գնացքը: Ում պատահել է մի անգամ այդ բախտին արժանանալ, իր ամբողջ կեանքում չի մոռանայ, թէ ինչ է սահմանը:

Այժմ մեզ յայտնի է, որ սահմանի վրայ արտասահմանից մեր ստացած ապրանքի համար մաքս պէտք է վճարենք: Մաքսը մի տեսակ տուգանք է մեզ համար, որ արտասահմանից բան ենք բերել տալիս. չէ՞ որ այնտեղ, սահմանից այն կողմը, բոլորովին ուրիշ է, քան մեր հայրենիքում: Այնտեղ կայ բայխստագ, իսկ մեզ մօտ բայխարատ. ամբողջ պետական սիստեմն ուրիշ է: Զինուորների համազգեատները մերիներից բոլորովին տարբերվում են, միթէ այդքանը բաւական չէ սահմանապահ զինուորներ կանգնեցնելու համար:

Բայց դրա փոխարէն էլ ուրիշ բաներ կան, որոնք թէ մեզ մօտ և թէ արտասահմանում նոյնն են. օրինակ՝ արևը լոյս է տալիս բոլոր երկիրներում, լուսինն ու աստղերը երևում են նաև արտասահմանում, և սահմանի այն կողմն էլ ճիշտ նոյնութեամբ են արտերը հնձում, ինչպէս մեզ մօտ: Պետութեան սահմանն աւելի մեծ նշանակութիւն ունի, քան տարբեր համազգեատները: Ապա թէ ոչ սահմանաձողեր կանգնեցնելն անմիտ բան կը լինէր:

Ի՞նչն է երկու ազգերի տարբերութեան ամենաէական նշանը. լեզուն, գուցէ այդպէս չէ: Գերմանիայում գերմանացիներն են, Աւստրիայում նոյնպէս գերմանացիներ. այն, նոյն իսկ Ռուսաստանում կան գերմանական գաւառներ: Աւստրիայում կան իտալացիներ, Շվեյցարիայում իտալական կանտօններ: Ուրեմն սահմանաձողը չի կարող ազգերը միմեանցից բաժանել: Ընդհակառակը, Շվեյցարիայում գերմաներէն խօսողները

իրանց անուանում են շվեյցարացի, ճիշտ այնպէս, ինչպէս և Ֆրանսերէն ու իտալերէն խօսողները: Աւստրիայում ապրում են նոյն իսկ 14 տարբեր ազգեր և բոլորն էլ իրանց անուանում են աւստրիացի:

Այդ դէպքում սահմանաձողը գուցէ տարբեր կրօնների ազգանիշն է: Ո՛չ: Տարբերային պատահարները կանգ են առնում սահմանի վրայ: Ո՛չ: Վարակիչ հիւանդութիւնների առաջը կարճոց են կտրել սահմանները: Ուրեմն իսկապէս սահմանները նրա համար են, որ մեզ համար պէտքեական ապրանքների թանկ գին վճարենք: Իսկ մըտաւոր բարիքները կարճոց են սահմանն անցնել. ի հարկէ. այդ պատճառով էլ ասում են, որ մտքերը մաքսից ազատ են: Մենք հոգեկան գուարճութիւն ենք զգում կարգալով Տօլստօյի պատմուածքները, Շէքսպիրի, Կարդերօնի, Գանտէի, Մօլիէրի բանաստեղծական պատմութիւնները, ինչպէս որ մեր հարազատ բանաստեղծներինը: Բեթհօվէնի երաժշտութիւնը լսելիս երբէք նրա ազգայնութեան մասին չենք մտածել: Մեր պատկերասրահներում ժողովում ենք ինչպէս Ռաֆայէլի, նոյնպէս և Ռուբէնսի և Հօլբայնի նկարները: Արուեստի ցուցահանդէսներում տեսնում ենք բոլոր ազգերի ներկայացուցիչներին: Մեր զարգացումը ստանում ենք օտար ազգերի բանաստեղծների գրուածքներով, ուրախանում ենք նրանց արուեստի ստեղծագործութիւններով: Բանաստեղծութիւնն ու արուեստը կանգ չեն առնում ոչ մի երկրի սահմանների վրայ. այդ պարզ է:

Այժմ անուններ թուեմ ձեզ. Սպինօզա, Դարվին, Հեկէլ. դուք չէք թողնում, որ խօսքս շարունակեմ և ասում էք. «Արդէն գիտենք, թէ ինչ էք ուզում ասել. գիտութիւնը միջազգային է»: Ես արտասանում եմ՝ Ստեֆէնսօն, Բունչէն, Էդիսօն. դուք կրկին ընդհատում էք ինձ և ասում. «Զկայ ազգային տեխնիկա»: Ազգերն օգտվում են բոլոր միւս ազգերի առաջադիմութիւնից ամեն շրջաններում:

Ուրեմն էլ ի՞նչն է զուտ ազգային. ոչ այն՝ ինչ որ կարգում ենք, ոչ այն՝ ինչ որ սովորում ենք, նոյն իսկ



ոչ այն՝ ինչ որ ուտում ենք: Ամեն տեղ կը գտնէք անդ-  
 լիական բօսբիֆ, Վիէննայի շնիցէլ: Ապա էլ ինչո՞ւ հա-  
 մար են սահմանները. կասեմ ձեզ. «Որովհետև մեր հին,  
 հայրենի նախապաշարունակներէց չենք կարողանում ձեռք  
 վերցնել: Այս նախապաշարունակները դեռ այնքան զօրեղ  
 են, և «սահմանաձող» կոչուած փայտի կտորը դեռ այն-  
 պիսի ազդեցութիւն կարող է ունենալ, որ նրա այս և  
 այն կողմը մարդիկ ժողովուելով՝ կարող են միմեանց  
 կոտորել: Եւ միմեանց կոտորում են՝ առանց ի նկատի  
 ունենալու, որ բրիտանոնեայ են կոչվում. կաթօլիկները՝  
 կաթօլիկներէ դէմ, բողոքականները՝ բողոքականներէ  
 դէմ, չնայելով որ միևնոյն լեզուով են խօսում և մի-  
 ևնոյն ազգին են պատկանում: Օրինակ՝ եթէ Գերմանիա-  
 յի ու Ռուսաստանի միջև պատերազմ լինի, լեհացիները  
 պէտք է կռուեն լեհացիներէ դէմ. Աւստրիայի և Իտա-  
 լիայի միջև եթէ պատերազմ լինի, իտալացիները պէտք  
 է կռուեն իտալացիներէ դէմ: Եւ ինչո՞ւ համար. որով-  
 հետև սահմանաձողերը տարբեր գոյներով են ներկուած»:

Ենթադրեցէք, որ թշնամու բանակումն են գտնվում  
 Գէօթէն, Էդիսոնը, Դարվինը, Սօֆօկլէսը, Արիստիդէսը,  
 Գուտէնբերգը և չգիտեմ էլ ովքեր: Մենք իբրև լաւ հրա-  
 ցանաձիգներ պէտք է դրանց բոլորին էլ սպանէինք. այդ  
 դէպքում ինչ ծառայութիւն մատուցած կը լինէինք մեր  
 հայրենիքին՝ արդէլք հանդիսանալով նրանց շարունակե-  
 լու բանաստեղծելը, մտածելը, գիւտեր անելը: Դուք  
 կասէք, թէ ծիծաղելի է այդ. բայց ծիծաղելի չէ: Մենք  
 բոլորս, որ պարտաւորուած ենք պատերազմ գնալու,  
 վարձու զինուորներ չենք, որոնց կոչումը պատերազ-  
 մելն է. ո՛չ, մենք բոլորս ունենք մեր քաղաքացիական  
 կոչումը: Եւ եթէ մենք վերոյիշեալ մեծ մարդկանց նը-  
 շանակութիւնը չունենք, կարող է ձեզնից մէկն ստել,  
 թէ արդեօք պատերազմի դաշտում ընկածների մէջ  
 չկային այնպիսի մարդիկ, որոնք ժամանակին կարող  
 կը լինէին այդ հուշակաւոր մարդկանցից գերազանցել:  
 Գուցէ դրանց մէջ կար մի նոր Մօցարտ կամ Գալիլէյ.  
 Եւ մենայն դէպս դրանք բոլորը օրինաւոր մարդիկ էին

և մարդկութեանը աւելի լաւ կերպով կարող էին ծա-  
 ռայութիւն մատուցանել, քան իրանց մահով:

Սակայն ինչ են ուսուցանում մեզ այս բոլոր դի-  
 տողութիւնները: Այն, որ մեր հայրենիքը անկարելի է,  
 որ սահմանի վրայ վերջանայ. մեր շահերը, մտածմունքն  
 ու զգացմունքները տեսանելի թելերով են կապակցուած  
 ուրիշ ազգերի շահերի, մտածմունքի և զգացմունքների  
 հետ: Մենք գնահատում ենք ուրիշ ազգերի լաւ կողմե-  
 րը և օգտվում դրանցից. մի՞թէ այդ պատճառով մենք  
 վատ հայրենասէրներ ենք: Ո՛չ, մենք սիրում ենք և  
 յարգում մեր ծննդավայրը, բայց միևնոյն ժամանակ  
 ընդունում ենք, որ մեր հայրենիքը, որտեղ մենք մեզ  
 մեր տանն ենք զգում, հեռու, մեր երկրի սահմանից  
 շատ հեռու է հասնում:

Ես անկասկած վատ հայր կը լինէի, եթէ իմ հա-  
 ռազատ զաւակին աւելի չսիրէի, քան մէկ ուրիշ երե-  
 խայի. բայց այդ չի խանգարի, որ ուրիշ երեխաներին  
 էլ սիրեմ և նրանց լաւ կողմերը գնահատեմ: Եթէ ես  
 ընտանիքի լաւ հայր եմ, այդ արգելք չի լինի ինձ, որ  
 լաւ հայրենասէր լինեմ: Եւ որովհետև ես պատահաբար  
 լաւ սաքսօնացի կամ վիւրտեմբերգցի եմ, այդ չէ ար-  
 գելում ինձ, որ նոյնպէս լաւ գերմանացի լինեմ: Նմա-  
 նապէս և իմ լաւ գերմանացի լինելը չէ արգելում ինձ  
 լաւ եւրօպացի կամ լաւ աշխարհաքաղաքացի լինելու:  
 Ես կարող եմ ուրիշ ազգերի լաւ կողմերը գնահատել և  
 շնորհակալութեամբ խոստովանել, ինչ որ պարտական  
 եմ նրանց. դրանով իմ հայրենասիրութիւնը չի նսեմա-  
 նայ: Հայրենասիրութիւնն ու միջազգայնութիւնը իրար  
 չեն բացասում, այլ ընդհակառակը դրանք ուղիղ յա-  
 րաբերութեան մէջ են գտնվում միմեանց հետ: Միայն  
 լաւ աշխարհաքաղաքացին է ճշմարիտ հայրենասէր, ո-  
 րովհետև նա ամբողջ աշխարհի ամենալաւն է ցանկա-  
 նում իր հայրենիքի համար:

Մի սահմանաձող ուշադրութեամբ դիտելով՝ կա-  
 րելի է շատ բան սովորել:



### ԸՆԴՀԱՆՈՒՐ ԴԻՏՈՂՈՒԹԻՒՆՆԵՐ ԵՒ ՄԱՍԻ ՕՐԻՆՆԱԿՆԵՐԻ ՆԿԱՏՄԱՄԲ

Քաղաքակիրթ պետութիւնների միջև սերտ յարաբերութիւններ առաջացնելու նպատակով քարոզուած խաղաղասիրական ձգտումներին ներկայումս զեռ չար մեկնութիւններ են տալիս. մէկ կողմից խաղաղասէրների երեսօքն են տալիս, որ նրանք հայրենասէր չեն, միև կողմից նրանց համարում են երազողներ, որ անիրագործելի նպատակների են ձգտում: Բայց մի բան մոռացվում է. այդ այն է, որ քաղաքակիրթ պետութիւնների միջև այլ ևս կարիք չկայ սերտ յարաբերութիւններ առաջացնելու, պարզապէս այն պատճառով, որ այդ յարաբերութիւններն արդէն գոյութիւն ունեն: Հեռագիրները, բոլոր ժամանակակից գիւտերը հիմնովին փոխել են աշխարհի պատկերը: Այլ ևս չկայ ոչ մի պետութիւն, որ ուրիշ պետութիւնից արդիւնք չստանայ, որ ուրիշ պետութեան առաջադիմութիւնից չօգտուի, որի համար ուրիշ պետութեան շնորհ օգուտ լինի: Այստեղից հետևում է, որ ով ձգտում է իր երկրի երջանկութեանը, չի կարող այդ իրագործել՝ առանց իր աշխատանքը ամբողջ մարդկութեան նուիրելու: Այդ պատճառով էլ խաղաղասէրներն աւելի լաւ հայրենասէրներ են, քան նրանք, որոնցից յանդիմանութիւն են ստանում, թէ հայրենիք չեն ընդունում: Երազողներ էլ չեն նրանք. նրանք ձգտում են արդէն գոյութիւն ունեցող կազմակերպութիւնների օրինականացման, որոնք կարիք ունեն միջազգային կարգաւորման:

Այս մասի օրինակները աւելի լաւ են պարզաբանում նախընթաց հատուածների կէտերը և միևնոյն ժամանակ ցոյց են տալիս, թէ ինչպէս հայրենիքի և մարդկութեան նկատմամբ մեր ունեցած պարտաւորութիւնները շարկապիւղում են և փոխադարձաբար միմեանց լրացնում:

### ՄԱՍԻ III

### ԽԱՂԱՂԱՍԻՐՈՒԹԵԱՆ ԳՈՐԾՆԱԿԱՆ ԻՐԱԿԱՆԱՑՈՒՄԸ

(Օրինակներ)

#### 1. Մ Ա Ր Փ Ո Ւ Կ Ն Ե Ր Ի Վ Ա Ջ Ը

Նիւրնբերգ քաղաքի գլխաւոր հրապարակի վրայ, ամեն օր, կէսօրուայ ժամին, դուք կը տեսնէք հարիւրաւոր օտարականներ հաւաքուած, որոնք աչքները յառած դէպի վեր՝ նայում են Փրաուէնկիրխէ կոչուած եկեղեցուն: Դրանք բոլորը սպասում են մարդուկների վազին. այդ եկեղեցին ունի մի արուեստակիրտ ժամացոյց. 12 ժամը խփելիս բացվում են փոքրիկ դռնակները, դուրս են գալիս փայտեայ չորս մարդուկներ, գլուխները փոքր ինչ խոնարհեցնում են և մի ուրիշ դռնակի միջով կրկին անյայտանում. այս է մարդուկների վազը: Եւ երբ մարդուկներն անյայտանում են, անյայտանում են նաև օտարականները. բայց հագիւ թէ զրանցից մէկը ճաշի սեղանին նստելով՝ մտածէ այն արուեստագէտի մասին, որ յօրինել է այդ ինքնուրոյն մեքենականութիւնը, կամ թէ հետաքրքրուի այդ մեքենայի անիւնների գործով:

Ես միշտ մտաբերում եմ այդ մարդուկների վազը, երբ ի նկատի եմ ունենում, թէ ինչպէս և ինչ ենք սովորում ընդհանուր պատմութիւնից: Դուք երևի կը գարմանաք ասածներիս վրայ. դուք շատ լաւ սովորել էք ընդհանուր պատմութեան դասերը, կարող էք գերմանական կայսրների անունները անգիր ասել սկզբից մինչև վերջը և ընդհակառակը. ճիշտ գիտէք՝ թէ երբ է



սկսուել երկրորդ պիւնիկեան պատերազմը և երբ վերջացել. զիտէք թէ ամեն մի ճակատամարտին քանի հեծելագոր և քանի հետիոտ զինուոր է մասնակցել: Գուք զիտէք անգլիական թագաւորների կառավարութեան ժամանակները. պիտէք թէ օրուայ նր ժամին սկսուեց մի քաղաքի պաշարումը. զիտէք թէ ճակատամարտից առաջ զօրապետը զիշերը քնել է թէ անքուն անց կացրել. զիտէք նոյնպէս՝ թէ Մաքսիմիլիան կայսրը երիտասարդ ժամանակ խարտեաչ թէ սև մազեր ունէր: Այս բոլորը զիտէք, բայց ի՞նչ չգիտէք—ընդհանուր պատմութիւնը կամ աւելի լաւ է ստել՝ մարդկութեան պատմութիւնը: Ինչ որ դուք սովորում էք, ինչ որ զիտէք, այդ առանձին անհատների պատմութիւնն է, բայց ոչ մարդկութեան պատմութիւնը:

Աւելի պարզեմ միտքս. յաճախ լսած կը լինէք թատրօնի մասին՝ թէ նրա տախտակները աշխարհի նշանակութիւն ունեն: Այժմ մտածեցէք. եթէ այդ ճիշտ է, եթէ թատրօնը աշխարհիս պատկերն է ներկայացնում, այդ դէպքում թատրօնում պէտք է կարողանանք ընդհանուր պատմութիւն սովորել:

Հարկաւ, կարող ենք սովորել. Շէքսպիրի թագաւորների ողբերգութիւններից աւելի լաւ ենք սովորում Անգլիայի պատմութիւնը, քան գրքերից: «Օրլէանի կոյսը», «Գեօցֆօն Բերլիխնդէն» և նման պիէսները հարկաւ պատմութեան մի հատուածն են մեր աչքի առաջ կենդանացնում, բայց միթէ միայն այդպիսի պիէսաներ են ներկայացվում: Ո՛չ. պիէսները մեծ մասամբ մեզ ցոյց են տալիս փոքրիկ յարաբերութիւններ կամ հանգամանքներ՝ իրանց հոգսերով, ուրախութիւններով և վշտերով, իրանց ընդհարումներով, մեր աչքի առաջն են բերում սօցիալական կռիւներ, մեզ ստիպում են պատասխանել այնպիսի պրօբլէմների, որոնցից առհասարակ մենք երկիւղով փախուստ ենք տալիս: Այդ բոլորի մասին սակայն ընդհանուր պատմութիւնը ոչինչ չէ պատմում մեզ կամ թէ շատ քիչ:

Եւ այն բոլորը, որ թատրօնը մեզ չէ պատմում,

բայց խաղի ժամանակ երևան է գալիս բեմի վրայ, ազդում է մեզ վրայ. մեքենաները, հագուստները, ելէքտրական լոյսը: Այդ բոլորը միթէ ինքն իրան կամ յանկարծ է առաջացել, արդեօք դարաւոր աստիճանական զարգացումը չէ ստեղծագործել. այդ բոլորի մասին պատմութիւնը ոչինչ չէ ասում մեզ: Վերցնենք ելէքտրական լուսաւորութիւնը. չեմ ուզում հարցնել, թէ ո՞վ է գտել այդ. դա կը լինէր դարձեալ մի անհատ մարդու պատմութիւն. ես միայն հարցնում եմ ձեզ, թէ ի՞նչ օգուտ կարող էր տալ մեզ ելէքտրական լոյսի գիւտը, եթէ մեզ յայտնի չլինէր ապակին և նրա պատրաստելու եղանակը: Եւ առհասարակ ի՞նչ կը լինէինք մենք առանց ապակու: Ինչի՞ նման կը լինէին մեր տները առանց ապակեայ լուսամուտների, ի՞նչ կը լինէին մեր տեսաբանական (օպտիկական) գործիքները: Ի՞նչ կօզնէր մեզ տպագրութեան գիւտը, եթէ առաջուց սովորած չլինէինք թուղթ շինելու: Ի՞նչ կը լինէինք առանց թղթի:

Մտաբերեցէք մարդուկների վազը. ի՞նչ կը լինէր մեր դրութիւնը առանց ժամացոյցի. երկաթուղու գնացքները կարո՞ղ էին բանել, եթէ ճիշտ ժամացոյցներ չունենայինք: Այժմ ամեն օր կարգում ենք դեկավարուող օդանաւերի մասին. ինչո՞ւ առաջ էլ չէին կարողանում օդանաւ շինել. որովհետև մեզ յայտնի չէր արումինիումը և դրա գործածութիւնը: Տեսէք, սրանք առանձին առանձին օրինակներ են, բայց բաւարար չափով ցոյց են տալիս ձեզ, թէ ի՞նչպէս պիտի լինէր մարդկութեան պատմութիւնը: Գիւտերի պատմութիւնը, առանձին առանձին գիւտերի և յայտնագործութիւնների ազդեցութիւնը մարդու սրտի և մտքի վրայ, գիւտերի առանձին կերտումը, դրանց անհրաժեշտ կապակցութիւնը. անս այս պիտի լինի մարդկութեան իսկական պատմութիւնը: Երկաթուղիներն ու հեռագիրները բոլոր մարդկանց կեանքն աւելի են փոփոխել, քան ամենամեծ յեղափոխութիւնը: Ճակատամարտները, կայսրները, թագաւորներն և ուրիշ շատ բաներ, որ դուք սովորում էք, պատմութեան ճիշտ պատկերը չեն տալիս ձեզ. դրանք



միայն այն մարդուկներն են, որոնք մի որոշ ժամանակամիջոցում սկսում են վազել, որովհետև ժամացոյցն այդպէս է կերտուած: Եթէ ուզում էք իսկապէս պատմութիւնից մի բան գիտենալ, պէտք է դիտէք ձեր ժամացոյցը:

### 2. Թ Ա Ն Գ Ա Ր Ա Ն Ը

Եղբի էք մի անգամ թանգարանում. ինչքան բան կրտեսել այնտեղ՝ պատկերներ, անցեալ ժամանակների արուեստի արտադրութիւններ: Այնտեղ կարող էիք տեսնել, թէ մեր նախնիները ինչպէս են բնակուել, ինչպէս հագնուել, նրանց զանազան սովորութիւնները, այն ծանր սպառազինութիւնները, որոնցով պատերազմում էին իրանց թշնամիների հետ, չախմախի հրացանները և փայտի թնդանօթները:

Թանգարանում շրջելիս երբէք ձեր մտքովը չէ՞ անցել, թէ մենք ինչ պէտք է դնենք այսպիսի մի թանգարանում, որպէս զի ապագայ դարերում մարդիկ գազափար կազմեն մեր կեանքի մասին: Մենք աւելի շատ բան ունենք մի այդպիսի թանգարանում ցուցադրելու, քան մեր նախնիները: Մտածեցէք այն բոլոր տեխնիկական գիւտերի, որ մեր հպարտութիւնն են կազմում, և ամենից առաջ մեր գէնքերի մասին: Մենք ունենք հրագէտներ, որոնց գնդակները երկու կիլոմետրից աւելի հեռաւորութիւնից կարող են ծակել մարդու գանգը, ունենք ինքնալից հրագէտներ, որոնցով կարող ենք մի քայտում 70 գնդակ արձակել: Հապա մեր բամբակը, սորպէզօնները, զրահանաւերը. այո՛, մենք չախմախի հրացանից ուրիշ աւելի լաւ բաներ կարող ենք ցուցադրել թանգարանում:

Սակայն ինչ կը մտածեն մեր յաջորդ սերունդները, երբ մեր բոլոր առաջագիմութիւնների հետ միասին տեսնեն և այն բոլոր միջոցները, որոնք մեծ ջանքերով կերտուածը կրկին պէտք է ոչնչացնեն: Նրանք կը մտածեն մեր մասին. «Ելէքարականութիւնը, կրակը, ջուրը

կարողացել են իրանց ծառայեցնել, իսկ ամենաճշարանը չեն կարողացել, որ իրանց չսպանեն: Այդ բանում նրանք գերազանցել են հնագոյն ժամանակներից, այն բոլորը, ինչ որ յայտնագործել են, նոյն իսկ զեկավարուող օդանաւը, պատերազմական նպատակների են ծառայեցրել: Ի՞նչ անմիտ մարդիկ են եղել. գէնքերի տեղը թանգարանն է, միմիայն թանգարանը»:

### 3. ՆԱԽՆԻ ԳԵՐՄԱՆՆԵՐԸ

Ձեզ յայտնի կեսարի գրքի մէջ կարգացել էք, թէ նախնի գերմաններն ինչ մեծ արժէք էին տալիս երիտասարդների ռազմամտութեանը: Այդ հայեացքն ունէին ոչ միայն նախնի գերմանները, այլ և հնագոյն դարերի համարեւո՛ք բոլոր ազգերը: Նոյն իսկ միջին դարերում պատերազմողի կոչումն էր միայն, որ իսկական ազատ մարդը կարող էր կրել. միւս կոչումները մեծ կամ փոքր չափի անհրաժեշտ շարիքներ էին: Եւ դեռ այսօր էլ երիտասարդների զինուորական կրթութիւնը առաւելութիւն ունի միւսներին, որովհետև դրա համար հոգում է պետութիւնը և ստիպում ամենքին՝ այդպիսի կրթութիւն ստանալու, մինչդեռ առհասարակ պետութիւնը առանձին անհատների վիճակի մասին շատ քիչ կամ բոլորովին չէ հոգում:

Սակայն ոչ թէ միայն զինուորական կրթութիւնն է նախապատիւ համարվում, այլ և զինուորական գասակարգին անպայման նախամեծարութիւն է տրվում հասարակութեան մէջ, շատ արեկան երիտասարդը քիչ յարգանք կը գտնի հասարակութեան մէջ, բայց հէնց որ նա լէյտընանտի համազգեստ կրի, իսկոյն պարոն լէյտընանտին բոլոր մարդիկը յարգանքով կը դիմաւորեն, և նա գահիւնների առիւծը կը դառնայ: Դոնապանը մեծաբանքով կողջունի նրան, ծառան վազելով կը գայ նրան ծառայելու և երիտասարդ ազջիկներն իրանց բաղաւոր կը համարեն, եթէ նա ողորմածաբար նրանց հետ խօսի: Այն յարգանքը, որ մէկ ուրիշը երկար տարիների ընթաց-



քում չի կարող ձեռք բերել, նա արդէն ունի իր համազգեստի շնորհիւ: Արիութեան, քաջութեան, աներկիւղութեան և սղամարդուն յատուկ բոլոր առաքինութիւնների համար կարիք չունի նա ապացոյցներ տալու. այդ բոլորը վերագրվում են նրան, որովհետև նա սպայ է: Եւ այդ պատճառով տեսնում էք, թէ ինչո՞ւ ամեն մէկը ձգտում է, որ կարողանայ իր այցետոմսի վրայ տպել տալ «պահեստի լէյտընանտ», թէ ինչո՞ւ նոյն իսկ այն մարդիկը, որ կեանքի մէջ որս զիրք ունեն, օրինակ պարլամենտի պատգամաւորները, բարձրատոտիճան ծառայողները, արդիւնաբերողները և այլն, հանդիսաւոր առիթներով երբ պայտ են գնում, իրանց լէյտընանտի համազգեստն են հագնում: Ամենամեծ ծառայութիւնը մարդկանց առաջ պալատի դռները չէ բաց անում, սակայն այդ անում է սպայի համազգեստը:

Ես չեմ նախանձում բոլոր զինուորականներին — հասարակ զինուորից սկսած մինչև ֆելդմարշալը — իրանց նախամեծար դիրքի և վայելած արտօնութիւնների համար, բայց այնու ամենայնիւ հարցնում եմ, թէ այդ բացառիկ դիրքը այսօր էլ արդարացի է, ինչպէս նախկին ժամանակներում: Զինուորականների ամենամեծ քաջութիւնն է միայն — եթէ մի կողմը թողնենք նրանց ոչնչացնող գործունէութիւնը՝ մարդկանց կոտորելը, զիւղեր հրդեհելը, դաշտերն ամայացնելը — արդէն գոյութիւն ունեցածը կործանումից պաշտպանելը: Թշնամուց պաշտպանուելը հարկււ կարևոր է, սակայն կեանքի պահանջն աւելի է, քան պահպան լինելը: Դեռ պէտք է ստեղծագործել, արդիւնաւորել և ապա ստեղծածը պաշտպանել: Այս երեքից սրն է ամենազօռարը՝ ստեղծագործելը, պահպանելը, թէ՛ ոչնչացնելը: Ո՞վ է արժանի պատուի, արդեօք նա, ով սքանչելի գետաթումբ կամ կամուրջ է շինում մեծ գետի վրայ, թէ՛ նա, ում աջողվում է թումբն ու կամուրջը յօգս ցնդեցնել: Անկասկած առաջինը. սրբան աշխատանք է թափվում մինչև յատակագիծ կազմելը և սրբան սովորութիւն և ջանք է պահանջվում կառուցումն

աւարտելու համար: Միւս կողմից՝ ո՞վ աւելի պատուի է արժանի, նա, որ կեօխի տաճարն է կառուցել, թէ՛ այն պահպան-ոստիկանը, որ պահպանում է տաճարը:

Զինուորականութիւնը պահպան-ոստիկանի դերն ունի. նա հոգում է, որ մենք մեր արհեստները, մեր գիտութիւնը անվտանգ գործադրենք, և այս տեսակէտից նա կարևոր է: Մենք գնահատում ենք պարտաճանաչ օստիկանին, բայց այդ պատճառով չենք կամենում, որ բոլորս էլ օստիկաններ լինենք, եթէ ոչ ամենքս էլ պաշտպանողներ կը լինէինք և պաշտպանելու ոչ ոք չէր մնայ: Բայց այժմ, երբ համարեւ ամենքն էլ զինուորական ծառայութիւն պէտք է գնան, մօտաւորապէս այդ դրութիւնն է տիրում: Պաշտպանութիւնն այնքան է թանգացել, որ ազգերը պատերազմական ծախսերի բեռի տակ տնքում են, պաշտպանուելու համար պարտքերի մէջ են խրվում, այնպէս որ իսկապէս առանց պաշտպանութեան եթէ մնային, աւելի լաւ կը լինէր:

Այժմ ժամանակներն ուրիշ են, քան այն միջոցին, երբ գերմանները գալլերի հետ էին կռուում, երբ սպանները միմեանց վրայ էին յարձակվում: Մարդու արժանաւորութիւնը այսօր կուրի մէջ չէ երևում, այլ կեանքի: Մարդու արժէքը գնահատվում է՝ իր կոչման, ուսումնասիրութեան և աշխարհի ու մարդկութեան համար ծառայելու շնորհիւ: Ի միջի այլոց նա կարող է և զինուոր լինել, որպէս զի հայրենիքին վտանգ սպառնացած միջոցին օգնութեան հասնի, բայց նա զինուորի համազգեստը չպէտք է ցանկանայ այն նպատակով, որպէս զի իրանից ակնածեն:

4. Ա Ր Ի Ո Ւ Թ Ի Ի Ն

Ի՞նչ է արիութիւնը. արիութիւնն է սեպհական եսի աներկիւղ գոհողութիւնը: Ո՞վ ունի արիութիւն, զինուորը: Այս պատասխանն այնքան սովորական է դարձել, որ շատերի կարծիքով՝ եթէ պատերազմները



դադարէին գոյութիւն ունենալուց, երկչոտութիւնը կը սիրէր աշխարհին:

Արդեօք ճիշտ է, որ երբ մէկը զինուորի համադրեալ է հագնում, իսկոյն հերոս է դառնում: Ո՛չ, շատ զինուորներ արի են, բայց շատերն էլ ոչ: Եթէ մէկն իրան արի է համարում, այդ դեռ ևս սպացոյց չէ, որ նա արի է: Ես ճանաչում եմ շատ սպաներ, որոնք արիութիւնն ու սրամտութիւնը վարձու են առել և երկիրդից ատամնաբուժի դոնից յետ են դարձել: Բայց և այնպէս նոյն սպաները կարող էին պատերազմում արիութիւն ցոյց տալ. պատճառն այն է, որ պատերազմի դաշտը ազդում է արբեցութեան պէս, որ գնդակների տարափը ուղեղի բոլոր նօրմալ գործունէութիւնը ցրում է:

Բացի զրանից՝ զինուորի սներկիւղութիւնը դեռ ևս սպացոյց չէ, թէ նա իսկական արիութիւն ունի. կան շատ մարդիկ, որ բաւականին մեծ նեարդեր ունեն, բայց դիւրագրգիռ երևակայութիւն չունենալով՝ մարմնին սպառնացող վտանգների դէմ շատ անտարբեր են, ինչպէս օրինակ վայրենի ժողովուրդների մեծ մասը:

Եւ յետոյ՝ ո՞վ կարող է զինուորի վրայ վերահսկողութիւն ունենալ, թէ արդեօք արիութիւն ունի նա: Յետ դառնալու հնարաւորութիւն չունի նա և եթէ ուզենայ փախչել՝ իր հայրենակիցներից կը գնդակահարուի:

Եւ առհասարակ արի լինելու համար անպատճառ զինուոր չպէտք է լինել. հրդեհաշէջը հարկաւ նոյնպէս արի է, բայց կարիք չկայ, որ այդ բանն ինքն ասէ. առանց նրա ասելու էլ հաւատում ենք: Պատերազմներն ամեն օր չեն տեղի ունենում, սակայն մեծ քաղաքներում օրական մի հրդեհը սովորական է: Իսկ բժիշկներն ու հիւանդատան կանայք, որ ամեն օր կեանքից զրկուելու վտանգի մէջ են, երբ վարակիչ հիւանդութիւն ունեցողներին են օգնութեան հասնում, միթէ զինուորներից աւելի քիչ արիութիւն են ցոյց տալիս: Եւ եթէ նոյն իսկ կեանքին սպառնացող անմիջական վտանգ չկայ, միթէ անազնաւոր արիութիւն չէ՝ մի կարծիք պաշտպա-

նելը՝ հակառակ ամբողջ աշխարհի ծաղր ու ծանակի: Մտաբերեցէք Գալիլէյին, Ջիօրգանօ Բրունօյին և բոլոր մարտիրոսներին: Միթէ արիութիւն չպէտք է ունենալ խաղաղասիրական զաղափարի պաշտպան լինելու, հակազինուորականութեան և պետութիւնների դաշնակցութեան մասին խօսելու համար՝ առանց երկիրդ կրելու, որ պէտք է ծաղր ու ծանակի ենթարկուի իբրև սնգործնական իդէալիստ: Միթէ արիութիւն չէր, երբ անգլիական խաղաղասէրները բուրբրի պատերազմի ժամանակ, Լինչի օրէնքով դատուելու վտանգի տակ, ժողովներ էին անում և այդ պատերազմի դէմ խօսում:

Սակայն խնդիրն այն չէ, թէ մէկն արիութիւն ունի, այլ այն՝ թէ իր արիութիւնը ի՞նչ բանի համար է գործադրում: Բարձր գլխաշէրների վրայ մագլցող տուրխտը նոյնպէս արիութիւն է ցոյց տալիս, բայց այդ արիութիւնը սովորաբար ոչ ոքի օգուտ չէ բերում: Հըրդեհաշէջի, բժշկի արիութիւնը օգուտ է տալիս քաղաքացուն, զինուորի արիութիւնը՝ հայրենիքին:

Այն, նա օգուտ է տալիս. սակայն ահագին տարբերութիւն կայ գթութեան քոյրերի և զինուորի արիութեան միջև: Չինուորն իրան գոհում է՝ ուրիշներին սպանելու համար, իսկ բժիշկը, հրդեհաշէջը, զթութեան քոյրը գոհվում են՝ ուրիշներին փրկելու համար: Այն ակունքը, որից բղխում է գթութեան քոյրերի արիութիւնը, մարդասիրութիւնն է, որ կրկին սէր է յարուցանում: Արդեօք կարող է մէկը ասել իր կեանքը փրկող բժշկին կամ իրան խնամող գթութեան քոյրը: Ո՛չ, նա երախտագիտութեամբ կը սիրէ նրան, և այս կերպով կը բազմանայ մարդասիրութեան ընդհանուր զանօձը, որից մենք քաջալերվում ենք, երբ ուզում ենք մեզ ուրիշների համար գոհել:

Այն ազբիւրը, որից բղխում է զինուորի արիութիւնը, մարդատեցութեան և նախանձի պղտոր աղբիւրն է: Չինուորի արիութիւնը ոչնչացնում է սէրը և վրէժխնդրութիւն է առաջ բերում: Ատելութիւնը ատելութիւն է առաջացնում: Չինուորի արիութիւնը մարդ-



կանց վայրենի կենդանու աստիճանին է հասցնում, որ նոյնպէս արիութիւն է ցոյց տալիս, երբ ուրիշները հետ է կուռում կամ մարդու արձակած գնդակի դէմ է համարձակվում պայքարել:

Աշխարհիս ամենամեծ հերոսական գործերը սիրուց են առաջ եկել. և ով դիտէ, թէ աւելի մեծ արիութիւն չէր լինի աշխարհիս երեսին, եթէ աւելի մեծ սէր լինէր. և զուցէ հէնց պատերազմներն են, որ արգելք են լինում ամենամեծ և տևական սիրոյ տարածմանը: Հէնց պատերազմներն են, որ այնքան սէր են սպանում:

Չար գործի անէծքն է, որ շարունակ շարը պէտք է ծնուի:

### 5. ԱՆՎՐԻԺԱՌՈՒԹԵԱՆ ԵՐԳՈՒՄ

Երբ ասպետը անվրիժառութեան երգումն էր ասում, այլ ևս իրաւունք չէր համարում ոչ մի թշնամական գործողութիւն սկսել նրա դէմ, որին երգուել էր: Այն ժամանակ ասպետական երգումը համարվում էր բաւարար գրաւական՝ խոստումը իրագործելու համար: Այն ժամանակները ուրիշ պաշտպանութիւն էլ չկար. իւրաքանչիւրն իր կամեցածի պէս էր իրաւունք բանեցնում: Սպանութիւնն ու աւազակութիւնը սովորական էին: Այս գրութեանը վերջ գրուեց Մաքսիմիլիան Ս. -ի «յաւիտենական խաղաղութեան» հաստատութեամբ: Անվրիժառութեան երգման տեղը բռնեց պետական դատարանը և զբանով հիմք գրուեց պետութիւնների ներքին վէճերը արգարադատութեան ճանապարհով վերջացնելու:

Այսօր մենք ինքն ըստ ինքեան հասկանալի ենք համարում, որ դատարաններ ունենք, որտեղ ոչ միայն աւազակութիւնը, սպանութիւնը և գողութիւնն են պատժվում, այլ նոյն իսկ իրաւունքի և ստացուածքի վերաբերեալ ամենափոքր վէճերը այնպիսի վճիռ են ստանում, որ դատարանով առաջացած գրութիւնը այլ ևս չի կարող երբուել:

Ինչո՞ւ է դատարանի վճիռն անքակտելի: Մենք հօշենք էլ երգվում, ինչպէս ասպետներն էին անում. սակայն մենք քաղաքացիներ ենք մի պետութեան, որի հիմնաքարերն են արգարութիւնն և կարգ ու կանօնը: Բոլոր պետական քաղաքացիների միաբանութիւնը հոգում է, որ արգարութիւնը ճանաչուի:

Ի՞նչ գրութիւն է, երբ պետութիւնները միմեանց դէմ պատերազմ են մղում. ճիշտ նոյնը, ինչպէս որ անվրիժառութեան երգման ժամանակները, երբ ամեն մէկն ինքն էր որոշում և հաստատում իր իրաւունքը: Տարբերութիւնն այն է, որ այժմ միմեանց դէմ են դուրս գալիս ոչ թէ անհատները, այլ պետութիւնները: Սակայն ի՞նչ տարբերութիւն կայ «իր համար անձամբ իրաւունք որոշելու» և «դատարանի վճիռ» միջև: Դատարանը դատավճիռ է կայացնում օրէնքի հիման վրայ, և իրաւունք է ստանում նա, ով արգար է: Սակայն ասպետական կռիւների ժամանակ յաղթող էր հանդիսանում ոչ թէ իրաւունքը, այլ աւելի ուժեղը, որ այնուհետև կարող էր աւելի թոյլին խաղաղութեան պայմանները թելադրել: Միևնոյն է պետութիւնների նկատմամբ: Միթէ հօսովայեցիներն իրաւունք ունէին ամբողջ աշխարհի կէտն իրանց հպատակեցնելու և ապա հպատակ ազգերին ստրկացնելու: Ո՛չ. նրանք միայն ուժեղներ էին: Իրաւունք ունէր Նապոլէօնը Եւրօպայում գահակալ իշխաններին գահազուրկ անելու և իր ընտրութեամբ նոր իշխաններ կարգելու:

Պետութիւնների վէճերից առաջացած իրաւունքն այժմ դեռ ևս ամենաուժեղ զօրամասերի կողմն է: Իսկ եթէ ազգերն իսկապէս ուզում են իրանց իրաւունքը պաշտպանել, նրանք էլ նոյնը պէտք է անեն, ինչպէս անում են անհատ քաղաքացիները: Նրանք պէտք է իրանց վէճերը միջազգային դատարանին յանձնեն: Այն ժամանակ բոլոր քաղաքակիրթ ազգերի միաբանութիւնը կը հսկի, որ դատարանի վճիռն իրագործուի:

Մի այսպիսի միջազգային դատարանի սկիզբն արդէն գրուած է. Հաագում արդէն գոյութիւն ունի մի-



Չազգային վէճերի դատարանը: Պետութիւնները կարող են այնտեղ իրանց վէճերի որոշումը ստանալ, եթէ կամենան: Բայց որպէս զի նրանք ստիպուած լինեն այդ անելու, կարևոր է ստեղծել պետութիւնների մի դաշնակցութիւն, ընդունել միջազգային օրէնքներ, որոնցով կապուած լինէին դատաւորները՝ դատավճիռ արձակելիս: Պետութիւնները պէտք է անվրիժառութեան երդումն անէին, ինչպէս մի ժամանակ անում էին ասպետները: Ի՞նչ է պետութիւնը. բոլոր պետական-քաղաքացիները՝ միաբանութիւնը: Եթէ ասպետի երդումը սուրբ էր, աւելի սուրբ պէտք է լինի պետութեան երդումը: Եւ եթէ պետութիւնները երդուեն՝ միմեանց դէմ ոչինչ չձեռնարկելու, իրանց վէճերը դատարանին յանձնելու, այն ժամանակ ճշմարիտ որ կիրականանայ «յաւիտենական խաղաղութիւնը»:

Եւ ինչո՞ւ պետութիւններն այդ երդումը չանեն. ժողովրդական անկէտայով մի անգամ իմացէք, թէ արդեօք մեծամասնութիւնը ցանկալի է համարում պատերազմը: Պատասխանը նախապէս յայտնի է ձեզ. ինչո՞ւ ուրեմն չհարցնել, թէ արդեօք անվրիժառութեան երդումն պէտք է անուի թէ ոչ:

6. ԽՈՉՆԻՐԵՑ ՊՈՏԵՐԵՂՄՆԵՐԸ

Ինչո՞ւմ է կայանում խաչակրաց պատերազմների նշանակութիւնը. այդ պատերազմների նշանակալից հանգամանքն այն էր, որ տարբեր ազգեր՝ սպանացիները, Ֆրանսիացիները, գերմանացիները, անգլիացիները, աւստրիացիները մոռանալով իրանց փոքր ու մեծ վէճերը՝ միացան մի ընդհանուր իդէալի համար կռուելու: Կարող է պատահել, որ դրանցից շատերի համար դէպի արկածներն ունեցած զուարճութիւնն էր մղիչ տարրը կազմում, սակայն մեծամասնութեան ցանկութիւնն էր՝ Փրկչի գերեզմանը անհաւատների ձեռքից խլել:

1900 թ. Չինաստանում բռնկեց բօքսերների ապրտամբուութիւնը, որի մասին լսած կը լինէք: Բօքսեր-

ները սպանեցին գերմանական դեսպանին և պաշարեցին միւս դեսպանների բնակարանները: Անգլիան, Ֆրանսիան Իտալիան, Եպոնիան, Աւստրիան, Ռուսաստանը և Հիւսիսային Ամերիկայի Միացեալ Պետութիւնները իրանց զօրքերը դրին գերմանական հրամանատարութեան ներքո՝ իրանց հպատակներին պաշտպանելու և կարգ ու կանօնը Չինաստանում վերականգնելու համար:

Մի այդպիսի բան էլ եղաւ Կրետէում. այդտեղ էլ միացան եւրօպական պետութիւնները՝ ընդհանուր նպատակի համար և իրանց զօրքերն իջեցրին Կրետէ կղզին:

Սրանք էլ խաչակրաց պատերազմներ չէին. այդտեղ էլ կռիւ էր մղվում անհաւատների դէմ: Սակայն զօրքերը քրիստոնէութեան անունով չգնացին պատերազմ. դրանց մէջ կային տարբեր դաւանութեան պատկանող քրիստոնեաներ, հրէաներ, մահմեդականներ, բուդդայականներ: Իրանց «քաղաքակիրթ աշխարհ» նշանաբանը շատ աւելի զօրեղ էր, քան քրիստոնէութիւնը, քաղաքակիրթ աշխարհի դէմ էին մեղանչել անհաւատները. անհաւատներ էին դրանք, որովհետեւ չէին հաւատում այն կարգ ու կանօնի միութեանը, որով շղթայուած են արդէն պետութիւնները: Սակայն այդ կարգ ու կանօնը գոյութիւն ունի և այդ պատճառով անարդար վարուողները պատժուեցին ճիշտ այնպէս, ինչպէս որ անհատ մարդասպանը պետական կարգ ու կանօնի շնորհիւ դատաստանից չի կարող ազատուել:

Միթէ մի անգամ եղածը չի կարող միշտ լինել: Յաճախ պատահում է, որ մի պետութիւն անարդար է վարվում և այդ անարդարութեան պատճառով մէկ ուրիշի դէմ է պատերազմ մղում. արդեօք այսպիսի պատերազմը նոյնպէս կարգ ու կանօնի դէմ մեղանչել չէ նշանակում: Ինչո՞ւ պետութիւնները մի անգամ ընդմիշտ չեն որոշում, թէ ով որ մեզնից անարդարութիւն գործի, յանուն արդարադատութեան բոլորիցս էլ կը պատժուի. այդ դէպքում բոլորս միասին պատերազմ կը մղենք նրա դէմ: Այդ դէպքում այդ պատերազմը ուրիշ բնոյթ կ'ունենայ, այդ կը լինի պատժի գործադրութիւն,



ճիշտ այնպէս, ինչպէս որ ժանդարմը յանուն արդարութեան պետական կարգ ու կանօնը պահպանելու համար՝ յաճախ զէնքի է դիմում: Ամեն մի այլ պատերազմ խաղաղութեան խախտումն է: Նոյն իսկ խաչակրաց պատերազմները, որչափ որ ազնիւ երևայ նրանց նպատակը, խաղաղութեան խախտումն էին: Այդ պատերազմները ողջունելի են իբրև պետութիւնների միացում՝ մի ընդհանուր գործի համար, սակայն դատապարտելի են՝ իբրև պատճառ բազմաթիւ այլ պատերազմների: Կարիք չկայ, որ պետութիւններն իրանց զօրքերն արձակեն, սակայն զօրքերի բնոյթը պէտք է ուրիշ լինի. նրանք ոչ թէ խաղաղութիւնը խախտող, կարգ ու կանօնը խանգարող պէտք է լինեն, այլ՝ կարգ ու կանօնի պաշտպաններ, ժանդարմներ:

Քրիստոնէութիւնը կարողացաւ ազգերը միացնել. միթէ նոյն քրիստոնէութիւնը չպէտք է կարողանար նոյն ազգերը միացնել այնպէս, որ միմեանց դէմ չկռուեն և միմիայն ընդհանուր թշնամու, այսինքն անարդարութեան դէմ պատերազմեն, որտեղ էլ որ երևան գայ այդ անարդարութիւնը:

7. ԸՆԳՆԱՆՈՐ ՉԻՆՈՐԱԿՐՈՒԹԻՒՆ

Դուք յաճախ լսում էք, որ ծնողները ողբում են, որովհետև իրանց զաւակները զինուոր պէտք է գնան, և անիծում են ընդհանուր զինուորագրութիւնը: Արդէն բոլոր ասածներին հիման վրայ դուք երևի կը սպասէք, որ ես էլ համաձայն լինեմ հայրերի անէծքին. սակայն մեծապէս սխալվում էք. ոչ ոք ինձնից աւելի չէ դատապարտում այդ հայրերին, որովհետև ընդհանուր զինուորագրութիւնը ես համարում եմ մեր ձեռք բերած սօցիալական յաղթանակներից ամենամեծը: Ինձ համար դա աւելի մեծ արժէք ունի, քան սահմանադրութիւնները, ժողովրդի ներկայացուցչութիւնները, որովհետև զրանով իրագործուել է պետութեան բոլոր բնակիչներին խսկական հաւասարութիւնը:

Մտածեցէք. նախկին ժամանակներում միայն աղքատներն էին պարտական զէնք կրելու, մինչդեռ հարուստները կարող էին դրամով ազատուել. այժմ ամեն մէկը մեզնից՝ աղքատ թէ հարուստ, եթէ ծառայութեան մար անպէտք չհամարուի, պէտք է զինուոր դառնայ և լուրջ դէպքում իր կեանքը զոհաբերէ հայրենիքին: Ըմբռնում էք դուք այս կազմակերպութեան ամբողջ նշանակութիւնը: Անհատը զոհաբերում է այն, ինչ որ ամենից թանկն է իրան համար, իր կեանքը, ընդհանուրի բարիքի համար: Հայրերն ու մայրերը արտասուալի աչքերով են իրանց զաւակներին պատերազմ ուղարկում, սակայն չեն ըմբոստանում, որովհետև նրանք հասկանում են ընդհանուրի բարիքի համար զոհաբերելու անհրաժեշտութիւնը:

Անիրաւացի չէր ասածս, թէ ընդհանուր զինուորագրութիւնը մեր ձեռք բերած սօցիալական յաղթանակներից ամենամեծն է. այդ կազմակերպութիւնը չէ ընդունում՝ ոչ դասակարգի, ոչ ստացուածքի և ոչ էլ կրօնի արտօնութիւն: Թէ արիստօկրատը, բանուորը, բաղաքացին, զիւղացին և թէ հրէան, քրիստոնեան բոլորն էլ հաւասարապէս ենթարկվում են զինուորագրութեան. այդ պատճառով այդ կազմակերպութիւնը չպէտք է վերացուի, ինչպէս որ առաջարկում են ոմանք, որպէս զի պատերազմական ծանր բեռը թեթեանայ: Ընդհակառակը, աւելի պէտք է զարգանայ այդ կազմակերպութիւնը:

Ի՞նչ եմ ուզում ասել զրանով. արդեօք նոյնը, ինչ որ ասում են զինուորական շրջանները, թէ զինուորագրուողների թիւը, զօրքի բանակը, ինչպէս ասում են, պէտք է շարունակ մեծացնել: Այո, այդպէս եմ կարծում, սակայն ես աւելի հեռու եմ գնում, քան զինուորականները: Ոչ միայն նա, ով համապատասխան մարմնի մեծութիւն և լանջի ծաւալ ունի, պարտաւոր է ծառայել հայրենիքին, այլ առանց բացառութեան բոլորը, ոչ միայն բոլոր երիտասարդները, այլ և բոլոր ջահիլ աղջիկները:



Ծիծաղում էք. այո՛, երբ խօսում եմ սօցիալական-ամենամեծ յաղթանակի մասին, այն չեմ ուզում ասել, որ երիտասարդութիւնն իր ամենագեղեցիկ տարիները զօրանոցներում պէտք է անց կացնէ: Այդ կազմակերպութեան զարգացումը ես հետևեալ կերպով եմ հասկանում. ո՛չ թէ միայն ընդհանուր զինուորագրութիւն պէտք է լինի, այլ մի ընդհանուր աշխատանքի պարտաւորութիւն՝ հայրենիքի համար: Իւրաքանչիւրը ո՛չ թէ միայն ուրախութեամբ պէտք է մեռնի հայրենիքի համար, այլ և պէտք է ապրի նրա համար, այսինքն պէտք է աշխատէ հայրենիքին ծառայելով...

Մտածեցէք թէ ինչեր կարելի էր անել, եթէ զինուորները հազարաւոր անգամ հրացան բռնելու փոխարէն՝ գործի գրուէին ջրանցքներ, ջրմուղներ շինելու, անմշակ հողերը անտառներով ծածկելու վրայ, եթէ նրանք տարերային պատահարների միջոցին օգնութեան հասնէին, եթէ հազարաւոր ծառայութիւններ անէին, որոնք բոլորը կարևոր և օգտակար կը լինէին, որոնց համար սակայն դրամ և մարդիկ չկան: Իսկ աղջիկները, ինչեր չէին կարող անել նրանք հիւանդանոցներում, մանկական ապաստարաններում, աղքատների ու տնանկների մէջ: Այդտեղ շատ գործ կը լինէր և շատ էլ օգտակար բան՝ սովորելու: Տեսէք, ես այսպէս եմ հասկանում ընդհանուր զինուորագրութիւնը և այդ պատճառով էլ կողմնակից եմ այդ կազմակերպութեան:

8. ՀԵԾԱՆԻՆՆԵՐԻ ԳՈՐԾԵՐԸՆ

Երբ նորերս հեծանիւնների մի յայտնի գործարանի յայտարարութիւնն աչքովս ընկաւ, մտքովս անցաւ, որ այդ գործարանի բանուորները մի քանի տարի առաջ շատ կը զարմանային, եթէ նրանց ասէին, որ այսօր նրանք հեծանիւններ պէտք է պատրաստէին: Այդ գործարանը ցամաքի ամենանշանաւոր զինագործարանն էր և երկար տարիներ շարունակ մի նոր սիստեմի հրազէններ էր պատրաստում. սակայն հասաւ վերջապէս

ժամանակը, երբ ոչ միայն այդ երկրի զօրքերը, այլև օտար պետութիւնների զօրաբանակները զինուած էին նոր սիստեմի հրազէններով: Գործարանը պէտք է դադարեցնէր իր գործունէութիւնը, եթէ չսկսէր հեծանիւններ պատրաստել:

Ինչո՞ւ համար եմ պատմում ձեզ այս բանը. որովհետև ազգերի համար սպառազինութեան այնքան բաղձալի ընդհատման գլխաւոր արգելքը այն շահերն են հանդիսանում, որ ունեն բազմաթիւ շրջաններ՝ զօրքերի պահպանութեան շնորհիւ: Առաջին տեղը բռնում են զինագործարանները. բայց հեծանիւններ պատրաստող գործարանի օրինակն արդէն ցոյց է տալիս, որ հեշտութեամբ կարելի է հաւասարակշռութիւնը վերականգնել: Յետոյ գալիս են զօրքերի ամեն տեսակ մատակարարները, օրինակ կօշկակարները, դերձակները, ասպազինագործները, մագործները, կարճ՝ նրանք, որոնց զօրքը վաստակ է տալիս: Դրանք սպառազինման ընդհատման մասին չեն էլ ուզում լսել, ճիշտ այնպէս, ինչպէս որ կառապանները ժամանակին երկաթուղիներ կառուցանելու հակառակորդներ էին հանդիսանում, որովհետև իրանց գոյութիւնը վտանգուած էին համարում: Սակայն այդ երկիւղն աւելորդ էր, որովհետև երկաթուղիների շնորհիւ հազորակցութիւնն աւելի զարգացաւ: Իէպի երկաթուղու կայարանը և հակառակ ուղղութեամբ ճանապարհորդներ և ապրանք տանող կառապաններն այժմ հարիւր անգամ աւելի են զբաղուած, քան առաջ: Այնպէս էլ բոլոր մատակարարները մոռանում են, որ զինուորները կենդանի կը մնան և առաջուայ նման ուտելու, կօշիկ ու զգեստ հագնելու կարիք կունենան: Նրանք մոռանում են, որ ամեն տեսակ ապրանք աւելի կը սպառուի, որովհետև այն ծանր հարկերը, որ պատերազմական ծախսերի պատճառով՝ ճնշում են ամենքին, կանյայտանան: Ամեն մարդ այն դրամով, որ պէտք է վճարէր որպէս ուղղակի կամ անուղղակի հարկեր, կարող է կենքի աւելի մեծ յարմարութիւններ ստեղծել. ուրեմն և մատակարարներին էլ կարելի է հաշտեցնել:



Մտում է միայն գործը. զինուորները մեծ մասամբ հարկաւ հակառակ չեն սպառազինման ընդհատման. դրանցից ամեն մէկը զինուորագրութիւնից առաջ իր զբաղմունքն ունէր և շատերն էլ տհաճութեամբ են իրանց գործը թողել: Եւ յետոյ՝ արդէն անցել են այն ժամանակները, երբ հասարակ զինուորը կարող էր մեծ դիրքի հասնել: Այսօր այլ ևս ոչ մի զինուոր պայուսակի մէջ չէ կրում մարշալի ցուպը, որովհետեւ սպայութեան ասպարէզը փակուած է նրա համար: Ուրեմն և զինուորները համաձայն կը լինեն սպառազինման ընդհատման: Իսկ սպաները. դրանց հարկաւ չի կարելի պարսաւել, որ սպառազինման ընդհատման հակառակորդներ են, ինչպէս որ այդ պարզ երևաց Հաագի կօնֆերէնցի միջոցին: Չէ որ սպան պատանեկութիւնից սկսած իր կոչման համար է պատրաստուում. նա մեծ քանակութեամբ գիտելիքներ է ձեռք բերում և բազմաթիւ քննութիւններ տալիս. ուրեմն և նրան չի կարելի պարսաւել, թէ նա ուզում է, որ այդ բոլորը գուր չանցնի: Սպան իսկապէս կարօտով սպասում է, որ առիթ լինի իր տաղանդը ցոյց տալու: Եւ մենք չպէտք է նեղանանք, երբ նա պատերազմ է ցանկանում, որովհետեւ պատերազմն է նրա կոչումը և ամեն մի կարգին մարդ ձգտում է իր կոչմամբ մի բան անելու:

Միևնոյն ժամանակ սպայական դպրոցներում սաներին անգիր են անել տալիս զօրավարների հերոսութիւնները. ուրեմն հասկանալի է, որ յետոյ սպաները իրանք էլ ձգտում են, որ այդպիսի փառաւոր գործեր կատարեն: Բացի դրանից՝ սպաները սովորաբար եռանդուն բնոյթի տէր մարդիկ են լինում և չեն կարող տանել, որ անգործունէութեան դատապարտուեն: Եթէ մի ճարտարապետ միայն թղթի վրայ նկարէր երկաթուղիների յատակազծերը և երբէք առիթ չունենար իրապէս երկաթուղի շինելու, հարկաւ իր գործունէութիւնից բաւականութիւն չէր ստանայ. նոյնն են և սպաները. որոնք շարունակ պատերազմների նախազծեր են պատրաստում՝ առանց իրագործել կարողանալու: Եւ որով

հետև այդ դերը նրանց ցանկութիւններին չէ համապատասխանում և չի կարող համապատասխանել, նրանք պատերազմ են կամենում և ամենագլխաւոր արգելքն են հանդիսանում սպառազինման ընդհատման: Միւս կողմից էլ, յաճախ նիւթական շահերն են դեր խաղում. սպաներն երկիւղ են կրում, որ սպառազինման ընդհատման դէպքում կարող են քաղցած մնալ:

Այժմ ես ուզում եմ ցոյց տալ, որ այս արգելքն ևս անյաղթելի չէ. եթէ սպաներին շարունակեն իրանց ոռճիկը վճարել և հետզհետէ աւելացնեն նրանց ոռճիկը այժմեան յաւելումների համեմատ, հարկաւ նրանցից շատերը ընդունելի կը համարեն այդ թոշակները: Պետութիւնը ոչինչ չէր կորցնի դրանով, որովհետեւ սպաներին տուած ոռճիկները այժմեան գորքերի պահպանութեան համար եղած ծախքերի չնչին մասն են կազմում, և վերջապէս թոշակների վճարումը պէտք է տեղի ունենայ կարճ, անցողական ժամանակի ընթացքում: Մարդկային կեանքը հօ շատ էլ երկար չէ տևում: Իսկ այն սպաները, որոնք չէին ցանկանայ պարապ մնալ, պատուաւոր պաշտօններ միշտ կը գտնեն: Բայց շատ ցաւալի կը լինէր, եթէ նրանց գիտութիւնն և տաղանդը գործադրութիւն չգտնէր: Վերցնենք՝ օրինակ՝ տեխնիկական գորաբաժինների սպաներին, որ չափ լաւ ծառայութիւն կարող էին անել դրանք նաև խաղաղութեան միջոցին: Իսկ ծովային սպաները, դրանք կարող էին նոյն հմտութեամբ և առևտրական նաւերը դեկավարել, ինչպէս որ դեկավարում են պատերազմական նաւերը: Միւս սպաներն էլ գործ կը գտնէին՝ իբրև ժանդարմերիայի և միլիցիայի սպաներ: Երբ իրագործուի գորքերի սպառազինման ընդհատումը, կը փոխուի միայն գորքերի բնոյթը, որովհետեւ դրանք կը կերպարանափոխուեն ժանդարմների կօրպուսի, միլիցիայի կամ բանուորների բանակի, և սպաների կարիք կը լինի միշտ՝ դրանց վարժեցնելու համար:

Ուրեմն սպան էլ անխրաւացի կերպով է սպառազինման ընդհատման հակառակորդ հանդիսանում, նրա



շահերը չեն փաստուի, և ամենաշատն այն կը վինի, որ նա իր անարդիւնաւէտ կոչումը կը փոխարինի մի ուրիշ արդիւնաւէտ կոչումով. և այդ փոփոխութեամբ սպան էլ չի գղջայ: Ուրիշ բոլոր կոչումներէց առաջ նա ձրգտում է հայրենիքին ծառայել և նա մինչև այժմ կարծում է, որ այդ կարող է անել միայն զէնքով: Եթէ նա աւելի լաւ միջոց սովորի, կը հասկանայ, որ նրանք, որոնք ցանկանում են պետութիւնների համերաշխութիւնը, իր շահերի դէմ չեն գնում. այդ դէպքում նա կը համակրի դրանց և կը պաշտպանի նրանց ձգտումները:

9. Ն Ո Ր Հ Ի Ի Ա Ն Պ Ա Ն Ո Յ Ը

Հրագիրներում յաճախ շատ սիրուն պատմութիւններ են տպւում մի մեծ քաղաքից. այդ քաղաքի անունը չեմ ասում ձեզ, սակայն պատմութիւնները ճիշտ են և հաւանականաբար ուրիշ տեղեր էլ են պատահում: Այդ պատմութիւններից մէկը, որ համարեա՞ ամեն շաբաթ կարելի է կարգալ, հետեւեալն է: Մի աղքատ մայր դիֆտերիաով հիւանդ երեխային տանում է հիւանդանոց, բայց այնտեղ նրան յայտնում են, թէ «տեղ չկայ»: Նա թափառում է մեծ քաղաքում՝ մէկ հիւանդանոցից միւսը գնալով, բայց ամեն տեղ էլ նոյն պատասխանն է ստանում: Նա թափառում է երկար ժամանակ, և այդ միջոցին երեխան վախճանվում է նրա գրկում: Մեծ քաղաքը, որ այնքան գումարներ է ծախում արտաքին զարգարանքների և տօնխմբութիւնների համար, հիւանդանոցներում շատ քիչ մահճակալներ ունի հիւանդ երեխաների համար: Իսկ ծծկեր մանուկներին բոլորովին չեն ընդունում հիւանդանոցներում: Չափահասների համար էլ հոգացողութիւնը դրանից աւելի չէ. դրանք էլ տեղի պակասութեան պատճառով մերժվում են: Դուք կասէ՞ք՝ ինչ զարհուրելի դրութիւն է. հարկաւ այդ բանը տեսնում են և քաղաքում ու հասկանում, որ օգնութեան պէտք է հասնել: Անհրաժեշտ է մի, նոյն իսկ մի քանի հիւանդանոցներ կառուցանել, բայց չեն կառուցվում:

Քաղաքը շատ տարիներից ի վեր վիճում է պետութեան հետ այն հարցի մասին, թէ այդ երկուսից որի պարտականութիւնն է հիւանդանոցներ բանալ: Քաղաքն ասում է. հին ժամանակներից մենք պայման ունենք կապած, որով մեր քաղաքում պետութիւնը պէտք է հոգայ հիւանդանոցներ բանալու: Պետութիւնն ասում է. ես ընդունում եմ այդ պայմանագրութիւնը, սակայն շատ ցաւում եմ, որ չեմ կարող հիւանդանոցներ բանալ, որովհետեւ դրամի պակասութիւնն ունեմ, միլիարդներով պարտքեր ունեմ, որոնց համար տոկոսներ պէտք է վճարեմ: Բացի դրանից, ես աւելի էական ծախքեր ունեմ. ես պէտք է քաղաքացիների պաշտպանութեան համար հոգամ պատերազմի դէպքում. այս աւելի էական բան է, քան նոր հիւանդանոց բանալ: Եւ այդ ճիշտ պէտք է վինի, որովհետեւ այդ պետութեան մասին կարգացել եմ, որ նոր պատերազմական նաւեր է կառուցանում, որոնցից մէկը միայն 58 միլիօն արժէ:

Ի՞նչ էք կարծում, 58 միլիօնով կարելի է մի հիւանդանոց բանալ: Այո՛, նոյն իսկ մի քանիսը, բոլոր յարմարութիւններով միասին: Եւ հիւանդանոցները կարող են նոյն իսկ հարիւր տարի գոյութիւն ունենալ, մինչդեռ պատերազմական նաւերը արդէն 10 տարուայ ընթացքում հնանում են, այնպէս որ կրկին նորերը պէտք է կառուցուեն: Սակայն խեղճ հիւանդներն աւելի համեստ են. նրանք այնքան չեն ուզում, որքան որ պատերազմական նաւն արժէ. նրանք աւելի քչով են բաւականանում:

«Le Progrès Militaire» ամսաթերթի հաշուով 110 «տօնանի» թնդանօթի իւրաքանչիւր ուումբը արժէ 4160 ֆրանկ. 104,000 ֆրանկ դրամագլխի տոկոսն է անում, եթէ տարեկան չորս տոկոս հաշուենք: Սակայն այսպիսի թնդանօթը կարող է միայն 93 ուումբ արձակել, որից յետոյ անպէտքանում է և հին երկաթների շարքն անցյետոյ անպէտքանում է և հին երկաթների շարքն անցնում: Եւ որովհետեւ այդպիսի թնդանօթը 412,000 ֆրանկ արժէ, հետեւապէս և նրա արժէքը իւրաքանչիւր արձակած ուումբից յետոյ պակասում է 4340 ֆրանկով, ու-



րեմն և իւրաքանչիւր արձակած ուումբի արժէքը դառնում է 8500 ֆրանկ: Այսպիսով իւրաքանչիւր ուումբ արձակուելիս յօդս են ցնդացնում 212,000 ֆրանկ դրամագլխի տոկոսները:

Ամեն մի ուումբի վրայ ծախսուած դրամով կարող էին ութը հիւանդ մի ամբողջ տարի խնամուել. արդեօք աւելի լաւ չէր լինի մի նոր թնդանօթ ձեռք բերելու փոխարէն՝ մի նոր հիւանդանոց բանալ: Ինչ օգուտ խեղճ մարդկանց, թէ թնդանօթը մի անգամ իրանց պէտք է պաշտպանէ, եթէ նրանք այդ միջոցին հիւանդանալով՝ թշուառ կերպով ոչնչանում են: Արտաքին թշնամին գալիս է երբեմն, կամ գուցէ և երբէք չէ գալիս, սակայն հիւանդ մարդիկ միշտ կան: «Հիւանդութիւն» կոչուած թշնամու դէմ պէտք է ամենից առաջ պաշտպանուէր պետութիւնը, եթէ ազնիւ վերաբերմունք ունենար քաղաքացիներին նկատմամբ, եթէ ոչ՝ կարող է պատահել, որ քաղցից և ցրտից դողացող և հիւանդանոցում տեղ չգտնող մի թշուառական ասէ. «Ինչո՞ւ մարդ եմ ես և ոչ թնդանօթ. եթէ թնդանօթ լինէի, պետութիւնը կը խնամէր ինձ, որպէս զի կեանքս երկարատե ւ լինէր. սակայն տարաբախտաբար մարդ եմ, և այդ պատճառով իմ կեանքը ոչ մի արժէք չունի»: Տեսէք, այդ բանն ասում է մարդը, որի պաշտպանութեան համար է թնդանօթ արձակվում: Մի՞թէ հակասութիւն չէ այդ: Այո՛, երբ դուք մի անգամ ժողովրդի ներկայացուցիչ լինէք պարլամէնտում՝ յօգուտ թնդանօթներին ձայն կը տաք թէ հիւանդանոցներին:

### 10. Ե Ր Կ Ր Ա Յ Ա Ր Թ

Յիշում էք այն մեծ երկրաշարժը, որ 1908 թ. դեկտեմբերին Մեսիսան ամբողջովին կործանեց: Շատ մարդիկ կորցրին իրանց կեանքը, հազարաւորներն էլ կորցրին իրանց կարողութիւնը: Այսպիսի դժբախտութիւնը սարսափելի է, մանաւանդ որ երկրաշարժի դէմ կարելի չէ պաշտպանուել:

Երբ հրաբուխ է ժայթքում, կարելի է ասել, թէ մարդիկ չպէտք է հրաբուխի շրջակայքում բնակուէին, քանի որ գիտէին նրա գոյութեան մասին. երբ ջրհեղեղ է լինում, կարելի է ասել՝ թող զգոյշ լինէին, հօ գիտէին, որ գետն ամեն տարի ավերից դուրս է գալիս:

Սակայն երկրաշարժի միջոցին մարդ պէտք է լուռ մնայ, որովհետեւ մարդս անզօր է նրա դէմ: Երկրաշարժն իսկապէս մի տարերային պատահար է, որից մարդ չի կարող պաշտպանուել. այդ իսկապէս աստուածային պատուհաս է:

Ջրհեղեղների դէմ մարդիկ այլևս անզօր չեն. նրանք սովորել են գետերի հոսանքը կարգաւորել և թումբեր շինել: Եթէ մի անգամ գետը քանդում է թումբը, հարկաւ դժբախտութիւնը մեծ է լինում, սակայն ապագայ թումբերն աւելի ամուր կը լինեն և այլևս թոյլ չեն տայ, որ գետի հոսանքը քանդէ այդ:

Ինչ ուզում է լինի, ձեզ համար պարզ է, որ երկրաշարժն ու ջրհեղեղը օգտակար բաներ չեն. տեսէք, պատերազմն էլ մի տեսակ երկրաշարժ կամ ջրհեղեղ է, միայն թէ աւելի մեծ փասաներ է տալիս: Տասը երկրաշարժ չեն կարող այնքան մարդ ոչնչացնել, որքան ընկնում են մի ճակատամարտում՝ շնորհիւ մեր գերազանց հրազենների: Բայց դեռ կան մարդիկ, որ ասում են, թէ պատերազմը բարիք է և օգտակար. այդ դէպքում երկրաշարժներն ու ջրհեղեղներն էլ բարիք պէտք է լինէին:

Այսպիսի անմտութեանը կարելի չէ պատասխանել. հարցնում ենք միայն՝ ինչպէս կարող ենք պաշտպանուել պատերազմի դէմ: Արդեօք պաշտպանուելու ոչ մի միջոց չկայ՝ ինչպէս երկրաշարժի դէմ, թէ՛ կայ որոշ միջոց՝ ինչպէս ջրհեղեղի դէմ: Այո՛, ընդհանուր շահերը պաշտպանելու համար կարելի է բարձր պաշտպանողական թումբեր կառուցանել, կարելի է փոքրիկ տարածայնութիւնները, որոնք իբրև արգելք բարեկամական հոսանքի առաջն են կտրում, մէջտեղից վերացնել. այդ դէպքում հոսանքն այլ ևս իր հունից դուրս չի գայ, եթէ նոյն իսկ ընդհարումների և բռնկումների ուժեղ տարափ



լինի: Պետութիւններն այդպէս էլ անուժ են: Դաշինքները ոչ այլ ինչ են, եթէ ոչ այդպիսի պաշտպանողական թումբեր: Դրանց թերութիւնն այն է, որ թումբը միայն մի կողմից է շինվում. եթէ պետութիւններն ամեն տեղ այդպիսի թումբեր կառուցանէին, այն ժամանակ պատերազմի վտանգը կանյայտանար: Երկրաշարժի դէմ մենք անգոր ենք. բայց ջրհեղեղի և պատերազմի դէմ՝ ոչ: Ջրհեղեղի դէմ կարող ենք ժամանակին պաշտպանուել, իսկ պատերազմի համար կարևոր է միայն՝ որ չկամենանք:

### 11. ԱՌՈՂՋԱՊԵՏՈՒԹԻՒՆ

Կարիք չկայ, որ այս բառը բացատրեմ ձեզ. ամեն օր անթիւ անգամ լսում էք: Վէրքը կապում են առողջապահական եղանակով. բերանը ողողելու ջուրը, ատամները մաքրելու զանգուածը ծառայում են բերանի առողջապահութեանը. բաղաբը առողջապահական տեսակէտով կոյուղիներ է շինել տալիս. խմելու լաւ ջուրը համարվում է առողջապահութեան առաջին պատուիրանը:

Ուրեմն ի՞նչ է առողջապահութեան նպատակը. նպատակայարմար միջոցներով ազգաբնակչութեան առողջական դրութիւնը այնպէս բարելաւել, որ եթէ տարափոխիկ հիւանդութիւններ առաջանան, չկարողանան տարածուել: Յիշեցէք Պետերբուրգի վերջին խօլերան, որ այնքան զոհեր տարաւ: Երբ խօլերան ամենակատաղի կերպարանք ընդունեց, բաղաբի գովելի հայրերը նոր հասկացան, որ Պետերբուրգը կոյուղիների ցանց չունի և Նեվա գետի ջուրը կատարելապէս վարակուել է: Նոր վճռեցին կոյուղիներ և ջրանցքներ շինել. այդ վճիռը շատ գովելի կը լինէր, եթէ տարափոխիկ հիւանդութիւն սկսուելուց առաջ եղած լինէր: Այժմ արդէն ուշ էր, բանը բանից անց էր կացել: Առողջապահական միջոցները պէտք է նախապէս ձեռնարկուեն, երբ դեռ տարափոխիկ հիւանդութեան մասին խօսք անգամ չկայ, խաղաղութեան միջոցին, կարելի է ասել:

Եւ որովհետեւ «խաղաղութեան միջոցին» խօսքը գործ դրի, մի քանի խօսք էլ ասեմ մի ուրիշ տարափոխիկ հիւանդութեան, պատերազմի մասին: Պատերազմի ջերմը ազգերի հոգեկան հիւանդութիւնն է, որից ճշմարիտ առողջապահութիւնը կարող է մեզ նոյնպէս պաշտպանել, ինչպէս որ պաշտպանում է խօլերայից և ժանտախտից: Դեռ աւելի լաւ, որովհետեւ ժանտախտի պատճառները, հակառակ գիտական ամեն տեսակ հետազոտութիւնների, դեռ այնպէս բաւարար չափով պարզուած չեն, որպէս զի կարելի լինէր իսկապէս նրա առաջն առնել: Սակայն պատերազմի պատճառները գիտենք և եթէ չկամենանք, պատերազմ չի էլ լինի: Հարկաւ այդ կամքն ունենալու համար կարևոր է մի որոշ առողջապահութիւն, որ պատերազմի բացիլներն իրանց սաղմի մէջ է խեղդում և նրա տարածմանն արգելք լինում:

Այդպիսի բացիլներ են ժառանգական թշնամու, վրէժխնդրութեան քաղաքականութեան մասին արտասանուած ճառերը, զօրքերը շատացնելը, նոր թնդանօթները, անվերջ պատերազմական նաւեր շինելը. այս դէպքերում տեղին կը լինէր ազգեցիկ առողջապահութիւնը:

Ի՞նչ կասէին, եթէ ամեն մի երկրում բազմաթիւ գիտնականների զբաղուած լինէին՝ մեծ քանակութեամբ խօլերայի և ժանտախտի բացիլներ բազմացնելով, որպէս զի որոշ հրամանը ստանալուց յետոյ մի ուրիշ երկիր տանէին և այնտեղ տարածէին: Մարդկային արժանապատուութեան զգացմունքի հակառակ կը լինէր այդ, այնպէս չէ՛. բայց միթէ հրազենները, թնդանօթները, պատերազմական նաւերը ճիշտ նոյնպիսի բացիլներ չեն, որոնք նոյնպէս սպանիչ ներգործութիւն ունեն և նոյնպէս որոշ հրամանից յետոյ են գործում: Տեսէք, կան մարդիկ, և զարգացած մարդկանց մեծամասնութիւնն են կազմում դրանք, որոնք ապում են «Si vis pacem, para bellum» — եթէ խաղաղութիւն ես ուզում, պատրաստ եղիր պատերազմի համար: Այդ իսկապէս բացիլ-



ների բազմացնելը կը լինէր: Ազդեցիկ առողջապահութիւնը սակայն պահանջում է զբանց ոչնչացումը, կամ այս դէպքում՝ սպառազինման ընդհատումը:

Եթէ մենք բոլորս գէնք կրէինք, աւելի յաճախ էլ գէնք կը բանեցնէինք՝ քան այժմ, երբ անգէն ենք անցնում փողոցներով: Եթէ բոլոր պետութիւններն էլ դադարեցնէին սպառազինումը, իսկապէս խաղաղութեան համար կը գործէին. այդ պատճառով էլ ուրքեր առողջապահութիւն են սովորել, ասում են. «Si vis pacem, para pacem» — «Եթէ խաղաղութիւն ես ուզում, պատրաստ եղիր խաղաղութեան համար»:

### 12. ԳԼԽԱՆՈՐ ՎԻՃԱԿԸ

Ո՞վ չէ լսել իր այս կամ այն ծանօթի ասածը՝ թէ «Այո, եթէ գլխաւոր վիճակն ինձ ընկնէր». հարիւր հազարաւոր մարդիկ ամեն տարի գնում են խաղաղութեան սոմսակներ, լուելեայն յուսալով թէ գոնէ մի անգամ իրանց կընկնի գլխաւոր վիճակը — ամենամեծ գումարը:

Սակայն շատ քիչ հաւանականութիւն կայ զրա համար. կէս միլիօնաչափ խաղատոմսերի մէջ միայն մէկն է տանում ամենամեծ գումարը և երազած հարստութիւնը ձեռք բերում: Միւս վիճակները սովորաբար փոքր գումարներ են տանում և գլխաւոր վիճակի դերը չեն խաղում, բայց և այնպէս չեղածից աւելի լաւ են: Սակայն ով խաղատոմս է գնում, փոքր վիճակները տանելու ցանկութեամբ չէ առաջնորդվում, այլ հաւատում է, որ գլխաւոր վիճակը կընկնի իրան: Ես ձեզ մի գաղտնիք յայտնեմ, որով կարող կը լինէք գլխաւոր վիճակը տանել: Ես գիտեմ մի վիճակախաղ, որ ամեն տարի հինգ գլխաւոր վիճակ է ձգում և որ ամենից ձեռնտուն է, խաղատոմսը ոչինչ չարժէ: Բայց աւելի անհաւատալին այն է, որ վիճակ ձգուող խաղատոմսերի թիւը հարիւրից աւելի չէ: Երևի սիրով կը ցանկանայիք մասնակցել այդ վիճակախաղին. բայց պէտք է ասեմ,

որ խաղատոմս ձեռք բերելը դժուար է: Խաղատոմսը, այսինքն վիճակահանութեանը մասնակցելու իրաւունքը՝ գլխաւոր վիճակը տանելու համար, թէև ոչինչ չարժէ, սակայն այդ իրաւունքը ձեռք բերելու համար՝ պէտք է ունենալ որոշ յատկութիւն:

Այժմ դուք ինձ չէք հասկանում. աւելի պարզ ասեմ. ասածս վիճակախաղ չէ, այլ մրցանակաբաշխութիւն, և մրցանակն էլ կոչվում է ճօրէլի մրցանակ»: Ով մարդկութեանը ամենամեծ ծառայութիւնն է արել՝ Ֆիզիկայի, քիմիայի, բժշկականութեան կամ գրականութեան շրջանում, կարող է այդպիսի մրցանակ ստանալ: Դուք կասէք, թէ երբէք չենք կարող ստանալ այդ մրցանակը, որովհետև մեր խելքը չի հասնում այդ բաներին: Լիակատար իրաւունք ունէք. ես էլ այդ կարծիքի եմ: Սակայն կայ և հինգերորդ մրցանակ, որ ոչ թէ տաղանդ ունեցողներին է տրվում, այլ բարի կամք ունեցողներին. իսկ բարի կամք ձեզնից ամեն մէկը կարող է երևան բերել:

Հինգերորդ մրցանակը, որի գումարը 200,000 Ֆրանկ է, տրվում է նրան, ով ամենից շատ կամ ամենից լաւ է գործել՝ ազգերի եղբայրակցութեան, այժմեան զօրքերը վերացնելու կամ քչացնելու կամ թէ խաղաղասիրական կօնգրէսները կազմակերպութեան և տարածման համար:

Տեսնում էք, այս մրցանակը ձեզնից իւրաքանչիւրը կարող է ստանալ մի անգամ: Նա պէտք է միայն փորձէ՝ դէպի մարդկութիւնն ունեցած իր պարտականութիւնը կատարելու և մտածէ, թէ ինչպէս կարելի է աշխարհիս երեսից վերացնել պատերազմը. իսկ եթէ նա չի կարող այդ բանն անել ինքնուրոյնաբար, պէտք է այդ խնդիրները վերաբերեալ ուրիշների մտքերը տարածէ խօսքով և գրով, այդ մտքերը պաշտպանէ, հրապարակով քարոզէ և ուրիշներին էլ համոզէ:

Դրա համար կարևոր չէ այնքան տաղանդ, որքան բարի կամք, մեծ ջանք. իսկ այդ բանի համար մարդկանց մեծամասնութիւնը յարմարութիւն ունի: Սակայն



իրողութիւնն այն է, որ Նօբէլի խաղաղութեան մրցանակը ստանալու հաւակնութիւն ունեցողները թիւն աւելի քիչ է լինում, քան թէ գրական, ֆիզիկական և բժշկական մրցանակի տէրերը:

Սակայն ամեն մէկի համար սրճափ հեշտ է՝ ազգերի խաղաղութեան համար մի բան անելը. այդ դէպքում մենք դրամագլուխ չենք կորցնում, Նօբէլի մրցանակն էլ չենք ստանում, բայց տանում ենք գլխաւոր վիճակը: Եւ գիտէ՞ք որն է այստեղ գլխաւոր վիճակը. այն գիտակցութիւնը, որ բարի, ազնիւ մարդ ենք եղել, որ մարդկութեան առաջադիմութեան շաւղի վրայ մեր բաժին աշխատանքը կատարել ենք, մեր կեանքը դուր չենք անց կացրել և մեր անունը ապագայ սերունդները օրհնութեամբ կը յիշեն:

Թող նոյն իսկ միջազգային խաղաղութիւնը դեռ չիրականանայ. ինչ անենք: Մենք մերն արած կը լինենք, ուրիշներն էլ իրանցը կը շարունակեն. ընդհանուր և միաբան աշխատանքը նպատակին կը հասցնի: Այսպիսի գիտակցութեան դիմաց քանի՞ կօպէկ արժէ գլխաւոր վիճակը:

13. ՄԷԿԸ ՊԵՏԶ Է ՆԵՐՈՂԱՄՏՈՒԹԵԱՆ ՍԿԻՉՐԸ ԳՆԷ:

Ձեր ընկերներից մէկի վրայ բարկացած եղել էք այն. ինչո՞ւ: Հաւանականաբար նա ձեր մասին որևէ աննպաստ բան կը խօսէր, և երկուսիդ լաւ բարեկամներից մէկը իսկոյն այդ խօսքերը ձեզ հասցրած կը լինէր: Յետոյ ինչ արիք. երևի ձեր լաւ բարեկամին կասէիք. «Ճիշտ չէ, նա ստում է. այդ անպիտանը այդպիսի բաներ պէտք է ասի իմ մասին, որովհետև ինքն այս ու այն բանն է արել»: Դրանով ձեր սիրաւ հովացրել էք, բայց չարիքն աւելի մեծ կերպարանք է ընդունել: Ձեր լաւ բարեկամը հարկաւ ձեր ասածներն էլ հաղորդել է միւսին. և այժմ դուք թշնամիներ էք դարձել և միմեանց պատահած ժամանակը սեղմուած բռունցքով էք իրար ողջունում: Նոր ըմբռնում էք, թէ ինչ էք կորցրել. եր-

կուսդ ամենալաւ ընկերներ էիք, միասին դբօսանքի էիք գնում, բզէգներ և թիթեռներ էիք ժողովում, ձեր նախաձայր միասին անում, և մի «խաբարբզանութեան» պատճառով ձեր լաւ յարաբերութիւնները վերջացան: Երկուսդ էլ կուզենայիք նորից ընկերանալ, բայց ձեր հպարտութիւնն արգելք է լինում՝ միւսին ասելու. «Միտքս չար չէր, դարձեալ ընկեր լինենք»: Եւ որովհետև երկուսիցդ ոչ մէկը սիրտ չէ անում այդ խօսքերն ասելու, ձեր ամբողջ կեանքի ընթացքում միմեանց թշնամի էք մնում:

Տեսէք, ճիշտ այդպէս է լինում և պետութիւնների կեանքում. համարեա թէ չկայ մի պետութիւն, որ անցեալում մի անգամ մի ուրիշ պետութեան հետ վէճ ունեցած չլինի: Այդ պատճառով էլ ուրիշ պետութիւններին թշնամի է համարում, շարունակ շատացնում է թնդանօթները ու այլ հրազէնների քանակը, ամբութիւններ է կառուցանում և անչափ զինվում: Եթէ այդ պետութեանն ասում են՝ «քառասուն տարուց աւելի է, որ ուրիշ պետութեան հետ վէճ չես ունեցել, նոյն իսկ դաշնակից ես եղել նրան, էլ ինչո՞ւ ես նրա դէմ զինվում, ինչո՞ւ հաւատ չես ընծայում նրան», նա պատասխանում է. «Պարզամիտ մարդ, բարի խրատներդ ուրիշ պետութեան տուր. ես իսկոյն պատրաստ եմ գօրքերս արձակելու, եթէ այդ բարի օրինակը նա տայ. ես այնքան յիմար չեմ, որ առաջին անողը լինեմ»: Ուրեմն ճիշտ այն խօսքերը, որ դուք էք ասում: Մի տարբերութիւն կայ միայն. դուք գուցէ իսկապէս մի երկութեան պատճառ ունէք միմեանց վրայ բարկանալու և ոչ թէ նրա համար, որ ձեր պապերը մի անգամ միմեանց վրայ բարկացած են եղել: Սակայն պետութիւններն այդպէս են, և այդ պատճառով աւելի շուտ իրանց կործանում են, քան թէ միմեանց ասում՝ «հաշտուենք և զէնքերը վար դնենք»:

Բայց եթէ իսկապէս մի պետութիւն սկսէ սպառազինումը դադարեցնել, միւսներն իրօք կը յարձակուեն նրա վրայ, որպէս զի անզէնին կլանեն: Ո՛չ, այդ



քանն անելու արգելում է նրանց պատիւն ու խիղճը, որովհետև կայ՝ պետութեան պատիւ և ազգի խիղճ, ինչպէս որ անհատներն ունեն՝ պատիւ և խիղճ: Բացի դրանից՝ անցել է այն ժամանակը, երբ պետութիւնը մեծանում էր նուաճումներով: Տեսէք, Շվէյցարիան, հիւսիսային պետութիւնները, Բելգիան շատ սակաւ են զինվում, բայց և այնպէս միւս պետութիւններէ մտքովն անգամ չէ անցնում՝ այդ երկիրներից մէկին տիրանալու: Այդ պետութիւնները չեն զինվում, որովհետև ընդմիշտ իրանց չէզոք են յայտարարել: Արդեօք մի այլ պետութիւն ևս նոյնը չի՞ կարող անել. նա պէտք է միայն սկիզբը դնէ: Չէ՞ որ պետութիւններն ամեն բանում հետևում են միմեանց՝ զբաճանաւեր, ականներ պատուիրելիս, հարկեր, օրէնքներ հրատարակելիս. նրանք միմեանց կը հետևեն նաև սպառազինումը դադարեցնելու գործում, երբ տեսնեն, որ միլիօններ են խնայում: Սակայն ամենամեծ վաստակը այն պետութիւնը կունենայ, ով ամենից շուտ սկսէ սպառազինման դադարումը: Եւ ոչ թէ միայն վաստակ կունենայ, այլ և կը վայելէ փայլուն օրինակով առաջընթաց լինելու փառքը:

Մէկը պէտք է ներողամտութեան սկիզբը դնէ, առում է Բեռլինսընը իր «Ուժից վեր» թատերգութեան մէջ: Թող այս խօսքերը իրանց սրտին մօտ ընդունեն պետութիւնները և վրիժառութեան քաղաքականութեան փոխարէն՝ բարի օրինակ ապու քաղաքականութեան հետևեն:

14. ՄԱՅՐԱԿԱՆ ՍԷՐ

Արդեօք կարիք կայ, որ այս խօսքն աւելի բացատրենմ ձեզ. արդեօք ինչ որ պէտք է ասուի, արդէն չէ՞ պարունակվում «մայրական սէր» խօսքի մէջ: Հարկ կայ առաջ բերելու օրինակներ պատմութիւնից և ամենօրեայ քրոնիկոնից՝ թէ ինչպէս մայրը գոհուել է իր երեխայի համար կամ գոհվում է: Ձեր անձնական փորձից էլ

զիտէք, թէ ինչ կարող է անել ձեր մայրը ձեզ համար: Մտաբերեցէք միայն այն բազմաթիւ գիշերները, ձեր առողջ և հիւանդ օրերին, երբ ձեր մայրը ձեր պատճառով անքուն է անց կացրել:

Կամ թէ պատմեմ ձեզ այն հազարաւոր օրինակները, թէ ինչպէս խեղճ այրի կինը ծանր աշխատանքով իր զաւակների համար հաց է վաստակում, ինչպէս մինչև կէս գիշեր կարում և լուանում է, որպէս զի իր աղաներն էլ իրանց ընկերների նման կարգին հաղնուած լինեն: Ինչո՞ւ է նա այդպէս անում. պատասխանը գտնուում է հէնց «մայրական սէր» խօսքի մէջ:

Եւ ինչ է ցանկանում իւրաքանչիւր մայր իր զաւակների ապագայի համար. հարստութիւն, այնպիսի երջանկութիւն, որ ուրիշ ոչ ոք չունենայ, և ամենից առաջ՝ առողջութիւն, որի համար նա սրտանց ազաչում է Ստուծուն:

Նրա բաղձանքն է՝ ամեն տեսակ անազնիւ ազդեցութիւնից հեռու պահել իր զաւակին. ամենալաւ ընկերները, ամենալաւ ուսուցիչներն անգամ բաւարար չափով լաւ չեն նրա աչքում: Նա ցանկանում է շարունակ իր զաւակի հետ լինել, որպէս զի եթէ որևէ դժբախտութիւն սպառնայ նրան, ինքն առաջ ընկնի և դժբախտութեան գոհն ինքը լինի: Յետոյ գալիս է կեանքի այն վայրկեանը, երբ մայրն այլ ևս իր զաւակի պահապան հրեշտակը չի կարող լինել — տղան զինուոր է գնում: Ո՛րքան օրհնութիւններով է նա զաւակին ճանապարհ ձգում, որքան ջերմ արցունքներ է թափում, երբ իր սիրելին այլ ևս իր մօտ չէ: Բայց միևնոյն ժամանակ որքան հպարտ է նա, երբ իր զաւակը զարդարուն համազգեստով իր հետ միասին անցնում է փողոցով: Այդ դէպքում զաւակը նրա աչքում ամենալաւ զինուորն է, որի նմանը երբէք չէ եղել: Եւ ինչ որ ինքն առաջ կարդացել կամ լսել է քաջութեան, անվեհերութեան և այրականութեան մասին, այդ բոլորը վերագրում է իր զաւակին: Նա երևալայում է արդէն, որ իր որդին աւելի մեծ հերոս կը լինի,



աշխարհը նրան մատով ցոյց կը տայ, նոյնպէս և իրան, իբրև ընտիր զաւակի մօրը:

Եւ ինչ բաներ է երազում այդպիսի մայրը: Արդեօք իրականութիւնն էլ է երազումնա. երազում է նոյնպէս, որ իր զաւակին վերադարձնում են առանց ոտքերի, որ նրա ուղեղը ցաք ու ցրիւ է գալիս զբանատի հարուածից, որ նա առանց օգնութեան հասնող ձեռքի արնաքամ է լինում պատերազմի դաշտում: Ո՛չ, այդպիսի բաներ չէ երազում մայրը. մայրական սիրտը կարող է ամեն բան ըմբռնել, ըստ յոյս երբէք զաւակի կորուստը:

Սակայն մի մխիթարութիւն ունի նա. նրա զաւակն ընկել է պատուի դաշտի վրայ, հայրենիքի համար: Միթէ զաւակը կորցրած մօր համար մխիթարութիւն է այդ. ինչ նշանակութիւն ունի նրա համար հայրենիքը, փառաւոր յաղթանակը, երբ նրա զաւակն այլ ևս կենդանի չէ, նրա սիրելի, գեղեցիկ, բարի ու քաջ զաւակը: Միթէ նրա համար էր ինքը հսկել, աշխատել և հոգացել, որ իր զաւակը թնդանօթի կերակուր դառնայ: Եւ խորին ատելութիւն է արթնանում մօր սրտում հայրենիքի, զինուորականութեան և այն ամենի դէմ, որոնց ձեռքումն է իշխանութիւնը:

Ո՛չ, մայր, անարդար է քո ատելութիւնը. մի ատիր հայրենիքդ, մի ատիր զինուորականութիւնը. ինքդ քեզ ատիր, որովհետև դու էլ մեղսակից ես, որ զաւակդ ընկաւ: Ինչո՞ւ դու ոչինչ չարիք, որ պատերազմի առաջն առնուի: Արդեօք կարելի է պատերազմի առաջն առնել: Հարկաւ, պէտք է միայն չկամենալ, որ պատերազմ լինի: Եթէ բոլոր մայրերը դեռ խաղաղութեան ժամանակ առնեն՝ «մենք սիրով նուիրում ենք մեր զաւակներին հայրենիքի ծառայութեան, սակայն նրանց ծառայութիւնն աւելի լաւ կարելի է գործադրել, քան թնդանօթի կերակուր դառնալը. պատերազմը կարևոր չէ»: Եթէ բոլոր երկիրներում բոլոր մայրերն այդպէս մտածեն, այլ ևս պատերազմ չի լինի:

Աղջիկներ, որ մի անգամ մայր պիտի դառնաք, լաւ միտներդ պահեցէք հետևեալը. «Պատերազմը կարևոր

չէ, պէտք է միայն չկամենալ պատերազմ». ասացէք այդ բանը ձեր ձեռքը խնդրողներին, մանկութիւնից սովորեցրէք այդ ձեր զաւակներին:

15. ԻՆՉՈ՞Ւ ՀԱՄԱՐ ԵՆՔ ԱՊՐԱՆՄ, ԻՆՉ՞ՈՒ ՀԱՄԱՐ ԱՅՆՍՏՈՒՄ

Արդեօք երբևիցէ մտածել էք. թէ ինչո՞ւ համար է ձեր հայրը ջանասիրութեամբ աշխատում գործատանը: Այո, հարկաւ դուք լիակատար կերպով հասկանում էք այդ: Ո՛րքան աւելի աշխատի նա, այնքան աւելի կը վաստակի, այնքան աւելի լաւ կը կերակրի, այնքան աւելի լաւ կը հագցնի ձեզ: Նա մինչև անգամ իր հին զգեստը երկար կը հագնի, որպէս զի ձեզ համար նորը գնի: Ինչո՞ւ է նա այդպէս անում. որովհետև նա ձեր բարի հայրն է, որովհետև ձեզ համար ամենալաւն էլ ձեռք բերելով՝ դեռ գոհ չէ:

Բայց միայն դրա համար չէ աշխատում նա. դուք չպէտք է միայն ուտէք և լաւ զգեստ հագնէք, այլև պէտք է ապագայում աջողակ մարդիկ դառնաք: Բայց ինչ էլ որ սովորէք, սովորելը միշտ դրամ արժէ. դպրոցին վճարելիք թողալը, դասագրքերը դրամ են պահանջում, իսկ եթէ ձեզնից մէկն էլ ուրիշ տեղ է գնում բան սովորելու՝ աւելացրէք և բնակարանի վարձը, ապրուստը: Եթէ մէկն էլ ուզում է կողմնակի երաժշտութիւն, նկարչութիւն կամ ուրիշ իր սիրած բանը սովորել, ինչքան դրամ է հարկաւոր: Ուրեմն այդ բաների համար էլ ձեր բարի հայրը պէտք է աշխատէ:

Բացի այդ ծախքերից նա մի քանի կօպէկ էլ յետ է ձգում, որպէս զի երբ Տէր Աստուածն իրան այս աշխարհից վերացնէ, իր սիրեցեալ տղան առանց որևէ նեցուկի չմնայ և իր թանկագին աղջիկը ամուսնանալիս օժիտ ունենայ:

Սակայն իսկապէս բոլորն այդ է, ինչ որ ձեր հայրն անում է ձեզ համար: Ինչո՞ւ է գնում նա այն ժողով-



ները, որտեղ դպրոցական դասատուութեան բարելաւման մասին են խօսում. նա հօ վաղուց է դպրոցից դուրս եկել: Ձեր պատճառով, որպէս զի դուք սովորէք ամենալաւը, ամենանպատակայարմարը: Ինչո՞ւ են մտահոգութիւն պատճառում նրան՝ հիւանդների ապահովութեան, ծերացածների և վիրաւորուածների ապահովութեան և նման հարցերը. նա, փանք Աստուծոյ, այնպիսի դրութեան մէջ է, որ պատահած դէպքում կարող է և բուժարանի ծախքերը հոգալ, իր ապահով կենսաթոշակն ունի. ինչո՞ւ: Դարձեալ ձեր պատճառով. գուցէ դուք մի անգամ կարիք ունենաք: Ինչո՞ւ է հետաքրքրվում նա մի երկաթուղու կառուցման գործով, որով երբէք ձանապարհորդելու չէ: Նա և բոլոր հայերը աշխատում են, որ ապագայ սերունդներին—դուք և ձեր ունենալիք զաւակները—կեանքը ըստ կարելոյն հաճելի դարձնեն և ամեն տեսակէտով գեղեցկացնեն:

Այժմ մտածեցէք, թէ ի՞նչ կը լինի, եթէ ձեր հօրն ասեմ. «Խնայողութիւն մի անի, գուր ջանք է, մի երկու տարուց յետոյ խնայածդ կը կորչի. որդուդ համար մի հոգա, մի երկու տարուց յետոյ կը մեռնի»: Արդեօք ի՞նչ կը պատասխանի ինձ ձեր հայրը. «Հեռացիր աչքիցս, չարագուշակ ագռաւ, իմ դրամն ապահովուած է պետական արժեթղթերով և ամեն ջանք գործ եմ դրնում, որ տղաս չհիւանդանայ. ամառն ուղարկում եմ նրան լեռները կամ ծովափ. մէկ նայիր առողջ և ուժեղ տղայիս դէմքին. ինչո՞ւ պէտք է մի երկու տարուց յետոյ մեռնի. անմիտ բան է ասածդ»:

Եւ եթէ ես նրան ասեմ յետոյ՝ «գուր ի՞նքդ ես ամեն բան նախապատրաստում, որ գեռափթիթ զաւակդ թշուառ կերպով ոչնչանայ, որ քո դրամի հետքն էլ չմնայ», այն ժամանակ նա հարկաւ այլ ևս ինձ չի պատասխանի, այլ գժատուն ուղարկել կը տայ:

Բայց և այնպէս ես զիժ չեմ և ասածներս էլ խիստ լուրջ՝ բառի բուն նշանակութեամբ: Ի՞նչ է պատահում պատերազմի դէպքում: Պատերազմի ժամանակ ապահով պետական արժեթղթերն էլ քիչ արժէք ունեն կամ բո-

լորովին կորցնում են իրանց արժէքը: Հարցրէք մի հասկացող մարդու, թէ սրբան է ընկել ուսական ընտանների արժէքը ուս-շապոնական պատերազմն սկսուելուց յետոյ, թէ սրբան մարդ է իր կարողութիւնը կորցրել բուրբի պատերազմի ժամանակ՝ ունենալով աշխարհիս ամենաապահով համարուած արժեթղթերը—անգլիական կօնսօնները:

Մի՞թէ ձեր հայրն իրաւ կարծում է, թէ թշնամու գրանատները հէնց ձեզ պիտի խնային: Ո՛չ, հարկաւ ո՛չ, բայց նա չէ մտածում պատերազմի դէպքի մասին, որովհետեւ եթէ մտածէր, նա էլ կը հոգար, որ պատերազմ չլինի, ինչպէս որ հոգում է ձեր կրթութեան մասին:

Բայց արդեօք կարելի՞ է հոգալ, որ պատերազմ չլինի: Ի հարկէ, կարելի է. դու կարող ես ամեն օր լրագրում կարգալ, որ մի քաղաքագէտ կամ մի զօրապետ պնդում է, թէ «խաղաղութիւն պահպանելու համար պէտք է զօրքը կամ նաւատորմիդը կրկնապատկել»: Ի՞նչ ես կարծում: «Միւս պետութիւններն էլ շատացնում են իրանց զօրքերը և այդպիսով խաղաղութիւնը կրկին ապահովուած չէ»: «Եթէ ուրիշներն են այդ անում, մենք աւելի ևս պէտք է շատացնենք մեր զօրքերը»: Դու կասես՝ «նոյնը կանեն դարձեալ և ուրիշները»: «Իրաւունք ունես. ինչպէս որ ասում ես, հէնց այդպէս էլ լինում է աշխարհում իրապէս»: Սակայն գուցէ և զօրքերի թիւը շատացնելը խաղաղութեան ապահով գրաւական չէ: Ի՞նչ կը լինի արդեօք, եթէ պետութիւններն իրանց զօրքերը շատացնելու փոխարէն՝ քչացնեն:

Այդպէս են մտածում և խաղաղասէրները, որ արդէն բոլոր երկիրներում մի ուժեղ կուսակցութիւն են կազմում. դրանք հետագօտում են պատերազմի պատճառները, մտածում են պատերազմների սարսափելի հետևանքների մասին, միջոցներ են որոնում և գտել են հնարը, թէ ինչպէս պէտք է պատերազմի առաջն առնել, կամ աւելի լաւ ասենք, թէ ինչպէս պէտք է պատերազմի կարելիութիւնը աշխարհի երեսից վերացնել:



Եթէ ձեր հայրն իսկապէս ուզում է ձեր բարին, պէտք է խաղաղասէրներին միանայ: Այդպիսով, նա աւելի լաւ գործ կատարած կը լինի, քան թէ ձեր ծերութեան թողակի մասին հոգալը, որովհետեւ այդպիսով նա օգնած կը լինի ձեր երջանիկ բարգաւաճման հիմնական պայմանի ստեղծագործմանը, նա աշխատած կը լինի միջազգային խաղաղութեան համար: Եթէ բոլոր պետութիւնները մարդկանց մեծամասնութիւնը խաղաղասէրներ լինեն, խաղաղութիւնն աւելի լաւ երաշխաւորուած կը լինի, քան թէ բազմաթիւ զօրքերով: Այդ մասին խօսեցէք ձեր հօր հետ. գուցէ այդ մասին նա ոչինչ չէ լսել կամ սխալ բաներ է լսել. ինքներդ էլ մտածեցէք այդ հարցի մասին. արժէ դրա համար գլուխ ցաւեցնել. և երբ ձեր ներքին աշխարհի հետ համաձայնութեան գաք, աշխատեցէք լաւ հայրենասէր լինելու հետ միասին և համարձակ խաղաղասէր լինել: Մի թոյլ տաք, որ ձեզ համոզեն, թէ հայրենասէրը նա է, ով կուրծքը ծեծելով ասում է. «Ինչ մեծ գործ որ կատարուել է մինչև այժմ, եղել է իմ ազգի շնորհիւ. ես անզլիացի եմ, կամ ռուս եմ, կամ թէ գերմանացի եմ»:

Այդպիսի մարդիկ իսկապէս ամեն ազգի մէջ էլ կան. անարդարն ու տգեղը նրանք միայն ուրիշ ազգերի մէջ են տեսնում, իրանց ազգն անսխալական է: Սակայն մի թէ ամենալաւ ծնողները նրանք են, որոնք թոյլ են տալիս իրանց զաւակներին՝ ամեն տեսակ անկարգութիւններ անել, որոնք նրանց ամեն մի յիմար վարմունքը լաւ են համարում և որոնք իրանց զաւակներին աշխարհիս վրայ ամենից խելացիներն են համարում: Ո՛չ, հարկաւ, ոչ: Այն ծնողները, որոնք իրանց որդոց սովորեցնում են արդարացի լինել, աշխատել, շրջապատողներին քաղաքավարի և բարեկամական վերաբերմունք ցոյց տալ, այն ծնողները, որոնք իրանց զաւակները թերութիւնները չեն ծածկում, ժամանակին զգուշացնում են նրանց և պատժում, դրանց զաւակները կասեն. «Այո, իսկապէս որ ծնողներս սիրել են ինձ. թէ և երբեմն և ծեծ եմ կերել նրանց ձեռքով, սակայն ճշտօք շնորհա-

կալ եմ նրանցից, որովհետեւ նրանք ինձ կարգին մարդ են դարձրել»:

Այս բարի ծնողների նման են սիրում խաղաղասէրներն իրանց հայրենիքը և նրա լաւն են ուզում. իսկ միւսներն ուզում են միայն, որ քարտէզի վրայ որքան կարելի է մեծ կտոր ներկուած լինի իրանց հայրենիքի գոյնով, և սրեր շառաչելով՝ կարծում են, թէ հայրենասիրութիւնը կապալով են վերցրել: Սակայն հայրենիքի իրական բարգաւաճման հասկացողութիւնը չունեն դրանք. այդ պատճառով և դրանք ոչ թէ հայրենասէրներ են, այլ շօլիինիստներ: Բայց խաղաղասէրների մասին Գերմանիայի բայթսկացիներ իշխան Բիւլը միջազգային պարլամենտական 15-րդ կոնֆերէնցում, Բերլինում, ասել է. «Սաղաղասիրութիւնը չէ նշանակում հայրենասիրութեան պակասութիւն. կան հայրենասէրներ, որ աշխատում են ընդհարումների առաջն առնել՝ կռիւ մղելով վնասակար տգիտութեան, յաճախ կոյր ատելութիւնից առաջացած սխալ դատողութեան և խարէական պատուասիրութեան դէմ: Ով այդպէս է գործում, մի այնպիսի հայրենասիրութեան ապացոյց է տալիս, որ ազատ է կացուցանում ճանապարհը, արգելքները վերացնում և այդպիսով հեշտացնում է մարդկութեան գործը՝ հասնելու բոլոր ժամանակներին և բոլոր ազգերի ընդհանուր իրէպիւն»:

Նոյն առիթով գերմանական թագաժառանգն ասել է. «Սաղաղութեան պահպանումը, որին իր ամենամեծ հոգացողութիւնն է նուիրել իմ հայր կայսրը կառավարութեան ամբողջ ժամանակի ընթացքում, յաճախ շատ բրտնաջան աշխատանք է, բայց արժանի, որ բոլոր ազգերի ամենաազնիւ ոգիները իրանց ամբողջ ոյժը դրա համար գործադրեն»:

**ԸՆԴՀԱՆՈՒՐ ԴԻՏՈՂՈՒԹԻՒՆՆԵՐ ԱՎ ՄԱՍԻ ՕՐԻՆԱԿՆԵՐԻ ՆԿԱՏՄԱՄԲ ԵՒ ՎԵՐՋՆԱԲՆ**

Այս գրքի առաջին ու երկրորդ մասում նկարագրեցի խաղաղասիրութեան հիմնական սկզբունքները, իսկ



երրորդ մասի նպատակն էր՝ խաղաղասիրութեան գործնական իրագործումը ցոյց տալ:

Խաղաղասիրութեան գլխաւոր պահանջներէց մէկն է պատմութեան դասականութեան բարելաւումը, այսինքն դաստիարակութեան այն եղանակի վերացումը, որ ներկայումս ուղղակի ձգտում է երիտասարդութեան մէջ պատերազմական ոգի զարթեցնել: Թէ ինչպէս պէտք է ուսուցիչն ազդէ հակառակ ուղղութեամբ, պարզում են 1—4 օրինակները:

Արդէն առաջ յիշուած օրինակներում ևս, առիթ եղած ժամանակ, խօսուել է Հաագի միջազգային դատարանի մասին. № 5 օրինակը պարզում է դատարանական գործի զարգացումը:

Խաղաղասէրներն էլ գիտեն, որ նոյն իսկ միջազգային դատարանը պարտաւորեցուցիչ կերպով ընդունելուց յետոյ ևս դեռ պատերազմ կը լինի. կը լինեն յանցագործ պետութիւններ, ինչպէս որ այժմ կան յանցագործ անհատներ: Ճիշտ այնպէս, ինչպէս որ այժմ պետական իշխանութիւնը այդ անհատների դէմ է գործում, ապագայում նոյնը անհրաժեշտաբար պէտք է լինի և յանցագործ պետութիւնների դէմ: Այս կերպով անհրաժեշտ դարձած պատերազմի փոփոխուած բնոյթի մասին բացատրութիւն է տալիս № 6 օրինակը:

Տողբրիս գրողն այն կարծիքի է, որ աստիճանական զարգացումը չի կարող ընդհատուել, ուր մնաց թէ՛ յետադիմէ: Զօրքերի շարունակ աճող ոյժը կարծես կարևոր է դարձել. պարզապէս սպառազինման ընդհատումը պահանջել և զինուորականութեան հետ կապակցուած բազմատեսակ շահերի հակառակ դնալ՝ նշանակում է հոսանքի հակառակ լողալ: № № 7 և 8 օրինակներն ի նկատի ունեն այդ շահերի հաշտեցումը և զբանով ցոյց են տալիս խաղաղասիրութեան գործնական իրականացման կարելիութիւնը:

Խաղաղասիրութեան գործնական իրականացումը ներկայի գործը չէ, այլ վերապահուած է ապագային: Այժմ մեր առաջը նստած դպրոցական տղաներն ու աղ-

ջիկները մի բանի տարուց յետոյ չափահաս մարդիկ կը լինեն. դրանցից ոմանք կարող են ժողովրդի պաշտօնական ներկայացուցիչը դառնալ և պետութեան ճակատագրի վրայ որոշ ազդեցութիւն ունենալ: Բոլորն էլ կարող են նպաստաւոր կամ աննպաստ ազդեցութիւն ունենալ ժողովրդի կամքի վրայ. այդ պատճառով այժմեանից պէտք է աշխատենք երիտասարդութիւնը զբաւել յօգուտ մեր ձգտումների: Պատերազմի առաջն առնելու ամենաազդու միջոցն է՝ պատերազմ չկամենալը. № № 9—15 օրինակների նպատակն է՝ երիտասարդներին այդ տրամադրութիւնը ներշնչել: Եթէ այդ բանն աջողուի, այդ դէպքում այս աշխատութիւնը լիովին հասած կը լինի իր նպատակին, այդ դէպքում մենք ամենալաւ գործն արած կը լինենք խաղաղութեան գործնական իրականացման համար: Ամեն մի աշխատութիւն սկսելիս՝ աջողութեան գլխաւոր պայմանն է բարի կամքը. այդ պատճառով և աշխատութեանս հեղինակը դիմում է ընթերցողներին և խնդրում, որ նրանք, ովքեր խաղաղասիրութեան ուսման համակրող են հանդիսանում արդէն՝ առանց վարանալու, ամեն տեսակ արգելքների յաղթեով, իրանց բարի կամքը գործ դնեն՝ խաղաղասիրութիւնը երիտասարդութեան մէջ տարածելու:





Faint, illegible text, likely bleed-through from the reverse side of the page.



Faint, illegible text at the bottom of the page, likely bleed-through from the reverse side.



Հոյս են տեսել «ԱՐՕՐԻ» հրատարակութեամբ  
հետևեալ գրքերը

- |   |       |
|---|-------|
| 1) Մի ձեզիւնից մի գիր, Սա. Մալխասեանցի, գինը . . .  | 20 կ. |
| 2) Հայաստանն երբեմն եւ այժմ, Լեւոն Հաւուպտի,<br>թարգմ. Իս. Յարութիւնեանի, գինը . . .          | 20 կ. |
| 3) Սասնուածներ Մահովդի, ընտրուած Լ. Ն. Տօլս-<br>տօյի ձեռքով, թարգմ. Լ. Գանիէլեանի, գինը . . . | 5 կ.  |
| 4) Կօնօնոցիս, կազմեց Պ. Ա. Բուլանժէ, խմբ. Լ. Ն.<br>Տօլստօյի, թարգմ. Սուրբաթեանի, գինը . . .   | 7 կ.  |
| 5) Ճարտերի ազատագրութեան յիսնամեակը, գինը . . .   | 15 կ. |
| 6) Խոստովանութիւնը, Լ. Ն. Տօլստօյի, թարգմանութ.<br>Սուրբաթեանի, գինը . . .                    | 30 կ. |
| 7) Եննուց երեքը, մեծ վեպ Վիկտօր Հիւգօյի, թարգմ.<br>Ա. Սաֆարեանի, գինը . . . 1 ր.              | 50 կ. |
| 8) Նշանուածներ, պիէս 3 գործ., Ալ. Աբէլեանի, գ.  | 60 կ. |
| 9) Սաւանոյ ոգին, վեպ Յովակիմ Սօլօվեանի, գ.  | 40 կ. |
| 10) Ուսանողներ, պատկեր 3 արարուածով, Գ. Բա-<br>շինջազեանի, գ. . . . .                         | 50 կ. |
| 11) Փարտաւոնն ու հանձաւը, Ա. Մ. Եղեկեանի, գինը  | 15 կ. |
| 12) Մագդա, դրամա 5 գործ., Լ. Մանուէլեանի, գ.  | 40 կ. |

Սոյն գրքերը ծախվում են «ԱՐՕՐԻ» խմբագ-  
րատանը:



25

2013



